


1737




Early European Books, Copyright © 2009 ProQuest LLC.
Images reproduced by courtesy of the Royal Library, Copenhagen.
(LN 1157 4° copy 2)





Early European Books, Copyright © 2009 ProQuest LLC.
Images reproduced by courtesy of the Royal Library, Copenhagen.
(LN 1157 4° copy 2)



Early European Books, Copyright © 2009 ProQuest LLC.
Images reproduced by courtesy of the Royal Library, Copenhagen.
(LN 1157 4° copy 2)



Early European Books, Copyright © 2009 ProQuest LLC.
Images reproduced by courtesy of the Royal Library, Copenhagen.
(LN 1157 4^o copy 2)

DA BOX

Nº 1232.



Meister J. J. J.

LN 1157

ex. 2



Honesto & primo viro
Dno Casp. Caslepio Thar.
macroscopo Regio amicus
suo optimo J. A. Georgius
de Roma per D. I. I. I. I.
7 Aug. Ao 1595.

PH
LA
CTIO
CVM,
storund
signia, ex
ptacur
polsu

M.

Infy

STO

Brude

FRA

EPIGRAMMATA

PHILIPPI ME-
LANTHONIS SELE-
CTIORA, FORMVLIS PRE-
CVM, HISTORIIS, PARAPHRASI DI-
ctorum diuinorum, & sententijs grauissimis maximè in-
signia, ex edito Epigrammatum libello & aliunde excer-
pta: ac vt pueris in pia institutione proponi & inculcari
possint, seorsim cum indicatiunculis argumen-
torum, ad capita certa ordine ali-
quo collecta,

A
M. PETRO HEGELVND

Lectore Theolog. Ripensi:

Insuper & Iconibus argumento conuenientibus, ele-
gantissimis exornata,

A
SIGISMVND FETERABEND
Bibliopola Francofordiano.



Nicolaus

*Flasnia Calens.
Februarij Ho
11⁵ 9 3.
Stubaus*

FRANCOFORTI ad Moenum 1583.

LECTORI CANDIDO
ET PVERIS.

*Omnia miramur diuini scripta Philippi,
Et singulis pia cernui damus oscula:
Omnia sunt aurum, nec ut hic secernere quicquam
Sit opus, bonum quasi sit præ alio aliud magis.
At saltem ut pueris tanti instillemus amorem
Artificis, est opus præ alio aliud magis.
Ardebas pueros quantum ipse Philippe tenellos,
Tantum, ô, vicissim pueruli in te exardeant:
Aureaq, alueolis ductore reponere discant
Te, mella, mellitissimo Melanthere.*

PET. HEG. R.


ALIUD AD EOSDEM.

*Collegere libris Epigrammata multa Philippi
Ingenio eximij iudicioq, viri.
Ast Hegelundus apis genuina Philippica, libro hoc
Colligit hæc melius, collocat & melius.
Ergo sit hic gratus, sit mentio grata Philippi:
Namq, Deo studium sacrat uterq, suum.*

NIC. CRAGIUS R.



GENEROSAE INDO-
 LIS ET SPEI PRAECLARAE
 ADOLESCENTI OTTONI, NOBILISSI-
 mi viri GEORGII ROSENKRANTZII, Rosen-
 holmiæ domini, Senatoris regni Daniæ, & con-
 siliarij regij amplissimi, FILIO S.



NEQUE monere ego te, præstanti ingenio adolescen-
 tem, neque confirmare debeo, qui vltro officium fa-
 cis: docere verò nullo modo, vtentem præceptorib.
 literatissimis: hortari tamen & velut è longinquo
 acclamare acriter currenti, id verò fortasse licebit. Dabis igitur
 hanc

* 2

EPISTOLA

hanc mihi veniam, Otto suauissime, ut cur te potissimum hic alloquar, & quæ consilij mei ratio, benignus libensq; audias. Multos iam annos amplissima fuit in gente nostra familia vestra dignitas & decus: ex qua & olim multi, & nunc, prodire præstantissimi viri, belli & pacis tempore, Regibus & patriæ toti carissimi: quorum opera, ut Comici verbis utar, in bello, in otio, in negotio, suo quisq; tempore usus est sine superbia. Sed hæc apud nostros, omnibus in medio sunt: & ego verecundia prohibeor, de tuis ad te ipsum loqui, ne gentis vestre historiam texere, auribusq; illa tuis dare voluisse, videri possim. Saltem igitur ad patrem ipsum tuum (hunc enim apud te, tum tua ipsius, tum mea, tum Reipublicæ causa, præterire nullo modo debeo) oculos atque animum conuertas. Nosti ipse optimè, & ego id quod auditione iam olim acceperam, postea diuersis temporibus, cum ita res meæ ferrent, in aliquot dierum cum ipso congressu & tanquam schola, coram didici: quàm & temporis sit parcus dispensator: quàm multum grauisimis studiis: quàm nihil voluptatibus, ijs præsertim quas vulgus hoc nomine censet, quæ veræ non sunt, tribuat: quàm ipse voluntate sua & iudicio, disciplinarum optimarum studiis addictus sit, penèq; affixus, non minus ac nostrum aliquis, qui in libris abditi nullamq; Reipub. partem attingentes, studia hæc necessitate quadam vitæ simul toleranda & muneris tuendi, colimus: adeoq; ut nisi legendo cotidie, meditandog; quamplurimum temporis consumat, non se viuere suauiter, imò prorsus non se viuere, existimet. Declarauit sanè iam sæpius, in priuatis & publicis actionibus, quàm ipse pro singulari perpetuoq; suo in Rempubl. studio, non inuitus in hoc desudarit, ut patriæ nostræ res memorabiles, & Danicæ gentis antiquitates, inde usq; ab ultima hominum memoria, ex annalibus priscis, ex archiuis & diplomatis regijs, è gentium exterarum com-

mer-

DEDICATORIA.

mercijs, fæderibus, monumentis vetustis, maiorum relationibus, doctis deniq; coniecturis, hinc inde sagaci ingenio & studio indefesso erutas, veteres & novas, in promptu semper numeratog; habeat. Neq; adeo iniuria cum plurimis conqueritur, res gestas historiamq; perpetuam gentis nostræ, sub posterioribus aliquot bene multis Regibus, in isto præsertim literis bonis & ingenijs felicibus affluente seculo, iam diu desiderari: atq; ea quæ proximorum regum, ut dixi, quorum ætati suppare ipsi ferè sumus, temporibus contigerunt, nullis propemodum monumentis publicis consignata: sed in paucorum hominum memoria & commentarijs priuatis conseruari hæcenus & delitescere. Quo maioris diligentie & expectationis opus fuerit, eam historie partem, in qua popularis noster Saxo Grammaticus ante annos plus minus quadringentos desiit, continuatam pertexere, cumq; dignitate ad posteros propagare. Ista igitur domestica paternaq; diligentie & virtutis exempla tam illustria, accendere tibi animum debent, in ætate hac florente, ad studiorum præclarissimorum, omnisq; humanitatis amorem, & Musas tanto ardore complectendas, quanto iam diu patrem vides: quantoq; opus esse existimabis, gentilitio nobilitatis splendori literis & virtute exornando.

Sunt verò deinde & alia maiora, quæ vir deinceps factus, in viro, & quidem ad senectutis limen iam accedente imitabere. Atqui ex patre tuo, aut ex nullo discies, quantum decus sit, in omni actione et officio moderatorem æquabilitatemq; eam tueri, in qua summa seueritas pari humanitatis temperamento condita sit. Animaduertes etiam olim, quando & ipse tu ex umbratili studiorum exercitatione (in qua nunc magna cum laude profectug; versaris) in lucem, puluerem, atque aciem forensē

* 3.

educe-

educeris: quàm parens tuus hæcenus multis in difficillimis negotijs, & recip. temporibus, in iudicijs, in legationibus, in provincia commissa administratione, personam sustinuerit gravissimam consiliarij sapientis, arbitri integri & casti, iudicis religiosi, legati prudentis, magistratus vigilantis & equi: quàmque fuerit semper φιλοσοφικός & ὁμῶς καὶ φιλόπολις: & de quo non vulgò tantum, sed etiam inter sui ordinis homines viros clarissimos, ea sit integritatis & iusticie explorata opinio, ut pro Catone nostri temporis haberi possit, utq; non benevolentia tantum, sed & admiratione dignus apud omnes censeatur.

Inquirendum itaq; tibi porrò fuerit, quibus ille gradibus ad hoc amplissimum dignitatis fastigium & virtutis spectata decus conscenderit: quo imitari & assequi possis felicius. Nempe ergo non satis ille putavit, illustri apud suos loco natum esse, aut imaginibus maiorum & opibus indormientem excellere: sed maturè aspera illa, at laudabili ad virtutem ingressus via, inde à teneris voluntate sua, optimis studijs se totum devovens, animum doctrinae crudite copia excoluit, naturaq; bonitatem diligentia incredibili semperq; sibi instante confirmavit. In primis itaq; scientissimos & prudentissimos quosq; utriusque militiae, togatae & bellicae magistros, quo melior & utilior ad suos rediret civis, adiit. Magnum etiam illum Lutherum, & incomparabilem omniq; laude maiorem Philippum viuos audiit, et coluit: mortuos etiam in sanctissimis scriptis loquentes unice complectitur, & cotidie ferè inter istos Theologia sese lacerantis & collidentis fragores, audit, observatq;. Cum verò ab aulis armisq; abhorre equestris ordinis hominem nefas duceret, illustrissima fortitudinis heroi, Mauricio Electori nomen dedit, quando huius laudatissimis auspicijs res maxima per Germaniam in imperij & religionis negotio geri cæpta sunt. Patria

tan-

DEDICATORIA.

tandem se sua sistens, ingenij grauitatem amabili moderatione,
 & confirmata iam multo usu prudentia, ita temperauit, cumq;
 se domi & foris, in maximis & minimis praeuit, ut nuspiā aut
 fidem, aut diligentiam, aut animum presentem desiderari pate-
 retur. Per omnes itaq; honorum gradus in summum togata mi-
 litia ordinem euectus, serenissimo Regi FRIDERICO II. ve-
 luti exemplum & imago antiquitatis, in precio est, & iam mul-
 tos annos à consiliis intimis. Ad eum modum pro patriae com-
 modis excubando, reipublicae consulendo, summos infimosq; pari
 iure copulando, & quod omnium instar est, vera religiosi animi
 pietate Deum aeternum fiducia Filij mediatoris colendo, vitæ &
 dignitatis æquabilem tenorem in hanc usq; senectam conserua-
 uit. Nihilominus tamen casus humanos cogitans, & incertos
 euentus valetudinis, & naturæ communis fragilitatem, utpo-
 te qui breui temporis interuallo duos amiserit grandiores senatio
 fratres, Holgerum & Ericum, principes & ipsos in Republica
 viros: totum iam se in morte migrationeq; meditata occu-
 patum esse ostendit. Exhorrescant alij & trepident ad mortis
 mentionem, quamq; possint longissimè cogitationem à morien-
 di necessitate abducant, ij præsertim qui vitæ huius deliciis in-
 escati, aut fortuna usi paulo blandiori, firmum aliquid & diu-
 turnum in rebus humanis somniant: at tuus parens in re quam-
 libet florente, studio sibi voluptatiq; habet, τῇ εὐδαιμονίᾳ artiq;
 bene moriendi quàm plurimū impendere meditationis, & coti-
 die quasi vasis conclamatis, sarcinulas ad proficiscendum com-
 ponere. Ideo ad sepulcrum familiare vestrum, prope Rosenhol-
 mianum suum, frequenter & obambulat, & in exedra ista sua
 libenter seßitat: non secus ac olim Isaacus in agrum sub æesperam
 exire solitus erat ἀδολεσχῆσαι, seu potius ad meditandum et oran-
 dum. Ideo locū istum Bibliotheca exquisita, signis, epigramatis,
 pictu-

EPISTOLA

picturis, & commonefactionibus grauissimis, veluti testamento ad pietatis iusticięq; studium posteros, etiam defunctus, obtestaturus exornauit. Ita nimirum certus ipse de felici ex hac vita in meliorem transitu, ut presentem hanc pie contemnere, celestem illam, & beatum electorum Dei πολίτην ardenter expectere, non simulate videatur: & liberis etiam suis sicuti viuendi, ita et bene viuendi, beneq; moriendi autor esse vnice cupiat. Hac illa vna est, qua ad solidam gloriam & gaudium itur via, siue ea facilis, siue difficilis sit: qui diuersam ingreditur, fortunam, ut fertur, inuocet.

Sed dum ponere tibi ante oculos conor, quibus initijs ac fundamentis hæ tanta summis in rebus laudes patri tuo excitatae sunt: videri fortasse aliquibus possum nimium multa dixisse: at ipse mihi nequaquam satisfecisse, nedum patriæ nostræ de tanto bono gratulari satis potuisse, videor. Virtutem sanè laudari boni omnes libentissimè, nemo nisi malus, audiit inuitus: salutes autem moderatosq; gubernatores à Deo donari, grata mente agnoscere debemus, & precibus insuper assiduis ipsi commendare, utpote qui organa sunt, & tanquam manus Dei, quibus generi humano cumulatissimè benefacit.

Intelligis quàm iustam habeas gaudendi tecum in sinu, quod aiunt, & Deo eterno toto pectore gratias agendi materiam: quo magis omniq; ad hoc contentione tibi enitendum vides, ut familiæ, in qua à Deo collocatus es, vetusta nobilissimæq; iam ad paucos redactæ, dignam te prabeas propria virtute propaginem simul & propagatorem: præsertim cum in te, velut AEnæ in suo Ascanio, omnis tuo stet cura parenti. Tui itaq; ipsius inflammandi causa, & voluntatis meæ atque obseruantia in patrem tuum, patronum Mecænatemq; meum testificandi, libenter te cùm studiorum gratia Rostochij subsisteres, quando Academia

Ger-

DEDICATORIA.

Germania superioris grauitèr dissidijs Theologicis concuteretur, literis meis quoties licuit salutari: & nunc ubi ubi es, acclamatione mea consequi cupio: semper verò te, tuarq; studia, quæ non possum corpore, mente sequar. Eadem de causa libellum istum ex Philippicis Epigrammatis concinnatum in tuo nomine apparere, donec melius aliquid parare possem, volui. Ad hoc audendum aggrediendumq;, pater ipse tuus occasionem mihi tum præbuit minimè negligendam, quando sermones grauissimos non legum modò & historiarum, omnisq; sapientia succo imbueret: Verumetiam in Poëtarum hortos & viridaria subinde excurrrens, epigrammatis veteribus & nouis, ceu flosculis odoratissimis, respergeret. Iniecit tum mihi ea res cogitationem, ut ex editis sanctissimi viri Philippi Melanthonis epigrammatis & aliundè, quàm venustissima, & breuissima quæq; ad formam & similitudinem aliquam istorum scriptorum, quæ nunc Emblematum titulo à doctis insigniuntur, deligerem, ordine tamen ista aliquo, quæq; pueris in pia institutione inculcari omnia aut plerag; possent. Quocirca neq; Epigrammata auctoris omnia, neq; integra semper ascripsimus; quin etiam hinc inde ex carmine epithalamio, aut epitaphio, aut paraphrasi aliqua ipsius prolixiori, ea solummodo decerpimus, quæ nostro huic instituto, hoc est, puerorum institutioni seruire poterant: nonnulla etiam ex Poëtis nostri seculi candidioribus & Philippi discipulis aut amicis, maximè Iohanne Stigelio, depromsimus: Veniam facti nostri & ab his, & ab ipsius sanctissimis manibus exorantes. Iam & in bonam spem veniebam, neque studijs tuis alienum hoc prorsus accidere posse, neque patri tuo agrè futurum, qui Philippum & coluit viuum, quem & mortuum ut oderit induci non potest, licet aliorum astuta crudelitate, aliorum friuola credulitate, ad hoc iam multi impellantur: si

**

fasci-

EPISTOLA

fasciculum istum ex rosario Philippico contextum, tibi quam ornatissimum, industriorum hominum opera editum cararem.

Non sunt autem hi, Otto amicissime, hominis otio & voluptate diffuentis lusus aut arguta nuga, & comtula veneres: sed inter studia acerrima, labores docendi scribendiq; assiduos, negotia difficillima, profectiones, certamina, è pectore Deum religiosè colentis expressa suspiria, & ardentissima, & tantum non illita caritatis lacryma. Rursus autem & hic sunt mentis pie sub mole negotiorum respirantis, seseq; colligentis in lenissima, & in Deo suavisimè acquiescentis in tranquillitate: dum terras & mortalia omnia quasi è sublimi despiciens, cælo penè se infert, inq; sinu & complexu Filij Dei certissima fiducia se collocat, ut quod de Stephano Philippus sæpe in ore habuit, in corde semper ipse habuisse videatur:

Ibat ouans animis, & spe sua damna leuabat.

Ceterum vena Philippi in carmine fundendo (si modò de tanto viro iudicium nobis sumere liceat: quod hac tamen fortassis in parte licebit) talis est, qualis ipsi mens fuit, nimirum pura, simplex, aperta, facilis, unde quaq; pietatem spirans, in qua arrogantia, scurrilitatis, turbidorum affectuum, nigri salis mica nulla. Scire tamen potes etiam me tacente, non ipsum hoc unum egisse, neque professione aut studio Poëtam fuisse: sed obiter tantum & veluti in transcurso poematia scriptitasse. Tamen quod de Virgilio doctissimo, doctissimus pronūciauit Iulius Scaliger: Quò quisq; doctior est, eò maiorem in Virgilij scriptis deprehendet eruditionē: id nos non immutatū, sed autum potius, si de Philippo dixerimus, non errabimus: Quò quisq; est doctior, magisq; pius: eò maiorem in Philippi scri-

DEDICATORIA.

scriptis deprehendet eruditionem simul & pietatem. Quando itaq; doctrina & pietas in hoc viro par fuerit: cum cogitationes illas suas sanctissimas, in numeros coniecisset, non possunt non suauiter piam mentem afficere. Animaduertis quàm ego vellem, si meam iuuentus vocem auditura esset, Philippico nomini amorem & voluntates omnium conciliare: neq; tantum ut micæ istas & τειμάχην arripiat: sed ut omnis etiam doctrina liberalioris initia, maximè verò religionis nostræ fundamenta, ex ipsius scriptis sibi degustanda hauriendaq; esse cogitet. Verùm apud te, tuiq; similes, non multum in isto argumento laborandum mihi esse, sat scio.

Pasceas interea hic eadem opera animum & oculos: cumq; istis insuper coniunges ingeniosissimorum nostræ ætatis hominum libellos Epigrammatum, Iconum, παροιδίων, γνομῶν, Apophthegmatum, Emblematum rerum variarum, Alciati, Sambuci, Bezae, P. Costalij, B. Anuli, Achillis Bochij, Cl. Paradini, Had. Iunij, Conradi Albini, Nic. Reusneri, aliorumq; ut cum à seuerioribus studiis animum remittere voles, aut inter proficiscendum, meditandi fallendique temporis pium & utile argumentum arripere: ea tibi sint studio, quæ ultrò oculis & animo, doctrinam aliquam aut virtutis elogium & stimulos ingerant. Concessisti iam in GERMANIAE superioris ACADEMIAS eruditissimis hominibus liberalissimisque studijs & exemplis affluentes. Socios habes & emulos studiorum complures è nobilitate Danica lectissimos iuuenes. A vobis certamen suscipi virtutis, doctrinae, & eloquentiae, quæ sapientia est exornatrix, quàm vobis ipsis honorificum, quàm parentibus incundum, quàm familijs vestris decorum, quam patriæ denique iuuanda & illustranda accommodum fuerit & fructuo-

** z

EPIST. DEDICATORIA.

fructuosum? Feliciter vale mi optime optatissimeq; Otto, paterneq; & auitæ integritatis & virtutis memor, patri gaudium maximum, fraterculo Holgero viuacis & mirifici ingenij puero, simulq; patruelibus tuis Ottoni Christophoro & Friderico, Holgeri filijs, optimæ indolis & spei adolescentulis, ut exemplum illustre virtutis & diligentia ponas, vide. Deum aeternum oro, ut patrem tuum in hac viridi senectæ, non vestra tantum familia, sed & totius patriæ commodò, quàm diutissimè incolumem conseruet. Ripis Cimbrica Chersonesi, Anno Christi M. D. LXXXII. die 20. Augusti, quo ipso die ante annos 23. solenni coronationis ritu inauguratus fuit Rex Daniae Fridericus II. cui ut porro aeternus Deus, qui regna transfert & constituit, vitam & regnum in multos annos proroget, omnibus precibus nobis rogandus est.

Tui studiosiss.

M. PETRVS HEGELVNDVS
Lector Theologus apud
Ripenses.

IN IN-

IN INSIGNIA FAMILIAE

ROSENKRANTZIORVM PERVETV-

sta & nobilissima.

Suprà extant PENNAE radijs interlita & auro,

Albaq, purpureis sparsa corolla ROSIS.

Ponè coronato subsultim fronte LEONES,

Stant tessellatis obuij in alucolis:

Iusticia & paci, est fas, arma tenere ministra:

Pectora proq, aris ponere, proq, focis.

Gloria militia tamen est, vel summa, togata:

Consilijs patriam qui iuuat, ille iuuat.

Aurea pax ALIS plaudit: stat diuite CORNV

Copia: fert blandas premia Musa ROSAS.

Deniq, tum bona sunt Marti & commercia Musis,

Si sint antè domi CONSILIA, ARMA foris.

P. H.

IN INSIGNIA FAMILIAE

LANGIORVM,

figna militaria & Rosas.

Roboris inuicti dedit hoc insigne Gradiuns,

Plurima victrici fixa TROPHAEA manu.

Ingenio, Charites, virtuti, orig, diserto

Terna ipse in triquetrotres tribuere ROSAS.

Vt sapere & facere hac conando, tot hostica SIGNA

Stirps gerat, & rutilas, Langia, iure ROSAS.

P. H.

** 3

CAP-

CAPITA LIBELLI

epigrammatum.

DOXOLOGICA, seu preces & hymni.		I	
HISTORICA, ἐγκωμιαστικά καὶ διδασκαλικά.		41	
DIDACTICA	{	Quæ ad Ecclesiam propriè attinent.	85
		Politica, & quæ ad Magistratum ac leges	105
		Oeconomica καὶ γαμικά.	116
		Parænetica, & de studijs rectè formatis.	126
		de Astris.	137
		Ethica præcepta, seu Σωφρονιστικά, & regulæ vitæ.	141
		Gnomica miscellanea.	149
FORMVLAE CONFITENDI ET PRE-			
candi ex Philippo & Camerario.		155	

DOXO-

L1

I

41

riëattinent. 85

agistratum acle-

105

116

ijs rectè forman-

126

137

in Suspensio, & regu-

141

nea. 149


DI ET PRE-

155

DOXO-

8

5
13 14



DOXOLOGICA.
SEV PRECES ET
HYMNI.

PRECATIONES AD FILIVM

*Dei, pro vera Dei agnitione & dono
Spiritus sancti.*

Ex historia creationis: Gen. 1. Spiritus Do-
mini FOVEBAT aquas.



Spiritus ut Domini nascentia corpora fouit, cc
Cum manus artificis conderet ipsa Dei: cc
Sic foueat cætus, qui Christi oracula discunt, cc
Accendatq; igni pectora nostra suo. cc

~

ALIA

*VT SPIRITVS SANCTVS SIT
efficax in nobis voce Euangelij, & motus ta-
les accendat, qualis ipse est, id est, le-
gi diuina congruentes.*

Ex promissione Dei: Zach. 12. Effundam su-
per domum Dauid Spiritum GRATIÆ &
PRECVM.



„ **E**ffundam FLATVM, dicis, Dauidis in agmen,
„ Christe, EVANGELII qui solet esse comes.
„ Gratia magna Dei docili vt notissima fiat,
„ Vtq; prece accedat non dubitante Deum.
„ Mentibus & petisse iubet hoc munus anhelis,
„ Teq; auidis iuras hoc dare velle bonum.

Ergo

DOXOLOGICA.

Ergo voce tua confisi Christe precamur,
AVRA Evangelij sit comes ista tui.
 Luceat in nobis, & iusta pectora nostra
 Assimilet legi, quæ data voce Dei est.
 Te verè æternumq; Patrem ut cognoscere possint,
 Et motus habeant, quos tua verba docent.
 Hæc nos *FLAMMA* tibi iungat, summoq; parenti:
 Ipse sit in nobis iam nova vita Deus.

ALIA.

Propterea vnxit te Deus, Deus tuus oleo
 laticię præ confortibus tuis. Psal. 45.
 O Vincte æterni lato Spiramine Patris;
 Nate Dei socios ungito Christe tuos.

ALIA.

Quantò magis Pater vester cœlestis dabit Spi-
 ritum sanctum ijs, qui ab eo petierint? Luc. II.
 Vox tua Gnate Dei est, accendere velle parentem
 Æternum, Flatu pectora nostra tuo:
 Promissumq; iubes munus votisq; fideq;
 Poscat ut hic cœtus, qui tua iussa colit.
 Hæc igitur freti, Christe optime, voce rogamus,
 Ignis ut inflammet pectora nostra tuus.

ALIA.

VT GVBERNET IPSE MEN-
 tes & studia docentium & discen-
 tium:

A 2

Scri-

4
EPIGRAMMATA
Scripta à Philippo, paucis diebus ante mor-
tem, nec absoluta.



*Æterno genitore nate CHRISTE,
Orator Patris ex sinu verendi
Vocem Euangelij ferens suauem:
Qua credentibus exhibes potenter
Vitam, iusticiamq, sempiternam:
Et qui sanguine nos tuo redemptos,
Exaudis, reputas, facisq, iustos,
Ostendisq, pijs tuum parentem:
Nostras CHRISTE precor doceto mentes,
Ac in pectora gratia arrhabonem
Nostra effundito SPIRITVM, momentem
Casta incendia, & inuocationem:
Fac pars agminis ut tui per omne
Æuum simus, alacriterq, laudes*

Æter-

DOXOLOGICA.

*Æterni Patris & tuas sonemus,
Claro contuitu DEI fruentes.*

**PRO CONSERVATIONE EC-
clesiæ & puritatis doctrinæ cœlestis,
precatiuncula.**

Ex historia trium adolescentum, sociorum
Danielis, quos Nabogdonosor in Caminum
ardentē ligatos coniecit: quòd Statuam au-
ream à se propositam adorare nollent. Sed Fi-
lius Dei in medijs flammis apparens, mirabi-
liter hos ab incendio tutos illæsosq; conser-
uauit: Rege stupente, & ad veri Dei veneratio-
nem conuerso. Dan. 3.



TEmineat semper seruante Ecclesia Christe,
Insertosq; ipsi nos tua dextra tegat:

- ” *Tres velut in flamma testes Babylonide servas,*
 ” *Rex ubi praesentem te videt esse Deum.*

A L I A.

Ex verbis Discipulorum duorum
 euntium Emaus. Lucæ 24.

- ” *Vespera iam venit nobiscum Christe maneto,*
 ” *Extingui Lucem nec patiare tuam.*

A L I A.

*Pro incremento Fidei, facile la-
 bascentis.*

Credo Domine : opem fer incredulitati
 meæ. Mar. 9. Qualis & perhibetur fuisse pre-
 catio vltima Calparis Crucigeri senioris : In-
 uoco te fili Dei, fide quamlibet languida, fide
 tamen.

- ” *Sed tamen hac fidei modica est scintillula, fiat*
 ” *Auxilio petimus fortior illa tuo.*
 ” *Ac veluti lucis radios Sol spargit in orbem ;*
 ” *Tu Sol iusticie nos rege luce tua.*
 ” *Et non extingui patiare in pectore nostro,*
 ” *Noticiamq; tui, noticiamq; Patris.*
 ” *Hospitiumq; tuæ doctrina protege Christe,*
 ” *Emanuelq; tuo semper adesto gregi.*

I O H. I O. M A I O R.

- ” *Parua fides quoque grata Deo est, dum conscia verbi*
 ” *Sanguine dependet, Maxime Christe, tuo.*

P R O

DOXOLOGICA.
PRO REMISSIONE
peccatorum.

Expiabis me Hyssopo, & super niuem
dealbabor. Psal. 51.

EN mea coccineum referunt delicta ruborem:
Horrida sum crudo massa cruore madens.
Ablue me folijs Hyssopi aspergine viua,
Tunc ego candidior vel niue totus ero.

IOH. STIG.

ALIA.

Exemplo matris Cananeæ. Mat. 15.

Quantus erat dolor in Cananeæ matre puellæ,
Cuius mens furij exagitata fuit:
In tanto nunc est Ecclesia mæsta dolore,
Doctorem furias cum videt atque ducum:
Sed tu Gnate Dei gemitus audito precantum,
Nulla venit nobis, te nisi dante, salus.
Tu procul à nobis sauos depelle furores,
Et sanes verbo pectora nostra tuo.
Quamuis ira tui nos urget iusta parentis,
Atque sumus turpes nos reat turba, canes:
Attamen ut timide sub mensa captat herili,
Esuriens modicas parua catella dapes:
Sic cum dira fames nostros absumserit artus,
A mensa petimus pabula Christe tua.
Gnate Dei generis nostri massam induis, ut nos
Viuifica infirmos hac tua massa gerat.

IOH.

*Exemplum fidei probat in Cananëide Christus:
I nunc, & dubitans quare placere Deo.*

ALIA.

*VT DILECTIO DEI IN
nobis permaneat.*

*Ex ardentissima oratione filij Dei ad æter-
num patrem ante agonem: Sit dilectio tua in
eis, quæ me diligis, & ego in eis. Ioh. 17.*

- „ *N*Ec tu gnate Dei maius meliusve rogare
 „ *Æ*ternum poteras, optime Christe patrem:
 „ *Q*uam quali socij semper te diligit ipse,
 „ *D*iligat & simili nos ut amore pater.
 „ *N*ec tribui nobis hoc possit munere maius,
 *Q*uid nati posset maius amore dari?
Non apud Æternum facis irrita vota parentem,
 *A*ffirmat iurans hoc Pater ipse tibi.
Erga nos etiam es patrij tu pignus amoris,
 *I*ussus pro nobis debita l'vta dare.
Nos igitur quanquam sumus agra & sordida massa.
 *C*redimus ista tamen munera summa dari.
Consisq; tua prece Christe, pericula nostra
 A summo petimus cuncta parente regi.
 „ *Tuq; regas seruesq; infirmos numine, qui vis*
 „ *I*n nostris vivens mentibus esse l'vta.

ALIA

DOXOLOGICA.

ALIA.

VT VNVM SIMVS IN

CHRISTO. Ioh. 17.

*In tristi sudans quod poscit agone cruorem
Æterno Christus de genitore satus,
Semper concordēs, vnumq; vt simus in ipso:
Cum Christo nostra hoc vota animiq; petant.*

ALIA.

AD TRINITATEM,

Ex M. Lutheri carmine Germanico:

Erhalt vns H & X bey deinem Wort.



SERUA DEVS Verbum tuum,
Et frange vires hostium,
Qui Iesum Filium suo
Turbare conantur throno.

B

Osten-

Ostende nunc potentiam

O Christe Rex regum tuam;

Defende parvulum gregem,

Qui te fatetur principem.

Vinificator spiritus

Concordiam da cordibus,

Ades periclitantibus,

Cum morte conflictantibus.

IOH. STIG.

ALIA.

Adserenos, verbumq; tuum Deus optime serua;

Et rabiem Turca, Pontificumq; preme.

Qui tecum aquali regnantem fœdere Christum,

Conantur patrio precipitare throno.

Da pacem, defende tuos: tibi semper ut omnis

Posteritas laudet hic & ubiq; canat.

IOH. STIG.

PRO HOSPITIIS ECCLE- siae & Scholarum.

Flecte precor nobis iratum Christe parentem,

Qui vis pro nobis supplicis esse loco.

Et quam sparsisti prolatam è mente parentis.

Deleri vocem ne patiare tuam.

„ Doctrinaq; tua studium, paruaq; Sareptam

„ Doctrina hospitium protege quæso tua.

„ Et placidam clemens nobis concedito pacem,

„ Tuq; ducum mentes tu populiq; regas.

ALIA.



ALIA.

*At tu summe Deus surgas terramq; gubernes,
Absq; tuo Regnum numine stare nequit.*

ALIA.

*Conserua Regni formamq; statumq; decorum,
Praefice concordēs ipse piōsq; Duces.*

PRO GVBERNATIONE ET
*incolumitate nauiculæ Christi, quæ est
Ecclesia ipsius.*

GREG. NAZIANZ.


Ζητῶ Νῶε κτεῖναι τὸν, ὅπως μόνον αἰνὸν ἀλύξῃ.

O *Ceani rapidis ut ventis unda cietur:
Semper habent varias sic quoq; regna vices.*

ALIA.

B 2

Vlti-



*Ultima sed motus grauiores sentiet atas,
 Impia Turcorum quæ modò regna videt.
 Christe tua hos inter fluctus quassabitur Argo,
 Attamen hanc rabies mergere nulla potest.
 Nos prolata tuo qui dogmata discimus ore,
 In cymba serues optime Christe, tua.*

ALIA.

*Oppressit reducem, quam rexit, Iäsona nauis,
 Quæ tulit auricomi velleris acer opes.
 Non te Christe tamen, quam tu regis, opprimet Argo,
 Sed victor seruas hanc etiam incolumem.
 Nos ergo in portum deducas, atque gubernes,
 Deleri nautas nec patiare tuos.*

ALIA.

*Ex historia Domini in nauigio dor-
 mientis. Matth. 8.
 Nate Dei fluctus pelagi compesce furentes,
 Irruit in cymbam multa procella tuam.*

Tequa-

*Te quasi sopito iam mergi penè videtur:
Sed vigila, & paruum magne tuere gregem.
Ut tibi pertexat gratis praeconia verbis,
Et tua perpetua nomina laude canat.
Aura tonet, sonet vnda, minis fremat orbis & orcus:
Tu tamen insertos nos tibi Christe teges,*

IOH. IOACH. M.

*MEDITATIO ADMIRANDI
beneficij, Incarnationis Filij Dei, domini et
Saluatoris nostri Iesu Christi.*

*N*il sum, nulla miser novi solatia, massam
Humanam nisi quòd tu quoque Christe geris.
Tu me sustenta fragilem, tu Christe gubernas,
Fac ut sim massae surculus ipse tuae.
Hoc mirum fœdus semper mens cogitet, vno.
Hoc est, ne dubites, fœdere parta salus.

PARAPHRASIS IOH. STIG.

*Sum miser, & non ulla dolens solatia novi,
Sumq; adeò culpæ nil nisi massa mea.
At tu solus habes, mihi quæ solatia praestes,
Qui datus es massæ portio Christe, mea.
Mors tua Christe mihi vita est, victoria regnum:
Labe mea morior, sanguine vino tuo.
Tu mihi rex pariter, pariter mihi Christe Sacerdos,
Pro me namque volens munus utrumque geris.
Destruis omnipotens veteris scelus omne Draconis,
A quo omnis nostri manat origo mali.*

B 3

Ira-

*Iratumq; tua placas pietate parentem,
Quatuus in nobis crimina delet amor.*

*Ergo animam seruat meam, quam morte redemptam
E vita gaudes germen habere tua.*

» *Viuo tibi, moriarq; tibi, tibi deniq; viuam,*
» *Te quia iustifica, Christe, prehendo fide.*

ALIA.

» *Iunxisti ut massam tibi nostram Christe Redemptor:*
» *Aeterno sic nos fœdere iunge tibi.*

ALIA.

» *Cum nostram inducris mirando fœdere massam;*
» *Gnate Dei semper nos tua membra regas.*

ALIA.

*Ex verbis Dauidis: 1. Paralip. 17. Aspexi-
sti me in forma hominis, qui es in excelsis
IEHOVA DEVS.*

*In forma quod nos HOMINIS placidissime Christe
Aspicias, & tamen es conditor ipse DEVS:
Et nostram formam miseratus crimina deles,
Et vite aeterna gaudia vera dabis:
Hac grati canimus tua dona, simulq; precamur,
Tu nos ut doceas, luce regasq; tua.*

S I L O H.

DE APPELLATIONE SILOH,

quam Iacob tribuit nascituro olim Christo:

*Epigrammata duo longè dul-
cissima.*

Iacob

Iacob Patriarcha morti vicinus, ordine Filij benedicit, & futura prædicit: Disertè verò Regnum penes tribum IUDAM futurum affirmat, donec venerit SILOH, id est, is qui mittendus est, seu *χρῆστος αὐτῆς*, id est, foetus seu filius eius, s. virginis maris. Gen. 49.



G Nate Dei effigies aeterni vincta parentis,
 Aeterna Verbum mente satumq; patris:
 Indutus nostra qui carne in virginis aluo,
 Humanum accedis, maxime Christe, genus.
 Te pius Isacides compellat nomine SILOH,
 Quod tenera es foetus virginis, ipse tener.
 Ac velut inuoluens foetum membrana recentem
 Dum rude sub matris pectore turget onus,
 Mollis, & ad motus non est durabilis illos,
 Pendet & à cotylis squalida tota novis:

Sic in-

- I. *Sic infirma fuit caro tunc tua maxime Christe,
In cruce pro nobis cum lacerata fuit.
Indueras etenim mirando fœdere carnem,
Huic nostræ similem supplicijq; ream.*
- II. *Sed verè fragilis nos ipsi & sordida pellis,
„ Materna chorion labe reumq; sumus.
„ Attamen hoc viuet chorion quando induis ipse,
„ Voce tua sanans atq; cruore lauans.*
*Sic autem nobis diuina hæc munera dantur,
Cum discunt vocem pectora nostra Dei.
Accætus igitur discentum Christe tueris,
Vt chorion verè sit schola casta tuum.
Ah tua tuta precor seruetur fascia SILOH,
Ne queat hanc ullus dilacerare furor.*

ALTERVM.

- Magni consilij qui dicitur Angelus esse,
Æterno natus de genitore xpy:
Edidit Isacida lata hæc oracula voce,
Cum fuit exilij duxq; comesq; seni:
Non prius amittet sceptrum Iudæa propago,
Quàm veniet SILOH missus ab arce poli.
Perpetua reddet vobis qui gaudia vite,
Crimina cum proprio vestra cruore luet.
Cur tamen est dictus Seruator nomine SILOH?*
- I. *Quòd de virgineo nomine fœtus erit.
Et fragili similis chorio, pelliq; cruentæ,
In cruce cum tabo vulnera facta fluunt.
Talis at est factus pro nobis fascia Christus,
Quonquam iusticia fons sine labe manet.*

Nos

DOXOLOGICA.

17

*Nos homines autem verè tam sordida massa,
Nos lacerum chorion, putre reumq; sumus.
Sed tu gnate Dei nostras etiam indue pelles,
Et vitam miseris insere fasciolis.
Nec tamen hanc reddis, nisi qui tua dogmata discunt:
Tantum hanc ad vitam vis Deus esse viam.
Ergo precor studia hæc tu semper dirige Christe,
Æterni Siloh vera propago Patris.*

II.

“

“

“

EGO SVM QVI SVM,

Exodi 3.



TVM Mose ardebat scitari, & nomina tanti
Querere ductoris, populisq; exacta referre,
Omne ab hoc firmans animum, & sic ore precatur:
O quem te memorem, qualivè ab origine ducam
Sancte Deum, nam te non spernant sidera regem,
Nec tibi vota neget terrarum maximus orbis,

C 3.9.

Face

Nos

Fare age quis venias: Querenti talibus ille

» *Respondit dictis: ego SVM quem cernis, ERO QVE.*

SVM patris aeterni proles, antiqua dierum,

AEqualis patri consors in numine & aeo,

Vivo equidem; vitamq; aeterna in secula duco,

Principium & finis: Sed castæ virginis olim

Semen ERO, nomenq; meum de nomine facti

Dicetur Siloh, venerandum in secula nomen.

» *Nunc IEHQVA vocor; sed cum labentibus annis:*

» *Natus ero, nomen ducam saluator Iesus,*

» *Cum nomen venient Isch & Iehoua sub vnum.*

Ille ego sum, vestris qui patribus ora resolui

Fatidico sermone Deus, fataliaq; arua

Pollicitus, seris habitanda nepotibus arua,

Quos ego morte obita viuos nunc aethere in alto

Asseruo, & quondam manifesto in corpore sistam.

IOH. IOACH. M.

PRECATIO VAGIENTIS Ecclesie.

A *Eterni de mente patris SAPIENTIA nata,*

In qua mundi operum fulsit idea noui:

Et quæ distinxit pulcerrima corpora rerum,

Et iussit formas singula habere suas:

Hac eadem in paruis vagit sapientia cunis;

Natura nostræ membra tenella gerens.

Sic quanquam infundit se nostra in pectora, nobis

Nondum se totam cernere posse dedit.

Vt tamen in nobis sint tantæ exordia lucis,

Tanquam vagitus dogmata prima sonat.

Non

*Non quamquam infirmos spernis, si debita credant
 Te λύτρε pro nobis, Christe, dedisse patri.
 Ah precor infirmis adsis ut mentibus, atq;
 Doctrinae foveas semina sparsa tue.
 Dum tua se totam pandet sapientia nobis,
 Atq; patrem clara luce videre dabit.
 Quando mortali soluentur carcere mentes,
 Et duce te, cæli culmina celsa petent.
 Christe tuo exilibus patriam tu sanguine reddis,
 Nulla venit nobis, te nisi dante, salus.*

PRECATIO IN PERICVLIS
*extremis & humana ope inex-
 tricabilibus.*

Cum bello à ferocissima natione Moabitarum & Ammonitarum premeretur Iudæa: iamque certa immineret vastitas: pius rex Iosaphat ab armis ad preces totum se conuertit. Et hac quidem ille fiducia, hostibus, ex mutua lanienna, interitum: sibi toti; populo miraculosam liberationem & spolia opima impetrauit. 2. Paral. 20. Est autem hæc particula precationis Iosaphat:

CUM NESCIAMUS QUID AGENDVM SIT, OCULI NOSTRI AD TE DEVS ATTOLLVNTVR.

In tenebris nostræ & densa caligine mentis,
 Cum nihil est toto pectore consilij:
 Turbati erigimus Deus, ad te lumina cordis,
 Nostra tuamq; fides solius orat opem.



» Tu rege consilijs actus, Pater optime, nostros,
 » Nostrium opus ut laudi seruiat omne tuæ.

IOACH. CAMER.

ALITER.

» Dum mens nostra graui caligine mersa laborat,
 » Nec bene quod deceat, pectora cæca vident:
 » Ad te oculos fixos, fida cum mente leuamus,
 » Tu gemitus audi votaꝫ nostra Deus.
 » Tu rege conatus, & robora mentibus adde,
 » Ut tibi, quod faciunt, omne probetur opus.

IOH. STIG.

ALIA.

Ex psalmo 115. Tuus ego sum:
 saluum me fac.

Nos tua cura sumus, rerum pater optime, atq;
 Nos custode vno, fidimus atq; duce.

Cate-

DOXOLOGICA.

21

*Cetera deficiunt nobis solatia: Quare
Nos tua defendat dextera, quaeso, pater.*

ALIA.

*Non nati casu, non casu vivimus ipsi:
Condidit, & factos servat alitq; Deus.*

ALIA.

*Συμβάλειτ' ἀγαθὸν, καὶ ἀφορμὴν, εὐτυχίαν τε
Συμβάλλειτ' ἔμοι δὸς πατρὸς αἰδίου.*

*CONSILIVM sapiens: OCCASIO commoda: felix
EXITVS: unius sunt tria dona Dei.*

*IN MORBIS ET CALAMI-
tatibus consolatio & precatio, exem-
plo Lazari. Luca 16.*



*A*ger & ulceribus squalens in corpore toto,
Hic iaceo, & percunt tabida membra fame.

C 3

Diui-

Cate-

- „ Dinitis ante fores iacuit ceu Lazarus olim,
 „ Cui fastidito nemo ferebat opem.
 „ Ut tamen à cunctis spretus, tua cura, tuoq;
 „ Exceptus gremio Lazarus ille fuit:
 „ Sic æterne Deus, tua me clementia seruet,
 „ Et miserum dextra protegat umbra tua.

ALIA PRECATIO.
 IN PROFECTIONIBVS ET
 negocijs difficilibus: exemplo Iacobi.

Genesis 32.



Cvm redit Assyrijs Isacaci gnatus ab oris,
 Vxores secum filiolosq; trahens:
 Nec tantum ignotas gentes, & barbara corda,
 Verum etiam socerum, fratris & arma timet:

Hunc

*Hunc Abz gnate Dei, tua dextera texit, opemq;
 Luctanti, ut claudus vinceret ipse, tulit:
 Sic iter ingressos nos ad certamina seua,
 Plena futura odij, plena futura doli,
 Protege gnate Dei nos, consilioq; governa:
 Hostilis rabies ne nocuisse queat.*

PRO COTIDIANIS DEI IN
nos beneficijs, gratiarum actio.

Ex confessione Iacobi, Gen. 32. Minor sum
 Domine cunctis miserationibus tuis & veri-
 tate tua, quam expleuisti seruo tuo: in bacu-
 lo meo transiui Iordanem istum, & nunc cum
 duabus turmis regredior.



*S*um minor, indignusq; tuis, Pater optime, tantis
 Muneribus, præbet quæ tua dextra mihi.

Qui

- » Qui veniam toties lapsō mitissime praestas,
 » Insuper & cumulas me bonitate tua.
 » Fac horum semper memor ut tibi grata rependam
 » Obsequia, & prosint haec tua dona alijs.

PAVL. EBERVS.

PRO GVBERNATIONE totius vitæ, precatio.

- A**lme Deus, misera defensor maxime vita,
 Qui nutu fulcis nostraq; nosq; tuo:
 Quoscunq; imponis, da nos perferre labores,
 Donec in hoc mundi viuimus exilio:
 Et quæcunq; grauant pressos, auerte pericla,
 Sanctaq; sollicito pectora solue metu.
 » Non humana regit fragilem sapientia vitam:
 » Nempe sumus Domini quidquid, amore, sumus.
 Da surgant clari post nubila tristia soles,
 Tuta sit auxilio vita caduca tuo.
 In primis fac nos à fædo crimine puros,
 Viuerēq; in cordis simplicitate pŷ.
 Lapsos ore tuo nos instrue, dirige verbo;
 Ne ruat in vetitum nescia vita scelus.
 Admoniti, simus faciles agnoscere culpam,
 Et sceleri versa ponere mente modum.

GEORG. FABR.

PRECATIO ANTE CIBVM.

- H**is epulis donisq; tuis benedicito Christe,
 Ut foueant iussu corpora fessa tua.

Non



*Non alit in fragili panis modò corpore vitam :
Sermo tuus vitæ tempora longa facit.*

ALIA.

*Quæ nunc sumemus membris alimenta caducis,
Hæc Deus imperio sint benedicta tuo.*

HERM. BVSCHIVS.

GRATIARVM ACTIO à sumto cibo.

*Postquam epulis exempta fames, mensaq; remota,
Dicemus grates nos tibi summe pater.
Non hæc humanas vires alimenta iuuabunt,
Diuina si non hæc foueantur ope.
Namq; tuo viuunt agitata à Numine cuncta,
Adflatu spirant cuncta valentq; tuo.
Nunc etiam gratis animis alimenta ministra,
Atq; immortalis pectora pascere cibo.*

D

Et



*Et quia cura sumus tua nos, Pater optime, serua,
Et studia & vita tempora cuncta rege.
Cumq; epulas dederis, rerum pater optime, nobis;
Adde epulis vires pro bonitate tua.*

ALIA.

*Quod sumus vtilibus dapibus, potuq; refecti,
Laus tibi pro donis sit, Deus alme, tuis.*

HERM. BVSCHIVS.

ALIA.

*Qui largo corpus potuq; ciboq; refecit,
Pascat & aeterno corpora nostra cibo.*

IOH. GIGAS.

DE VENIS METALLI- cis, gratiarum actio.

*Sulphur & ὑδράργυρος, seu argentum viuum,
prima semina metallorum.*

Quis

Quin etiam grates pro tanto hoc munere dico,
 Quod certum est artis tantum opus esse tua.
 Intima quod venas sparsisti in viscera terra,
 Vt tuis ut nostris apta metalla ferant.
 Lactea ubi fumis hydrargyra mixta coquuntur.
 Sulphureis fibra semina prima noua.
 Dantq; alias formas caelestia lumina massis,
 Et vagus in terris hoc inuocat ignis, opus.
 Sed satis effari queat hac miracula nemo:
 Hoc certum est, nasci cuncta fouente Deo.
 Vis etiam nostro quæri hæc tua dona labore,
 Legitimos usus & tua dicta docent.

PRECES PRO SVCCESV ET
 fructu studiorum.

Mellifica ut nos simus apes, fac optime Christe,
 Alueolos verè & nos facito esse tuos.

PRECES INGREDIENTIS
 templum.

Christe meo latum Paradisum in pectore planta,
 Sic modò tristis ager, mox Paradisus ero.

IOH. STIG.

O Δεῦρ, templa Dei fac ut viuentia simus,
 Aeternæ vitæ laticiamq; dato.
 Da soboli nostræ pacem, moresq; gubernæ,
 Et sint qui verate pietate, colant.

PRECES PVERI EX LVDŌ
 reuertentis.

Quàm multa audiui menti seruanda tenella,
 De moribus, de literis?

D 2

Quamq;

*Quamq̃ meos cupide vidi aduertisse sodales,
Monit^a docentis omnia.*

*At tu cunctorum largitor Christe bonorum,
Sensus iacentes excita:
Vt bona percipiant, & sicut cera, sequantur
Fingentis artificis manum.*

*Fac nihil à studijs vnquam dinellat honestis,
Non frigus, astus, non fames.*

” *Quantulacungq̃ p̃i perdurem portio cætus,*
” *Tuq̃ membrum Ecclesiæ.*

GEORG. FABR.

*PRECES VESPERTINÆ
cubitus euntis.*



Pro nobis vigiles te, maxime Christe rogamus,
Sopitos sensus dum tenet alta quies.

Sit


*Sit tuus ad dextram bonus angelus, atq; sinistram,
 Cælesti miseros qui tueantur ope.
 Tristiater isca qui pellat somnia noctis,
 Et quicquid trepido corda timore mouet.
 Vt cum depulerit tenebras aurora, diurnum
 Auspicijs latis aggrediamur opus.*

GEOR. FAB.

Εὐλογία ἱεραπικῇ.

PRECATIO EX BENE-
 dictione. Num. 6.

- I. Benedicat tibi Dominus, & custodiat te.
- II. Ostendat Dominus faciem suam tibi, &
- III. misereatur tui. Conuertat Dominus
 vultum suum ad te, & det tibi pacem.



Optime Christe tua quæso benedictio turba,
 Ac inter vitæ sæuæ pericla tege.

I.

"

D 3

Te da-

- » *Te dabis ut cernat verè esse patremq; Deumq;.*
 » *Certa venit nobis, si miserere, salus.*
 » *Placatumq; animum, vultusq; ostende paternos,*
 » *Prosperaq; eueniant cuncta fauore tuo.*

PRECATIO DOMINICA,
iambico dimetro expressa

A
 IOHANNE STIGELIO.

Ex Mart. Lutheri Germanica
 paraphrasi.



DEVS sator mortalium,
 Terra potens & siderum,
 Qui mitis in nos asperos,
 Grauisq; culpa conscios,

Gaudes

DOXOLOGICA.

31

Gaudes patris vocabulo,
Nutuq; seruas omnia.
Fac innotescat omnibus,
Nomen tuum mortalibus,
Verbi tui suauissima
Sic instruat nos gratia,
Vt te colamus unicum,
Sicut iubes per Filium.
Accendementes lumine,
Tuiq; regni imagine,
Vt incoent hic aurea
Vita perennis secula,
Regno tuo nocentium
Infringe vires hostium.
Fac nostra semper vt tuis
Mens acquiescat legibus,
Consentiat cum cœlica
Terrena pax concordia,
Iussu ministret mens opus,
Curæ tibi sit exitus.
Dum congregati viuimus,
Largire nobis quasumus,
Externa vita commoda,
Quibus vigent commercia:
Agnoscat ista caritas,
Agatq; verè gratias.
Ignosce noxam fontibus
Culpaq; vim dolentibus,
Delicta si nos hostibus
Non asperè remittimus,

Dapæ-

Gaudes

Da pœnitere mens queat,
 Vt te iuuantem sentiat.
 Nunquam sinas nos obrui
 Draconis astu perditū,
 Captos sed hostis artibus,
 Tuis tuere viribus,
 Fac militemus strenuè,
 Et compotes victoria.
 Nos adseras ab omnibus
 Calamitatum casibus,
 Ducemq; mentem corporis
 Ex mole duri carceris,
 Cùm postulabunt tempora
 Hinc transferas ad sidera.

AMEN.

GRATIARVM ACTIO pro ministerio Angelorum.


Sapphicon.

Dicimus grates tibi summe rerum
 Conditor, Gnato tua quòd ministros
 Flammeos sinxit manus, angelorum
 Agmina pura.

Qui tua lucis radijs vibrantes
 Te vident letis oculis, tuasq;
 Hauriunt voces, sapientiaq;
 Fonte fruuntur.

Hos nec ignauum sinis esse vulgus,
 Nec per ingentes volitare frustra

Aethe-



*Aetheris tractus, temerè nec inter
Ludere ventos.*

*Sed iubes Christo comites adesse,
Et pios cœtus hominum tueri,
Qui tuas leges venerantur, atq;
Discere curant.*

*Impiis ardens odijs & ira
Nam tuis castris Draco semper infert
Bella, qui primus scelus atq; mortem
Intulit orbi.*

*Hic domos, vrbes, tua templa, gentes,
Et tua legis monumenta tota,
Et bonos mores abolere tentat*

Funditus omnes.

*Interim sed nos tegit Angelorum,
Quem ducem Christum sequitur, caterua.
Atq; grassantis reprimit cruenta*

Arma Draconis.

E

Angeli

AEthe-

*Angeli LOTHON Sodoma tuentur,
Inter infestos ELISAEVS hostes
Angelis cinctus, nihil extimescit*

Bellica signa.

*Tutus est inter medios Leones
Angelis septus DANIEL Propheta:
Sic tegit semper Deus his ministris*

Omnia nostra.

*Hoc tuum munus celebramus vnà,
Et tibi noster chorus, Angeliq;
Gratias dicunt simul accincentes*

Conditor alme.

*Et tuo templo vigiles vt addas
Angelos semper, populoq; Gnati
Qui tuum verbum colit, obsecramus
Pectore tota.*

ALIA.

DE S. IOHANNE BAPTISTA, primo doctore noui testamenti.

A *Eterno gratias Patri
Omnes canant Ecclesia:
Quòd nuncium verbi sui
Iohannem nobis miserit.*

*Hic mores exui malos:
Iussit, metuq; Iudicis
Mox adfuturi terruit
Superbas mentes omnium.*

Rur.



*Rurſusq; percuſſos metu
In ſpem vitæ certam vocat,
Et monſtrat agnum digito,
Qui placat vnicus Deum.*

*Hæc ille firmo pectore
Docet, Chriſtumq; prædicat
Venire, cœu ſolem nouum
Prodire aurora nunciat.*

*Nec Pharifæi ſpiritum
Fregerunt ingentem viri,
HELIAS alter hic fuit,
Hypocritas dum arguit.*

*Te ſumme rogamus pater,
Vt corda noſtra ſuſcites,
Vt verè poſſint credere
Iohannis teſtimonio.*

E 2

ALIA

DE CONGRESSU MARIAE
matris Domini et Elizabethae: prima
Synodo novi testamenti.

A Eterne gratias tibi
Dicamus omnes conditor,
Quod inter hostes plurimos
Ecclesiam servas tamen.

Vt inter arma gentium,
Herodis & satellites,
Interq; tetros dogmatum
Furores, & deliria:

Servas Mariam virginem,
Domumq; castae Elisabeth,
Quae predicant munus tuum.
Datumq; Christum nunciant:

Non Pontifex, non Principes,
Etsi sciunt oracula
Vatum, venisse nouerant.
Salutis autorem nouae.

Sed dulcis hac Elisabeth
Et virginis congressio
Arcana promit ceteris
Verè Deum colentibus.

Aluoq; factus conditus
Longo sacerdotum agmini
Agnoscat ignotum ducem,
Adorat & gestu suo.

Hæc

*Hac prima synodus fuit,
Testata de Christo Duce,
Postquam statuto tempore
Verbum Patris factum est Caro.*

*Accensa testimonijs
In corde nostro talibus
Colat fides, & inuocet
Christum Mariae filium.*

*Opemq; spe firma petat,
Missumq; credat à Patre,
Vt inuocantes adiuvet,
Malisq; cunctis liberet.*

Amen.

*QVERELA ANIMARVM PIA-
rum ad Deum, de Tyrannis qui interficiunt
pios propter Euangelij professionem.*



E 3

O Pa.

Hac

O Pater alme Deus, terræq; poliꝫ creator,
 Ista manum cuius machina vasta tremit.
 Omnia qui cernis, veriꝫ es amator & æqui,
 Fallere quem non est ullius arte doli:
 Vnicus innocuis, si iustus es arbiter, umbris,
 Solus & infontis sanguinis ultor ades:
 Si tua pacifici cruor intemeratus Abeli,
 Voce fatigavit sidera clara poli,
 Ecquid adhuc iustam lentus non surgis in iram?
 Et potes hæc contra te fera tela pati?
 Ecce rebellantes audacter ut omne Tyranni
 Iusꝫ tuo Christo fasꝫ, piũꝫ negant,
 Respicias infontes animas, tristẽꝫ cruorem;
 Illis pro verbo quem damus ecce tuo?
 Respicias, & patulis gemitus hos auribus hauris,
 Quos tibi semineces reddimus ore pio?
 » Utꝫ truces raro tristi sine cæde Tyranni,
 » Et sicca ad Stygias morte feruntur aquas:
 » Sic quoꝫ nunc meritas pendent cum sanguine pœnas,
 » Quos iuvat iniusta tingere cæde manus.



CHRI-

CHRISTO TRIVM-
PHATORI.



Ergo tuus meus est, meus est hic Christe triumphus,
Perpetuò quoniam te iuvat esse meum.
Deuicto refero tecum spolia ampla Dracone:
Iusta tibi pulsa morte trophæa loco.
Cotidiè attrita fac tecum morte resurgam,
Ex humeris pendens sarcina grata tuis.
IOH. STIG.

Bonum est nos hic esse.

DE GVSTV VITÆ ET GLO-
riæ celestis, quam Filius Dei in transfor-
matione sua præbuit Discipulis,
Matth. 17.

Parusæ

*Paruus hic aeternæ vitæ & celestis honoris
 Gustulus, attonitos angusto in pectore sensus
 Quàm subito absorpsit? quid cùm se in luce videndam
 Lucis inaccessæ Maiestas offeret? ô quàm
 Christe manere bonum fuerit tecum, in te, & apud te:
 Quando ipse electis vis omnia in omnibus esse.*

P. H.

Desiderium Vitæ æternæ.

*Absumus à te,
 Viuimus ex te,
 Fidimus in te,
 Tendimus ad te
 (Non nisi per te)
 Optime CHRISTE.*

P. H.

HI



HISTORICA.

ΕΓΚΩΜΙΑΣΤΙΚΑ ΚΑΙ ΘΡΗ-
ΝΗΤΙΚΑ.

IMAGO ECCLESIAE: seu, Moses
stans in caaverna rupis, ac videns posteriora
DEI prætereuntis. Exodi 33.



HI
NON hac pigro hominum concreta ex puluere moles,
Insper & vitij contaminata suis,
Sustinuisse potest diuini incendia vultus,
Cum sordes nostras Iudicis ira videt.
Ergo iubet Mosē sublimi insistere rupi,
Illius & latebris se tenuisse cauis.
Hac ego præteriens, inquit, dabo terga videnda,
Sic, & ut interea te mea dextra tegat.
Nos quoque in immota docuit consistere rupe,
Amplecti Gnatum dum iubet ipse suum.

F

Et la-

„ Et latebra nobis subeunda, Ecclesia sola est,
 „ In qua Evangelij dogmata pura sonant.

MOSES FERIENS

PETRAM.

Exemplum Fidei vacillantis, sed tamen
 eluctantis. Exodi 17.



I Amq̃, animas exhalabant, siccata labellis,
 Dum matrum infantes ubera fortè trahunt:
 Expirantq̃, simul matres, tristiq̃, sepulcri
 Munere maternus fungitur ipse sinus.
 Ergo iubet Mosē percussā educere rupe,
 Pro populo undarum flumina larga suo.
 Obsequitur Moses, noua sed confusio mentem
 Turbat, & aggresso diriguere manus.
 Et cuius nunquam pectus trepidauerat antè,
 Si quando fuerant iussa obeunda Dei:

Iam

*Iam veluti navis scopulis illisa fatiscit,
 Sic rupem aspiciens excidit iste sibi.
 Et ferit, & dubitat: sed mox se colligit ipse,
 Et vigor in pectus, qui fuit ante, redit.
 Ergo ardens iterum rupem Sineida pulsat,
 Et baculo cogit cedere saxa suo.
 Quodq; riget latè loca vasta effundere flumen,
 Vnde sibi dulces hauriat agmen aquas.
 Hoc Deus exemplo monstrat se pascere egentes,
 Quos ad militiam deligit ipse suam.*

MOSES ORANS.

*Detestatio negligentia & intermissa inuo-
 cationis diuini auxilij.*

Ex capite Exodi 18.



Latus

F 2

Acer

A Cer Idumaus, loca per deserta vagantes
 Acere Ebraeos finibus ausus erat.
 Conseruitq; manus, sed Moses arma suorum
 Adiuvat, & precibus praelia magna ciet.
 Et vincit quoties palmas ad sidera tendit,
 Quemq; vocat, coram sentit adesse Deum.
 Brachia sed quoties iterum lassata remittit,
 Cogitur Ebraei cedere turba Ducis.
 Ergo die toto dum fusus pellitur hostis,
 Erectas palmas ut tenuisse queat,
 Subjicitur cubitis orantis saxea moles,
 Sollicitoq; suis corde petentis opem.
 „ Sic quoties curamq; precesq; remisimus ipsi,
 „ Ocia securis insidiosa nocent.
 „ Illecebrae vacuas subeunt dulcedine mentes,
 „ Et facile in vitium pectora prona trahunt.
 Exacuant igitur tot nostra pericula curas,
 Proposita nobis exitiq; via.
 Nec quisquam putet his se emergere posse procellis,
 Auxilium praesens nū Deus ipse ferat.
 Conditor aeternus vera est tibi voce rogandus,
 Hunc tamen ut places ara petenda tibi est.
 „ Nulla est grata Deo, nisi Christus filius, ara,
 „ Qui luit officio crimina nostra suo.
 „ Huic impone manus, huic toto incumbito corde,
 „ Ad patrem nostras perferet ille preces.

IN AB.

HISTORICA.
IN ABSOLONEM.

45

Absolon filius Dauidis, mango animo & corpore speciosissimo iuuenis: cupiditate regni accensus, patri grandæuo, quem regno exuere vellet, insidias & odia struere, sibi gratiam prensando & pollicitando colligere, denique seditionibus plebem agitare, non fuit veritus. Tandem acie tota, de summa rerum dimicaturus, præliū in silua dēssima, loco impedito, cōmisit: vbi exercitu dissipato, & cæsis 20. millibus ciuiū seditionis forum, ipse in fugam conuersus: incitato impetu in ramū quercus incurrit. Ex quo cæsarie nexu arctissimo mirabiliter intricata: & mulo, quo vehabatur, elapso, sublimis pepēdit. Insuper à Ioa-bo trib. lanceis cōfossus, ignominiosè & regno, qđ affectauit, & vita exutus est: Deo in ipso exēplū statuente, qđtū peccatū sit, in parentes impietate, in magistratū seditionib. cōsurgere. 2. Re. 18.



Dege-

- » **D**egener immerito rapuisti sceptrā parenti,
 » O Iuuenis patria pestis acerba tua.
 » Digna tuis factis sed pœna secuta, vagantem
 » Frondibus arboreis implicuere comæ.
 » Hasta Ioab maduit forti vibrata lacerto,
 » Sanguine, transfixo pectore tincta tuo.
 » Has scelerum pœnas pulso dedit ille parente:
 » Inunc, & patrijs insidiare bonis.

MORS SIMSONIS.

Iudicum 16.



NEC mora, trans statuas protendit utroq; lacertos
 Obnixus, tollitq; loco, quassatq; trementes,
 Sustollensq; oculos celo, sic voce precatur:
 Supremum hunc, Deus alme, mihi concede laborem,
 Nunc moriamur, ait, sed non moriamur inulti,
 Ipse ego conuellam quassati culmina tecti.

His

*His me, (quando aliud melius nihil ipse reliqui)
 Aggrediar telis vel in ipsa morte tueri,
 Morte mea vincam, quos vincere nescio Marte.
 Dixit, opemq; Dei non vana in vota vocavit.
 Nam pariter statuas magna vi strenuus ambas
 Impulit in latus, & domus alta repente ruinam
 Cum sonitu dedit, & procerum super agmina lata
 Incubuit, caelumq; horrendo puluere texit.
 Dat tellus gemitum, concussaq; viscere in imo est.
 At iuuenem egregium functum iam luce, supremis
 Muneribus decorant, & saxum carmine signant.*

EPITAPHIUM.

*Crine potens Simson, patriae requiesco sub urna;
 Mors mea denicit, quos Mars non sustulit, hostes.*

IO. IOACH.

IN SAVLEM.

I. Regum 31.



Iesi-

IEsida toties meditatus funera Saulus,
Supplicium proprio perditus ense dedit.

ALIVD.

Tota Deo inuisi perijt domus impia Saulis,
Iesigenæ salua posteritate domus.

IOH. STIG.

IN PHARAONEM.

Exodi 14.



Cum Phraeo instructis gentem Israëlitida turmis
Per medias vrgens insequeretur aquas,
AEquora diuinæ dissecit spiritus ira,
Area per medias seuæ patebat aquas.
Parte ab utraq; alti stabant, ceu mœnia, fluctus,
Quos ita miranda fixerat arte Deus.
Gens dilecta Deo nudas transibat arenas,
Fugit & hostiles per vada tuta manus.

At si-

*At simul et vires & cæci pectoris iram
 Dum putat in medijs pondus habere vadis,
 In medijs perijt Pharaon temerarius undis,
 Ante homines pariter turpis, & ante Deum.
 Discite mortales, Numen cæleste vereri:
 Nulla est in summum vis diuturna Deum.*

IOH. STIG.

ALIVD.

*IN PHARAONES,
 Qui Ecclesiam filij Dei, hospitij & nidu-
 lis suis deturbant.*



*Q*uilateres duplicas, qui infantes flumine mergis,
 Nil agis, & laterem saue Tyranne lauas.
 Ototies mentite Deo, iam sapius omnem
 Natura violas hospitijq; fidem:

G

Per

Per terras, per saxa pios rabiosus adurges,
 Iamq̃, per aquor eques, res noua, persequeris.
 Cede Deo: cedunt imbellibus aquora turmis,
 AEquora mox fremitus obruitura tuos.
 Inunquam rediture: ab aquis recta ibis in ignes.
 AEternos, Stygi balnea opima ducis.
 Regibus hospitium patet hoc commune, negarunt
 Qui Christi in terris hospitium gregibus.

PE. HEG.

IN IULIANVM APOSTA-
 tam, Ecclesie Christi persecutorem.



VIdi ego, ceu lauri germen, florere malignum:
 Prateriens paruo tempore, quaro: fuit.
 An non à magno qui nomen habebat Iulo
 Floruit, & laetit viq̃, dolisq̃, pios?
 Floruit, & causa tandem deuictus & armis
 Dum iacet, & sparsus vulnere sanguis abit.

Vicisti

HISTORICA.

51

*Vicisti Galilæe refert: simul inuit ad Orcum
Vmbra gemens, pœnas, & sine fine luit.
Ille domum bello rediturus, funera vouit:
Sed perit, & bello non redit ille domum.*

IO. IOACH.

ALIVD.

IN TYRANNOS.

*Impius occubuit gelidis Maxentius, undis:
Putribus Herodes lendibus esca fuit.
Persica Iuliadem blasphemum sica peremit,
Constricto pœnas Commodus ore dedit.*

IOH. STIG.

SAREPTA.

Ad Sareptam oppidum, prope Sidonem, fuê-
re olim fodinæ metallicæ: vnde & nomen loco
datum.



Vicisti

G 2

Exul

Exul ubi vidua pietate exceptus Elias
 Sidonia quondam non procul urbe, fuit.
 Hic à conflatis antiqua Sarepta metallis,
 Artem & opus monstrat nomine clara suo.
 Disce Sareptanæ vidua pia facta fidemq̃:
 Hæc aliqua ut referas parte, precare Deum.

IN RITVM,

τῆς ἁγιοθεσίας,

SEV IMPOSITIONIS MANVVM, QVO
 consecrabantur olim victima, & nunc in
 Ecclesia Sacerdotes, quando publica
 ordinatione commendatur eis mini-
 sterium Euangelij.



MOS vetus, & prima deductus origine mundi,
 Traditus & sancta religione Patrum:

Sacri-

*Sacrifici manibus pecudis contingere frontem,
 Hostia quæ pura est iam facienda Deo.
 Norma Sacerdotem similis cur dedicat ipsum,
 Imposita cur sit sanctus & ipse manu?
 Testatur ritus puram esse, Deoq; dicatam
 Ante aras pecudem quæ ferienda cadet.
 Sic inculpatum mos hic iubet esse ministrum,
 Qui iam doctoris munus obire volet.
 Non aliquo sit mens polluta errore profano,
 Vitaq; ad exemplum crimine tota vacet.
 Addictusq; Deo diuina oracula tradat,
 Officij metas nôrit & ille sui.
 Lege datos fasces alij permittat habendos,
 Nec rector trepidi gestiat esse fori.
 Non vulgi frenos populari deditus auræ,
 Nec morum laxet vincula grata Deo,
 Nolit ad affectus Regum cæcosq; furores
 Flectere cœu turpis iurag; fasq; Gnatho.
 Quig; manum imponit rectoris nomine summi,
 Semper ut huic curet subditus esse iubet.
 Doctrinam moresq; regant cælestia dicta,
 Et noua non ausit condere iura sibi.
 Heu quantam rerum molem, quæ pondera doctor,
 Infirmis humeris ille gerenda subit?
 Seu cupidas regum mentes frenare studebit,
 Seu populum ad mores vult renocare bonos:
 Numina seu conficta dolo detrudet ab aris,
 Impia Pontificum diminuetq; lucra:
 Seu fictam Monachis personam detrahet, atque
 Adferet aterni dogmata vera Dei:*

I.

“

“

G 3

Quas

Sacr-

*Quas feret arumnas furijs agitantibus hostes,
Tollere qui è medio tale Catharma volent?*

II. *Sic etiam doctor sincerus victima fiet,*

Aſidueq; litat sanguine & ipſe ſuo.

Ecce tenes cauſas, cur ritus dedicat idem,

Et pecudem, & myſten qui pia ſacra facit.

Iſta ſacerdotis Chriſti veriſſima imago eſt,

Muneris huic detur gloria prima ſacri.

I. *Hic ſine labe fuit, claraq; in luce parentem*

Et videt, & vero ſemper honore colit.

Huic Deus ipſe manum impoſuit, iuſſitq; docere

Arcana aeterno dogmata promta ſinu.

II. *Hunc preſſere manus & iuſſa ſeuera parentis,*

Supplicio vt lueret crimina noſtra ſuo.

Hunc, licet inferior comitatur cetera turba,

Officij titulum cui dedit ipſe ſui.

Vult Euangelij cuſtodes ſemper haberi,

Militie ſocios ſemper & eſſe ſuæ.

Cum mater vocat hos Eccleſia nomine Chriſti,

Mandat & impoſita munera ſacra manu.

Admoniti diſcant iſtius imagine ritus,

Hic ordo quantum polliceatur opus.

” *Vt pecus ante aras quondam ſacrata cadebat,*

” *Toſta Deo vt fierent viſcera ſuauis odor:*

” *Victima ſic etiam Chriſto fit quiſq; ſacerdos,*

” *Laudibus vt fragrent terra poluſq; Dei.*

” *Talis ABEL tenerum purè maſtauerat agnum.*

Agnus at exitio mox datus ipſe fuit.

IN

HISTORICA.
IN ESAIAM.

55



Consiliopatrias ESAIAS rexit habenas,
Et trepidis portus ciuibus ille fuit.
Depulit Assyrium Solymis à mœnibus hostem,
Victori ponens clara trophæa Deo.
Iamq; senex centum vitæ confecerat annos,
Cum serra scissus victima & ipse fuit.
Nemo potest memorare omnes; spectabimus omnes,
Cum Deus induerit corpore queng; nouo.

IN IEREMIAM.

Ieremias vates squallenti carcere clausus,
Cuncta viro sancto perpetienda tulit.

MICH. BARTH.

IN

IN

IN IOH. BAPTISTAM,
*Heroicum doctorem noui Te-
 stamenti.*



Talia sed quædam prodest exempla tenere,
 Non Baptista igitur pratercundus erit.
 Hic EVANGELIVM monstrato tradidit agno,
 Placatum nobis qui facit esse Deum.
 Et Phariseorum taxans deliria, RITVS
 Fucosos vetuit pro pietate sequi.
 Iustificamq; FIDEM docuit Iordanis ad undam,
 Et rupes gnatum iam sonuere Dei.
 Sordibus humanis LEX obscurata iacebat,
 Huic etiam lucem reddidit ille suam.
 Congrua descripsit CIVILIS munera VITAE,
 IVRAq; militibus, iudicibusq; dedit.

Atq;

*Atq; fidem iussit lucere in rebus agendis,
 Notior ut fieret gloria vera Dei.
 CONIVGII sancit legem, damnatq; Thyesten,
 Vxorem fratris qui rapere ausus erat.
 Quare Baptistam crudelis adultera perdit,
 Qui moriens veluti victima caesa iacet.*

IN EVNDEM.



*Q*uo non mortali fuerat de semine maior
 Natus, praecursor maxime CHRISTE tuus,
 Amittit vitam, scorto saltante, Ioannes,
 Innocuum seuo ceditur ense caput.

CONR. ALBINVS.

*Esse Tyrannorum bellaria, fata piorum;
 Baptista caput, hoc te docet in patina.*

IOACH. BEVST.

H

IN

*Noticia Christi Stephanus, non sanguine Tauri
Restitui vita dona perennis, ait.*

*Concio Pontifices ingrata accendit auaros,
In caput ut incerent aspera saxa, viri.*

IN PAVLVM.



*SEX Paulus, lustris terrarū, mariq; vagatur.
Ac Euangelium spargit ubique Dei.
Et negat extingui mentem diuinitus ortam,
Corporis è vinclis quando soluta fugit.
Proponensq; malis pœnas, & præmia iustis,
Arbitrio vero distribuenda Dei.
Insticiam monstrat, quam Christi propter honorem,
Æternus nobis dat pater atq; probat.
Interea pugna, pugnisq; pericula iuncta
Tàm longo exercent tempore, mille virum.*

Dum

*Dum tandem ferienda dedit sua colla Neroni,
Et iacuit tanquam vile cadaver humi.*

**DE HENRICO SUDPHANI-
ENSI, MARTYRE, A DITHMARSIIS, IM-
pulsu Episcopi Bremensis frigore & plagis misere enecto, tan-
demq; combusto Meldorffa, Anno M. D. XXIII. quo ipso pe-
nè in loco, ubi Henrico per niues & glaciem raptato, crudeliter
insultarant, rebellionis & insolentia diuturna pœnas dederunt,
victi, caesi, legitimoq; Magistratui, sublata ὀχλοκρατία, subiecti,
ab inclyto Rege Dania, FRIDERICO II. eiusq; patruis Io-
hanne & Adolpho, Holsatia Ducibus, Anno M. D. LIX.
quibus ex aequo hodie parent. Historia integra de Hen-
rico Sudphaniensi, tum ab alijs, tum ab ipso D. Lu-
thero exposita est, in VI. Tomo Germa-
nicorum operum.**

Nostra etiam vidit quanquam infeliciores aetas,
Qui vitam Christum praeponere, sua.
Hic ubi diuisa Batavorum est insula Rheno,
Suduaniam in ripa dure Sicamber habes.
Hac tulit Henricum cinem, quem vidimus ipsi,
Florentem studijs, ingenijq; bonis.
Hic toto Christi spirabat pectore amorem.
Cui studuit vera reddere vota, fide.
Eximiaq; suos mores pietate regebat,
Virtutum exemplum posset ut inde capi.
Quicquid id est, quod de natura Gracia scripsit,
Artibus excultus nōrat & ille, bonis.

H 2

Quas

Bum

*Quas teneat metas dum totum perficit annum,
Aureus obliquo Phæbus in orbe means.
Longius à terra cùm summo tardus in axe
Voluitur, arentes cur premit æstus agros?
Cur quoties imo velocior ibit in axe,
Et propior terræ frigida bruma venit.
Hæc ita contemplans autorem agnoscere iussit,
Et pura grates dicere mente Deo.
Hæc, ait, ostendunt nobis illustria signa,
Æterna mundum non sine mente regi.
Altera sed potior fuit illi cura tenere,
Extant quæ nobis tradita voce Dei.
Hoc Doctore iterum Bremensi inclaruit urbi,
Vnius Christi munere parta salus.
At quia diuinos statuis detraxit honores,
Exitium Monachi qualibet arte struunt,
His furijs mitra ornatus dedit arma Tyrannus,
Qui tandem oppressum non procul urbe necat.
Heu cur tam subito orbata est Ecclesia tali
Lumine, quo posthac debuit illa frui?
O dilecte mihi ante alios Henrice, laboris
Nunc partem nostri te tolerare velim,
Talia præconum quamuis sunt fata piorum,
Membra iacent sauis & lacerata modis:
Non periëre tamen, sed habent commercia læti
Cum Christo, viuis agminibusq; patrum.*

CON-

CONCIO LEPORVM AD
leones, seu premia rectè docentium.



Cvm, veluti lepores dare iura leonibus audent,
Hi sacra qui populum verba fidemq; docent,
Conanturq; truces sine vi frenare Tyrannos:
Contempti pœnas pro pietate ferunt.

Non pœna, sed causa facit martyrem.
Martyrium doctrina facit non pœna: reatum
Demere non index, sed bona causa potest.

I. S. F. M.

CRVOR SANCTORVM
SEMEN ECCLESIAE.

Tertulliani dictum.

Hæc est ingenui natura arcana cruoris:
Impia quo sancti martyres arma lauant:

H 3

Plenius

Plenius hoc Christi felices irrigat hortos:

Quo velut effuso largius imbre fluit.

Inde pijs animis Christumq; animosa professis,

Messe venit surgens uberiore seges.

” *Dum mactare pios gaudet furiosa Tyrannis,*

” *Saua pios etiam, carnificina facit.*

DE MONARCHIIS,

EX DANIELE.

Duæ sunt in Daniele imagines Monarchiarum seu summorum imperiorum: vna in visione STATVÆ, quam vidit Rex Nabogdonosor, ac oblitus est: in memoriam verò ipsi reuocauit & exposuit Daniel: Altera in visione quatuor BESTIARVM, quas vidit Daniel, exposuit ei angelus.

Regi quidem secundum quietem oblata fuit species statuæ magnæ, splendidæ & terribilis, cui

Caput esse AVREVM:

Pectus & brachia ARGENTEA:

Venter & Lumbi ÆNEI:

Tibiæ FERREÆ: Pedes verò & digiti pedum partim ferrei, partim lutei. Tandemq; prouolutus à monte lapis, totum statuæ corpus obtruit, ita vt ne puluis reliquus esset. Ipse LAPIS in montem immensæ molis, quæ terram vniuersam compleret, excreuit. DAN. 2.

Postea



Postea etiam Daniel per somnium videre sibi
 visus fuit quatuor immanes Bestias : primam
 LEÆNÆ similem: alteram VRSO, tertiam PAR-
 DO : quartam Animali cui piã terribili & ignoto.

L.
 V
 P
 A

DAN. VII.



Col.

COLLATIO

IMAGINVM	CVM	MONARCHIIS.	A.M.
I. Caput aureum, item Læna.	signifi- cabat Monar- chiam.	Chaldæorum & Af- syriorum, quam in- coabat Nimrodus, & deinceps Ninus.	1907
II. Pectus argen- teum, vel Vrsus.		Medorum & Persa- rum, quam incoa- uit Cyrus.	3406
III. Venter æneus, vel Pardus.		Græcorum, quam Alexand. Magnus.	3630
IIII. Tibiæ ferreæ, item animal truculentū.		Romanorū, quam incoauit Iulius Cæ- sar, vel Augustus.	3923
V. LAPIS abscissus ex monte (id est, populo Iu- daico) sine manu (id est, citra virum patrem, & præter humana consilia) conterēs & com- plens omnia, est filius Dei, æternus Monar- cha: cuius solius Regnum est æternum & in- finitum: Ad quod reliqua regna omnia, col- lata, nō sunt regna, sed Pulueris instar erunt, volucris quem concita gyro, Aura levis tor- quet celeri ludibria vento.			

EPIGRAMMA.

- „ *Aspicias ut iaceant disiecti membra COLOSSI,*
 „ *Quem Rex Chaldaea vidit in arce senex.*
 „ *Stat tantum pars ima pedum ferroq, latoq,*
 „ *Mixta, statim rimis corruiura suis.*

Dele-

*Deleuere vrbes Turci, populosq; potentes,
 Nec gens imperium senior vlla tenet.
 Sunt igitur Turci magna pars ferrea planta,
 Et stant infirmum cetera regna lutum.
 Sed lapis absq; manu celfo de monte reuulsus,
 Mox aderit iudex Filius ipse Dei.
 Totius & planta delens ferrumq; lutumq;
 Regna dabit populo non peritura suo.
 Ergo Dei gnato se dedant pectora nostra,
 Ipsius & discant iura verenda sequi.
 O regnate Dei nostris in mentibus adsis,
 Et flatu accendas pectora nostra tuo.*

IOH. STIG.

*Aspice decidua vix stantem mole Gigantem:
 Quam titubat fragili morbidus ille pede.
 Scilicet occiduo declinant omnia mundo:
 Actaq; ad extremum fabula spectat opus.*

“
 “
 “
 “

IN ALEXANDRVM
 MAGNUM.

Alexander Magnus assimilatur PARDO ala-
 to, propter speciem & pulcritudinem, propter
 celeritatem & fortitudinem: denique propter
 appetentiam vini & luxum: quæ res ipsi exitio
 fuit.

Aspice Pellaum Pardum, quo pulcrior alter
 Non fuit in pulcro quem vicerat orbe, nec unquam
 Res similes gessit quisquam breuioribus annis.
 Confectos ætate senes, bellig; labore,

I. 3. 5. 17. 18 Consi-



- Consilijs vicit cunctos in flore iuuenta.
 Ergo illi nocuere nihil nec tela, nec hostes,
 Sed fœda ebrietas & desidiosa voluptas.
 Qui sapis: inuicta q̃, decus seruare laboras.
 Virtutis, semper fuge desidis ocia vitæ,
 Ac memor esto, DEVM, cùm sit castissimus idem.
 Plectere pollutos & tandem extollere castos.*

THEBÆ BOEO- TICAE.

- Cadmeas olim fratrum discordia Thebas
 Exitio & regni dira cupido dedit.*

THEBÆ AEGYPTIACAE.

- At luxu perijt Thebe altera, proxima Nilo,
 Pernicies morum qui grauis esse solet.*

DE HE-



DE HELICE ET BVRA
ciuitatibus submersis, Quid.

Metamorph. XV.

*Si queras Helicen & Buran Achæidas vrbes:
Inuenies sub aquis, & adhuc ostendere nautæ
Inclinata solent cum mænibus oppida mersis.*

«

«

»

PRODIGIUM.
STATVA VOMENS
CRVOREM.

Sibaris vrbs Italiæ, opibus, voluptatibus &
luxu diffluens, priusquam bello à Crotoniatis
deleteretur, visa in foro fuit Iunonis statua cruo-
rem vomere.

*Cum Sibaris peritura fuit, sunt omina visa:
Præcedunt pœnas nuncia signa graues.*

DE HE.

I 2

In me-

*In medio conspecta foro, bilem atq; cruorem
Terribili specie lurida Iuno vomit.*

DE PALVDIBVS ET SCATEBRIS IN SE-
landia Danorum, aqua instar cruoris rubente,
stagnantibus, Anno M. D. LXX.

NICOL. HEMMINGIVS.

*Sanguinis oppressi, fusi, pœnas violati,
Iam iam impendentes indicat vnda rubens.*

Ετεόστιχον.

*Hei stagnante scatent, cernisne cruore paludes
Dania? secure na tibi pœna scatet.*

P. H.

LIMITES GERMANIAE.

*RHENVS ab occasu, VIADRI sed flumen ab ortu,
Clauserunt fines Teutona terra, tuos.*

*Aërieq; ALPES immotum limen ad Austrum,
BALTICVS ad BOREAM terminat Oceanus.*

Plῶτον ἀπὸ ζεύξε, βιάδρου δὲ ρεῖθρον ἀπ' ἡοῦς,
γεγραμμένων κρατερῶν γαῖαν οὐδέ τις ὄλλω.
ἔχαπα δ' ἄλλ' αἰεὶ νιφόμεσθαι πρὸς νότον εἰσιν,
ἐς βορέαν πύματον βαλπικὸς ὠκεανός.

DE CAROLI V. IMPERA-
toris prudenti contatione in contro-
uersia religionis.

*Ipse tamen Caesar contatur tardus ad iram,
Nec subito in ciues tristia bella mouet.*

Atq;



*Atq; in difficili causa quod principe dignum est,
Iudicium sapiens precipitare cauet.*

*CAROLI IN VICTORIIS
moderatio & clementia.*

*Hic vetat in patria grassari viscera ciues :
Hic aris parci mandat, legesq; vereri :
Hic prohibet superûm Mystas attingere ferro.*

IN EVNDEM.

Vnagerit bellum, tribuit manus altera pacem.

ἄδην.

*Carole, mortales dubitant homo sisne, Deusne :
Sunt tua scepra hominis : sunt tua facta Dei.*

ἑτέροισιν.

*Versus continens numerum anni, quo captus
est FRANCISCVS Rex Gallia ad Ticinum.*

I 3

Regia

Regia succumbunt pugnacis lilia Galli.

GE. SAB.

DE FRIDERICO SAPIEN-
te, Duce Saxoniae, Electore.

VRbs vetus est gentis Mysorum, nomine Torga,
Hic sita ubi flauis labitur Albis aquis:
FRIDRICVS Sapiens princeps hac natus in urbe est,
Promeruit patria qui pater esse sua.
Consilio qualis Nestor fuit inter Achiuos:
Teutonicis Ducibus Nestor & ipse fuit.
Et cum doctrina lucem renouare Lutheri
Cepisset scriptis Filius ipse Dei:
Istius pietas tuam & moderatio sedem
Concessit studijs, docte Luthere, tuis.

DE EODEM.

Bella alij ferro, sed tu ratione gerebas,
Et sine vi victi saepe dedere manus.

DE IOHANNE FRIDERI-
co Constante: Duce Saxoniae,
Electore.

MAiorem huic peperit fidei constantia laudem,
Quam poterat victrix dextera ferre Ducis.
„ Vt Daniel captus, patriae plus profuit exul,
„ Quam si gessisset bella cruenta domi.
At nunc ornatus patriae caelestis honore,
Colloquio fruitur, maxime Christe, tuo.

DE

HISTORICA.
DE EODEM.

71

*Erepti fasces & inanis gloria mundi,
Sed placuisse vni praefero posse Deo.*

IN ICONA EIVSDEM.

*Cernis in aduersa facie tam vulnus honestum,
Quod Dux Saxonia captus & exul habet.
Hoc pius accepit recti sibi conscius heros,
Pro lege & patria, fortia bella gerens.*

PAVL. EBER.

ALIVS.

*Victus eras acie: fidei constantia tandem
Victorem ante homines fecit, & ante Deum.*

IN IMAGINEM FORTIS-
simi herois MAVRICII, Ducis Sa-
xoniae: Electoris.

O *Mnia sunt hominum tenui pendentia filo,
Et subito casu quae valuere ruunt.*

*Vt perit in primo PELIDES flore iuuentae;
PYRRHVS & hoc ipso de genitore satus:*

Ac ASIAE DOMITOR, Macedum de stirpe creatus:

Et qui Burgundas CAROLVS auxit opes:

*Sic iam MAVRICIVM nimium properantia fata
Saxoniae terris eripuerunt Ducem.*

*Qui Gallos Turcosq; feros virtute repressit,
Militiae praestans artibus atq; toga.*

*Hic modo cum patriam iustis defenderet armis,
Fudissetq; hostes, auxiliante Deo:*

Fraude

*Fraude globus missus victorem vulnerat, inde
 Post pugnam, vita non mora longa fuit.
 Commendans animam sed Christo, exordia vita
 Hausit caelestis, non dubitante fide.
 Est fragilis natura hominum, sed reddere vita
 Gaudia vult Christus non moritura pijs.*

INDICATIO ANNI MORTIS MAURICI-
 CII, videlicet M. D. LIII.

*Teutonicas furor ut turbabat saniter oras,
 Mauricius Princeps victor & ictus obit.*

IOAC. CAMER.

Epitaphium
 D. MARTINI LUTHERI.

Πόλλ' ἀγαθὰ ποιῶν, πόλλ' εὐσεβεῖατε διδάσκων
 Λετῆς, τύμβω σῶμα δέδωκε ἔον.

*Qui Christum docuit purè, & bona plurima fecit,
 Lutheri hac urna molliter ossa cubant.*

Epitaphium
 IOANNIS ECCII SOPHI-
 sta & parasiti Pontificij.

πολλὰ φάγων, καὶ πολλὰ πινὼν, καὶ πολλὰ κακὰ εἰπὼν:
 ἐν τῷ ταφῷ ἔκειτο γαστὴρ ἔθηκε ἐλὺς.

*Multa vorans, & multa bibens, mala plurima dicens
 Eccius, hac posuit putre cadaver humo.*

MAR-

MARTINO LVTHERO AN-
tichristi domitori, trophæum.



Roma orbem domuit, Romam sibi Papa subegit:
Viribus illa suis, fraudibus iste suis.
Quanto isto maior Lutherus, maior & illa:
Istum illamq; uno qui domuit calamo?
I nunc, Alciden memorato Gracia mendax.
Lutheri ad calamum ferrea claua nihil.

THE. BEZA.

Lutherus decimum confregit strage Leonem:
De claua noli quærere, penna fuit.

IOH. IOACH.

ΕΓΓΕΣΙΧΟΝ obitus LVTHERI.

Fortis, at extrema verax atatis Helias,
Celsa pius cæli tecta Luthere, subis.

IOH. STIG.

K

PHI-

PHILIPPO MELANCHTHON

*ni singulari tum doctrina, tum humani-
tatis omnis Exemplo.*



ET tu igitur tandem tumuli sub mole repostus
 Dñe ò Philippe nunc iaces:
 Et quam inuidisti viuis tibi tute quietem,
 Cunctis quietem dum paras,
 Ipsa tibi cura & sancti peperere labores:
 Carum ò bonis cunctis caput.
 At tu funderosas, funde isti lilia tellus,
 Vt lilia inter & rosas,
 Quo nil candidius fuit, & nil suavius vnquam,
 Recubet Melanchthon molliter:
 Et grauis vt huic sis caueas, iuuenisve senexve,
 Qui nemini vixit grauis.

THE. BEZA.

Epita-

Epitaphium

*Reuerendi & clarissimi viri PHILIP-
PI MELANTHONIS.*

Vitam fortunæq; suas studiumq; laboris,
Quiq; opera sanctam consilijs fidem
Impendit diuina tuis, Ecclesia, rebus.
Teq; pius varia iuuat & auxit ope:
Hac in parte sibi post mortem structa Melanchthon
Communi in luctu, busta Philippus habet.
Quitempli foribus magni vicina Lutheri
Eregione solum quod tegit, ossa videt.
Bretta hunc vitales natum produxit in oras,
Bretta Palatini limes amœnus agri.
Vnde propinqua petens adiit bonitate suorum
Diuerso Aonidum templa sacrata loco.
Ludus enim puerum accepit Phorcenidos urbis,
Eytelpergiaci mox schola gymnasii.
Doctrina hinc fecit iuuenem, alma Tubinga, Magistrum,
Eximium laudis gessit ubi ille decus.
Inde triumphator Monachorum CAPNIO iussit
Albidos hunc ripam visere Saxonici.
Tunc noua Dux Fridericus ubi collegia Musis
Romani fundans ensifer imperij,
Vndiq; conductis præstanti laude parabat
Artis & ingenij reddere clara viris.
Hic & coniugium gentis sortitus honestæ,
Factus & est sexus mox utriusque pater.
Et socio ipso annis viginti octog; Lutheri,
VVittenbergiacæ res fuit ampla Scholæ.

K 2

Quam

Quam septem bis adhuc prouexit deinde gubernans,
 Fluctuagam ut vastum per mare nautaratem.
 Hec tempestates quas hic perpeſſus, & ad quam
 Senos hæc scopulos acta carina fuit?
 Quantum externi odij, quantum inuidiaq; ſuorum,
 Ingratorum hominum quæ maledicta tulit?
 Ipſe tamen quamuis reſlantibus undiq; ventis,
 Directum eſt, retinens vera, ſecutus iter.
 Fortia nec clamor latrantis pectora turba,
 Nec vulgus ſtrepitu mouit inane ſuo:
 „ Summa petit liuor: nemo hunc ſuperare niſi ipſe
 Poſſet, ſi ſtudijs otia ſuppeterent.
 Iſta ſub obliquo nôrunt quoq; ſole locati,
 Quiq; ſub oppoſito forſitan axe iacent.
 Scripta ſed illius memorabilia inter & acta
 Plurima, quæ ſolide nomina laudis habent.
 Vnum opus eximium eſt: Fidei confeſſio ſancta
 Ante tuos Caſar Carole, lecta pedes.
 Extat enim illius aſiduo hæc deſcripta labore
 Vera reconcinnans dogmata ſparſa prius.
 Languida quæ Chriſti iam dudum Eccleſia nitens,
 Rurſum oculos audet tollere lata ſuos.
 „ Concurrant inimici omnes licet undiq; hic vnus
 „ Conſutare poteſt improba dicta, liber.
 Actua nunc terris floret bona fama Philippe,
 Viuit & æternum ſpiritus ante Deum.
 Corpus at exanimum tumulo hoc requieſcit humatum,
 Condecorant gratæ quem monumenta ſcholæ:
 Quod tandem expletis, ſenio curiſq; grauatum
 Sexaginta annis, exuis atq; tribus.

Sic

*Sic morbo, ut paucis nisi, debilitante, diebus
 Muneris officium feceris omne tui.
 Atq, olim aetherias venies revocatus in auras
 Integer, & mortis liber abinde metu.
 Sancte vir & salve, pater optime. Nos tua semper
 Te soboles merita religionem colet.
 Doctrina nobis vera tu doctor & autor,
 Hec tua clara atas munera laudis habet.
 Salve iterum atq, iterum. Tua nos immota manebit
 Semper apud memores gloria, fama, decus.*

IOACH. CAMERARIUS
 Papeberg. Am. S. S. F.

ALIVD.

HIC iacet Europa decus & pia fama MELANTHON: “
 Corpore qui parvus, maximus arte fuit. “
 Cuius ob egregias virtutes, claraq, scripta,
 Et pietas, & pax hac regione stetit.
 Bretta viri patria est, clarum virtute parentem
 Ampla Palatini fouerat aula Ducis.
 Sed puer in ludum missus Phorcenidos urbis,
 Indolis egregiae prouida signa dedit.
 Mox patris in patriam tendens, ut disceret artes
 Ingenuas, Nicri culta Licea petit.
 Et duo transegit cum lustra & quatuor annos,
 Naetus ibi primum cepit in arte gradum.
 Hinc iuuenem fecit titulo gaudere Magistri
 Aonij nutrix clara Tubinga chori.
 Tunc noua fundabat conductis atria Musis
 Albidos ad flauas Dux Fridericus, aquas:

K 3

Insi-

*Insignemq; virum Capnionem ad cæpta vocabat;
 Augusta imperij conueniente Statu.
 Capnio laude vehens cognati dona Philippi,
 Hunc iubet Albiaca munus obire Schola.
 Hic tunc Argolico docuit sermone iuuentam.
 Barbaries illo pulsa docente fuit.
 Et Sophia tristes fontes, velut alter Elisa
 Farre dato, gratos v sibus esse dedit.
 Nota viri virtus, nota est doctrina per orbem,
 Proq; pia exhaustus relligione labor.
 Hic fidei summam vera, mandante LVTHERO
 Obtulit Augusta Caesar in vrbe tibi.
 Membraq; doctrina, corpus digessit in vnum
 Sparsa prius nervis quæ iacuere suis.
 Ac hostes fidei scriptis & voce refutans,
 Multa foris subiit, multa pericla domi.
 Et quàm Romani latè patet orbita regni,
 Impleuit meritis templa Scholasq; suis.
 Donec ab ardenti consumtus viscera febrî,
 In Christo placida morte solutus obit.
 Et nunc ille quidem defunctus mole laborum,
 Conspectu fruitur, colloquioq; Dei.
 Sacrificis ubi iunctus auis, astante Luthero
 Doctoris Christi pendet ab ore sacro.
 Fors & vota facit quo sacra Ecclesia Christi
 Vnanimi doceat cœlica iussa fide.
 Mox tamen hæc surgent cœlesti rore rigata,
 Quæ nunc ossa solo marcida febre iacent:
 Cum velut herba virens, florebunt ossa piorum
 Et fidei capient præmia digna sua.*

Atte

*At te posteritas colet ob tua dona Melanthon,
O vir ingenio non habiturē parem.*

IOH. IOACH. M.

ALIVD eiusdem.

*Maximus hic meritis, sed parvus membra Philippus
Pone iacet tumulum, magne Luthere, tuum.
Cui pia religio se totam debet & Artes,
Et pax & regni publica commoditas.
Testis erit vita, studiūq; actūq; laboris,
Quicquid Romano viuit in imperio.
Cumq; odia à multis fuerit perpeſſus alumnis,
Nunc cælo precium dulce laboris habet.
Oſſa tenet tumulus, sed viuit fama: iacere
Tot dotes vno non potuere loco.*

ALIVD

IOHAN. STIGELII.

*Qualis ubi amisit largum vicinia fontem,
Luget in erepto publica damna bono.
Et gemitu arentes querit scrutata per hortos,
Nec reperit dulcem, qua recreatur, aquam:
Talis & Aonidum sequitur quæ castra Iuuentus,
Orba bonis luget, doctæ Philippe, tuis,
Et paria in reliquis nescit reperire lacunis,
Ingenii liquit quas bona vena tui.
Hoc videt à tergo facibus lugubris & armis
Barbaries Musis triste minata iugum,
Dexter opem doctis nisi tu Deus, artibus adfers,
Barbaries studijs auferet omne decus.*

ALI-

*Fons latet hoc tumulo, quid quæris amice viator,
 Fons dogmatum piorum & Eloquentia,
 Si quis ab hoc riuum proprios deduxit in hortos,
 Non aureas huic præferat Pyramides.
 Illius obstructas doleo Germania venas,
 Parem futura non habebunt sæcula.*

ALIVD

In imagines coniunctas LUTHERI
 & PHILIPPI.

» *Diuisa his opera, sed mens fuit unica: paui*
 » *Ore Lutherus oues, flore Melanthon apes.*

IOH. IOACH. M.

EXILIA ET MIGRATIONES
MVSARVM.

O *Mnia vasta facit sæuis Bellona ruinis,
 Præcipue studijs est inimica pijs.
 Hospitium sapiens dedit olim GRÆCIA Musis,
 Nunc est Barbarico Græcia prada Duci.
 ITALIA M petiëre fuga: sed fraudibus illa
 Pontificumq; armis perditâ tota iacet.
 Hinc igitur dubijs fortuna casibus acta
 Intrârunt fines TEVTONIS ora tuos.
 Hic habuere aliquam sed paruo tempore sedem,
 Nam furit in nostra Mars quoq; dirus humo.
 Ergo per extremam Germani littoris oram,
 Hospitium misera supplice voce petunt.*

PHIL. MEL.

HOSPI-

HISTORICA. 81
HOSPITIA ET HALCYONIA ECCLE-
SIÆ CHRISTI IN REGNO
DANIAE.

EX EPITAPHIO REVERENDI VIRI D. D. IO-
hannis Bugenhagij Pomerani, quem & isto carmine Philippus
mortuum, & luculenta oratione, vitæ ipsius curriculum expo-
nente, decoravit: in qua & hæc de Bugenhagio est comme-
moratio honorifica:

VT olim nominabantur Euangelistæ, qui in pluribus locis
docebant, & Ecclesias constituiebant: talis fuit & ipse (Bugen-
hagius) Euangelista, vocatus Lubecam, Brunsvigam, Hambur-
gam, in Pomeraniam, & in regnū Danicum, incorruptam Eu-



angelii doctrinam ibi docuit, delenuit idola & errores Papisticos:
& Deo iuvante Ecclesias piæ constituit, quæ quidem annos circi-
ter triginta hæcenus eandem Euangelii vocem pio consensu re-
L tinent.

ment. Et paulò antè: Cumq; ad magnas opes, & Episcopi splendorem in Daniam, & in Pomeraniam, & quidem ab optimo REGE, & ab optimo Principe vocaretur: nunquam voluit hunc tenuem nidulum relinquere.

EPI TAPHIVM.

*Coniugis vt senio confecti corpus aquatum
Ipsa suis humeris Halcyo grata gerit:
Sic bene promeritum Doctorem Ecclesia curet,
Et leuet ætatis pondera dura seni.
Sic tua canities Doctor Pomerane, fidesq;
Sincera est cunctis iam veneranda p̃ys.
Qui procul externis sparsisti fidus in oris
Pura Euangelij semina voce tua.
Ac ceu Baptistes agnum monstrare solebat.
Æterno Christum de genitore satum:
Tu quoq; iustifica docuisti agnoscere Christum.
Æterniq; patris sumere dona fide.
Fictiliumq; alias formas tua lingua Deorum
Euertit, Papæ quas voluere coli.
Et velut in scopulis celsos locat Halcyo, nidos
Hiberni circum quos fremit vnda maris:
Sic medio in pelago, felix iam DANIA, nidos
Extruxit Christo te fabricante, pios.
Te Deus hos inter texit inuitq; labores,
Nunc vita functus viuus in arce poli.*

Obijt VVitebergæ, Anno
M. D. LVIII.

PRO

PRO FRIDERICO REGE

Dania, eius nominis secundo,

VOTVM.

*Dine parens patriæ, belloq; togaq; secunde,
 Maiorum nulli, merito & pietate secunde:
 Per te ut porrò habeat placidos Ecclesia nidos,
 Terrarum extremo hoc saltē, Oceaniq; recessu:
 Ipse parens hominum tibi vitam & vota secundet.*

P. H.

AD EVNDEM.

*Quod Rex de Regum Friderice es sanguine cretus,
 Laus ea summa tua est, non tua sola tamen:
 Sunt etenim Reges alij, & de Regibus orti,
 Imperio, censu, stemmate, sorte pares:
 Sed tu Ecclesiæ CHRISTI nutritor & hospes,
 Quod pius & Rex es, solus es hoc hodie.*

A. S. Velleius.

SOPHIÆ REGINÆ

Daniæ.

*Qui non, te socia, suave huic sit vivere, cuius
 Pectus habet σοφίαν, lectus habet Σοφίαν.
 Pignora quæ lectum replent, sapientia pectus,
 Sancta pace vigent relligio & regio.
 Quàm bene conspirant Pax & Sapientia, fulcris
 His regnum, his steterit regia salua domus.*

P. H.

L 2

CHRI-

CHRISTIANO IIII.

ELECTO REGI DANIAE,

D. FRID. Filio.

*Expectate puer voto patriæ atq; parentum,
 Quem pax & Σοφ in pignus amoris habent:
 Paci & τῇ Σοφίᾳ, Christoq; adolesce, parentum
 Spem, diuig; implens omine nomen Aui.*

P. H.

FRIDERICO & SOPHIÆ,

VOTVM.

*Quæis tam rara beat, cunasq; & corda supellex,
 Hæc Christus, illas Christianulus puer:
 Præbete, ô, cunas Christo, sisq; ipsius ô Rex
 Nutricius, Regina, nutrix cœtui.*

P. H.


DIDA



DIDACTICA.

DE ECCLESIA.

ECCLESIA MATER ET PATRIA
filiorum Dei. Ex Psalmo 83.



Non secus ac timide nidis gaudere volucres,
Quos sibi quæq; sua condidit arte, solent:
In quibus & possunt hostes contemnere tutæ,
Et pullos dulci mater amore fouet:
Sic nobis templum nidus gratissimus esse,
Et certum debet perfugium esse piis.
Felix hac semper quicung; habitabit in arce,
Audiat ut laudes & canat ipse Dei.
Verapiis patria est Ecclesia sola putanda,
Quæ patria debes officia, ista petit.

L 3

Crude-

*Crudelis quicunqꝫ ipsam lacerare parabit,
Impiaqꝫ aduersus ceperit arma Deum.*

*SVMMVM IN TERRIS DECVS ET BEA-
tudo, ciuem esse vera Ecclesia,*

συμπαλίτω τῶν ἁγίων, καὶ οἰκεῖον τῷ Θεῷ.

Psal. 27. Vnam petij à Domino, hanc requi-
ram, vt habitem in domo Domini, omnib. die-
bus vitæ meæ: vt videam voluptatem Domini,
& visitem templum eius.

Psal. 84. Melior est dies vna in atrijs tuis super
millia. Elegi abiectus esse in domo Dei mei, ma-
gis quàm habitare in tabernaculis impiorum.

Psal. 122. Lætatus sum in his, quæ dicta sunt
mihi, in domum Domini ibimus.



*Has ego delicias ardentibus expeto votis,
In templo semper degere posse Dei.*

Et quam-

*Et quamuis ibi erunt mihi multa adeunda pericla,
 (Namq; odiis urget mundus & big; pios)
 Attamen anteferam regnis opibusq; malorum,
 Huius militia signa decusq; pia.*

VNUM EST NECES-
 SARIVM.

Μάρθα μὲν ἐν πολλοῖς χάμνῃ, ἐνός ἐστὶ δ' ἀνάγκη.

DE MARTHA ET MARIA SORO-
 ribus, epigramma, tanquam verborum
 Christi paraphrasis. Luc. 10.

*Quid differta instas adeò, Martha hospita, curis
 Tam grauib; leuiter, tam leuib; grauitè?
 Respira à nugis, exemplo edocta sororis,
 Quæ residet nostros discipula ante pedes.
 Crede, hæc elegit potiores sedula partes,
 Quas neq; vis, neq; mors eripere ipsa potest.
 Namq; meo pendens dicentis ab ore, recepit
 Planè ipsum in cordis me penetræle sui.
 Hæc sapit, & domini scit quæ sint grata palato:
 Has amo lauticias, hanc volo mundiciem.
 Lucida ceu radiat gemma, auri in massula: ita hospes
 Quorum ego corde habito, vita ibi luxq; habitat.
 Felix, hospitij quem tali dignor honore:
 Scriniolo in cordis me qui habet, omnia habet.
 Disce hoc, Martha, bonum solum esse, vnumq; necesse:
 Cætera sunt nuga, damna, πᾶσα, nihil.*

P. E. HEG.

ECCLE-

Et quam

ECCLESIA NON REGITVR HUMANIS consilijs.

*Viribus humanis non est Ecclesia tuta,
Regum praesidijs orphana mæsta caret.*

ECCLESIA IN TERRIS CVM CHRISTO
suo exulat.

*Exul erat Christus, comites nos exulis huius
Esse decet: cuius nos quoque cura sumus.*

CHRISTVS REDVCTOR EXVLIS
est Ecclesia.

*Christe tuo exulibus patriam tu sanguine reddis,
Nulla venit nobis, te nisi dante, salus.*

ITEM,

*Missus in exilium est cæli possessor & orbis,
Exulibus patriam reddat ut ille suam.*

IOAC. BEVST.

ETIAM INTER CONFVSIONES MVLTI-
plices generis humani & ruinas Imperio-
rum, durabit Ecclesia filij Dei.

*Vt tamen in medijs laceratur naufragus undis,
Qui superest, tabulas colligit ipse sibi:
Sic aliquem eripiet cætum de fluctibus istis,
AEterno Christus de Genitore satus.*

Psal. 46. Non timebimus, etiam si turbabitur
terra, & ruant montes in medium maris.

Omnia

Omnis ut extremam trahat eluxata ruinam
 Machina, quæ vasti sustinet orbis opus:
 Sauiat insano commotus turbine pontus,
 Et scopulos tumidi sorbeat unda freti:
 Sancta Dei aeternum tamen urbs immota manebit,
 Stabit & ad fontes semper amœna suos.

IOH. STIG.

ALIVD.

Interea bellis lacerantur regna, suasq;
 In pœnas fato mundus ubiq; ruit.
 Ac velut aggestis Titanas montibus ausos
 Ad sublimem Arcton scandere fama refert:
 Conatosq; astris extinctis, omnia rursus
 In vetus & cacum vertere mixta chaos:
 Turcica sic rabies passim sese impia iactat,
 Aduersus Gnatum bella mouere Dei.
 Deniq; cum varijs quatiatur motibus orbis,
 Exercent Christi multa pericla gregem.
 Sed tamen hos inter terrores magna verendi
 Dextra pios cœtus protegit ipsa Dei.

PRAESEPE CHRISTI.

Vt placuit præsepe DEO: non alta columnis
 Regia, non auro clara micante domus:
 Quæ sua nascenti præbens cunabula Christo,
 Exciperet summo gaudia plena bono:
 Sic & adhuc aliquod semper præsepe tuetur:
 Præbeat hospitij quod tibi Christe locum.

IOH. STIG.

M

MIRI-

MIRIFICVS AMOR DEI erga Ecclesiam.

Ex dulcissimis Dei verbis Esaïæ: Nunquido b-
liuisci potest mulier infantem suum, vt non mi-
sereatur filio vteri sui? & si illa oblita fuerit, ego
tamen non obliuiscar tui. Ecce in manibus meis
descripsi te, muri tui cor am oculis meis semper.



” **N**um poterit mulier curam deponere nati?
” Vt sobolem mater negligat ipsa suam.
” Pone quòd eueniat, genitricis vt exuat omnem
” Affectum mulier, sauior illa feris:
” Ipse tui nunquam tamen obliuiscar in auum,
” Inq, mea, tua sunt nomina scripta, manu.

PAVL. EBERVS.

ALL-

ALITER.

Ore Sion querulo sic est formosa loquuta,
 Cum quarente Deum mæsta pauore foret:
 Ergo reliquisti me tot mala dura ferentem,
 Et memor afflictæ non es, ut antè, Deus?
 Huic Deus: An poterit curam deponere prolis,
 Vlla parens partum non miserata suum?
 Si tam dura tamen, tamq̃ implacabilis vlla est,
 Ut possit sobolis non meminisse sua.
 Ipse tui nunquam mutabo oblitus amorem,
 Tu dilecta mihi filia semper eris.
 Ecce manu descripta mea, tua mœnia seruo,
 Ut firma incolumem te statione tegam.
 Ecce oculis te gesto meis: mihi cuncta videnti,
 Proxima ceu nunc es, proxima semper eris.

IOH. STIG.

Antè ruant cœli, Deus & sese oderit ipse,
 Quàm sibi fidentem deservisse velit.

IOH. STIG.

FILIVS DEI SOL IVSTI-
 cia, & vivificator Ecclesiæ.

Spargit ut in toto lucem sol vnicus orbe,
 Vivificog̃, vnus cuncta calore fouet:
 Vnicus æterni sic natus mente parentis,
 Accendit radijs pectora nostra suis.

M 2

AO-

ΛΟΓΟΣ FILIVS DEI SEM-
per affuit singulari modo Patribus.



» **C**olloquia at Patres quando dulcissima miscent,
» Sape vident medios inter adesse Λόγον.

ITEM.

Quàm benè vivebant antiquo tempore Patres,
Quorum compositus mensis conuiuia duxit
Filius ipse Dei nostra sub imagine carnis:
Hospes ut in Mambre, mensis consedit Abrahæ.

IOH. IOACH.

Nemo nouit Patrem, nisi Filius, & cui Fi-
lius uolet reuelare, Matth. II.

» **N**emo Patrem nouit nisi filius, & quibus, huius
» Semina noticiæ filius ipse dedit.

Philip-

Philippe, qui videt me, videt Patrem.

Iohan 14.

*Nemo Deum vidit Patrem, ne quare Philippe,
Per Christum, Patrem cernere posse datur.*


“

“

IOAC. BEVST.

DE FIDE IVSTIFI-
CANTE.

Credidit Abraham Deo, & reputatum est
ei ad iustitiam, Gen. 15.



VICTOR MASSILIENSIS

vetus poëta.

Credidit, & nude fidei consensio sola
Plenam ad iustitiæ & meriti reputata coronam est.

“

“

PHIL. MEL.

Iustitia hæc demum est, uni confidere Christo.

“

M 3

EOB.

Philip.

Ex regula Pauli Rom. 14. Quicquid non
est ex fide, peccatum est.

” Absq³ fide quaecunq³ facis, facis omnia frustra.

IOH. STIG.

” Sola Deo acceptos nos facit esse fides.

Fide & spe tanquam alis subuehuntur
in cœlum preces.

” Vt tua pertingat penetretq³ precatio cœlum,

” Ardenti fiat speq³ fideq³ frequens.

EFFICAX CONSOLA- tio ex verbo Dei.

Nisi Lex tua meditatio mea fuisset, tum pe-
riissem in afflictione mea. Psal. 119.



P Enè ego crudeli modò eram hosti prada futurus,
Vitâq³ in eternam noctem abitura fuit.

Ni tua

*Ni tua vox animam fugientem sola teneret,
Qua te adfirmat opem ferre solere pijs.
Hac metela inter fiducia textit & enses,
Addidit & vires hac medicina novas.*

PATIENTIA.

*Disce silere Deo, castoq; obedire timore:
Nec iussas dubia mente remitte preces:*

IOH. STIG.

*Fortis in infirmis Deus est, perq; infima vincit:
Præmia qui tribuit tarda, sed ampla pijs.*

GEOR. FAB.

DE MVNERE DOCEN-
tium Ecclesiam.

TRES PARTES OFFICII

Prophetarum:

Repurgare doctrinam Legis; & de vero
cultu Dei.

Administrare aliqua politica negotia &
consilia.

Præcipuè verò illustrare promissionem
de Aduentu & beneficijs Messiaë.

Outinam vatum præconia dicere possem,
Accendit quorum pectora pura Deus.

Doctrina ut lucem renouarent atque docerent;

Quis summo patri sit tribuendus honor.

I.

Hi po-



II. Hi populum in rebus dubijs rexêre, leuantes
Consilio gentis multa pericla sua.

III Venturum aeterni natum cecinêre parentis,
Crimina ut ablueret nostra cruore suo.

Hunc propter recipi docuerunt vota precesq̃,
Hoc duce iusserunt Numen adire patris.

Censurâq̃ sua frenârunt sæpè Tyrannos,
Et populi mores continuêre sui.

OFFICIA SACERDO- tum Leuiticorum:

DOCERE,

ORARE,

SACRIFICARE.

ipsus



ἱερεῖς τῶν διδασκῶν εὐαγγελίῳ φυλάσσω
 ἰλάσκεται τοὺς αἰσθητοὺς αἰσθητοῦ θεοῦ.

DE SICLO.

Is valebat Atticorum τέλει δαχμον: nostrum
 verò dimidiatum Ioachimicum. Ein halben
 Thaler/ oder ein Loth.

Ista Sacerdotum designat munera Siclus,
 Cuius in Ebraeis urbibus usus erat,
 In quo florescens insculpta est virga Aaronis,
 Quæ monet, ut DOCEANT dogmata pura Dei.
 Parte calix alia est impletus thure Sabao,
 Hic offerre PRECES, ut noua thura, iubet.

I.

II.

Rursus de SICLO, ad Georgium prin-
 cipem Anhaltinum.

Ista Sacerdotum demonstrat munera Siclus,
 Cuius in Ebraeis urbibus usus erat.

N

Vt sint

- I. *Vt sint DOCTRINAE custodes virga Aharonis*
Vtq; regant mores cum pietate, monet.
 II. *Significantq; PRECES calicis fragrantia thura,*
Precipuum munus sunt pia vota Deo.

Filius aeterno genitori hos praestat honores,
Emmanuel casta virgine natus homo.
Hic est doctrinae custos, quam sparsit in orbe;
Hic Aharonei florida virga chori est:
Hic & pro nobis offert gemitusq; precesq;
Fiat ut offensi mitior ira patris.

Adiungit sibi nos socios, tamen iste Sacerdos;
Agminis & partem nos facit esse sui.
Custodes igitur fidos nos esse necesse est
Doctrinae, gnatus quam dedit ipse Dei.
Huius & addamus votis suspiria nostra,
Quae simul ad patrem perferet ipse suum.

CVR ANGELOS VOLVIT DEVS PRIMO
omnium Pastoribus annunciare Euan-
gelium de nato Salvatore. Lucae II.

Quare ad pastores primum vox nuncia venit,
Angelicus summa quam tulit arce chorus?
Nempe ut precipue pastores carminis huius
Gentibus autores esse ducesq; velint.
Vt summo patri veri reddantur honores,
Et toto fiat notus in orbe Deus.
Ac late in mundo spargantur munera Christi,
Quae sunt placati pignora certa patris.
Et curent ut sit pacata Ecclesia Christi,
Concordiq; regant ore fideq; gregem.

Sit pre-

*Sit procul à Christi discordia sua ministris,
Namq; Deus poterit, non nisi pace, coli.
Nulla lues ouibus tantum, non ulla venena,
Quantum pastorum disidia ipsa nocent.*

“
“

*DOCTORES LINGVAM SVAM DEO COM-
modant, suntq; tantum organa vocis diuina, & ve-
luti fistule voce aliena inflata.*

*Quaquam autem ad dextram cœlesti in sede parentis
Ipse dat hæc semper maxima dona pijs:
Doctores tamen adiungit sociosq; laborum,
Organa quos vocis præcipit esse sue.*

“
“
“
“

Ex Paulo, I. Cor. 13.

Non labor in domino vestester inanis erit.

“

*PRIMITIÆ ET DECIMÆ
contribuenda in usus ministrorum Ec-
clesiæ & pauperum.*



N 2

Partem

*Partem aliquam tamen & promas in pauperis usus,
Certa Sacerdotum pars quoq; messis erit.*

DETESTATIO SOPHISTI-
cæ peruersitatis.

- „ *Non aliam sensit grauiorem Ecclesia pestem,*
„ *Nec res ulla magis perniciosa fuit:*
„ *Quàm structæ insidiæ verbis confusæq; dictæ,*
„ *Turpiter & fucò dogmata mixta nouo.*

PERIODVS VITÆ HV-
mana, labor & dolor.

Dies peregrinationis meæ pauci
& mali. Gen. 47.



Quàm breue, quàm nihil est, quodcumq; hîc degitur aui,
In miserijs, erroribus, suspirijs.
Nugamur pueri: labor excipit omnis adultos:
Curæ viros: morbi senem & deliria.

Tota

Tota (ubi contigeris metam) quid deniq; vita est,
 Quid nisi fuga, exilium & peregrinatio?
 Spes vana: & magno magnas conamine nugas,
 Dum male, nihil, vel aliud hic agimus, sequi?
 Vtq; dies multos, & multos vixeris annos:
 Annum aut diem vixisse vix videre.
 Hoc neq; NVNC reliquum est: tam sunt obnoxia nostra hac
 Oblivioni & vanitatibus, omnia.
 Interea, affligat quod mentem & corpus, abunde est,
 (Meremur istud) quod iuuet, rarum & parum est.
 Toto ergo ad patriæ limen lumenq; beatæ,
 Lassus malis stupensq;, anhelo pectore:
 Corporis ut simul & peccati immunis, ouantem
 Reddam animulam, ah, tuis IEHOVA amplexibus.
 PET. HEGEL.

Quàm nihil nisi vanitas, omnis ho-
 mo securus. Psal. 39.
 Omnis homo similis languenti graminis herbae,
 Vna dies nasci quam videt, vna mori.
 IOH. STIG.
 Vita fuga est: abeuntq; dies, & carpitur atas,
 Vt temerè linguæ verba loquacis eunt.
 Cumq; satur vita est, & aniles attigit annos;
 Vel MALE, vel, TEMERE, vel, NIHIL egit homo.

IOH. STIG.

IDEM ex Græco.

Nudus in hanc terram matris sum lapsus ab aluo:
 Quo terra excedam tempore nudus ero.
 Quid grauib; curis, studijs quid inanibus angor?
 Dum loquor, à tergo mors quoq; nuda venit.

N 3

VERA

Tota

VERA CONSOLATIO IN
obitu piorum hominum.



„ Non hominum casu voluuntur tempora vita,
 „ Arbiter est certò qui regit ista Deus.
 „ Nec mentes hominum deleri morte putandum est,
 „ Quas adflat membris cœlitus ipse Deus.
 „ Ergò Deo vitam repetenti cedere iustum est,
 „ Spesq; noua vitæ nunc tua damna leuet.
 „ O quàm lata, dies hoc quæ me carcere soluet,
 „ Vt possim in clara luce videre Deum.

MORS NIHIL EST IV-
stis, victa nisi mortis imago.

Vt nunc



VT nunc triste mori est, sic dulce resurgere quondam:
 Vita mihi Christus, mors mihi dulce lucrum.
 In terris labor est, requies sed suavis in urna,
 In summo venient gaudia summa die.

IOH. IOACH.

ΕΥΘΑΝΑΣΙΑ.

Nunquam Christe tuos bone deseris: idq, tuum omne est,
 Hunc bene qui vixit, non male posse mori.
 Seu citò, seu tardè est ad te, ô Saluator eundem,
 Vna via est: Namq, es tu via, vita tuis.

PET. HEGEL.

Quid cupidi vitæ seros inhiamus in annos?
 Est vitæ virtus maxima posse mori.

IOH. STIG.

MORS

MORS CHRISTI EST
portus & vita piorum.



Mors tua, mors Christi, fraus terræ, gloria cæli,
Et dolor inferni, sunt meditando tibi.

- » Viue diu, sed viue Deo : nam viuere mundo
- » Mortis opus, viua est viuere vita Deo.
- » Quicquiderit tandem, mea spes est unica Christus,
- » Huic viuo, huic moriar, cætera curo nihil.
- » Quid valet hic mundus? quid gloria? quidve triumphus?
- » Post miserum funus, puluis & umbra sumus.

IOH. STIG.

IDEM.

- » Ah quantum est didicisse mori: Sic transige vitam
- » O homo, ut in Christi viuere morte queas.

Viue

DE ECCLESIA.

P. MELISSVS.

105

Viue memor lethi, quisquis cœlestia curas:

Sic lethi victor gaudia lata feres.

“

“

TESSERA MILITIAE

Christianæ.

VIVO equidem arumnas inter lapsusq; frequentes,

Viuo tamen: *vita* hac quantula, quam misera est?

VINCAM, etiam moriens, *Serpentis* spicula victi:

Christe tuo aspersus sanguine victor ero.

VIVAM, & totus humo nouus efflorebo: *mihiq;*

Tunc erit æternum *viuere* *vita* Deo.

PET. HEGEL.

POLITICA,
ET QUÆ AD MAGISTRA-
tum legesq; attinent.



O

PSAL-

PSALMI CXXVII. METAPHRASIS, Nisi

Dominus edificauerit domum.

Felix sapientia Dei donum.

Quod struis, & cælo certas educere molem,
 Frustrà erit, hoc condat nî Deus autor, opus.
 Quod vigilas, urbemq; tuo vis marte tueri,
 Falleris, excubias nî Deus intus agat.
 Et quanquam gratos somnos abruperis antè,
 Quàm reuehit clarum, Lucifer ipse diem.
 Longa dies quamuis tristi consumta labore est,
 Ac operæ partem nox quoq; sera trahat:
 Nil tamen assidue prosunt curæq; laborq;
 Si non aspirent numina summa tibi.
 Servat alitq; pios rerum pater optimus, inde
 Commoda sunt vitæ cuncta petenda tibi.
 „ Non domus ipsa sibi, non vrbs creat ipsa patronos,
 „ Felices ciues datq; facitq; Deus.



Impe-

*Impetus est qualis volucris, rapidaq; sagitta,
 Figitur in iusso quæ procul acta loco:
 Sic quocunq; rapit diuinus spiritus illos,
 Virtuti cogunt cedere cuncta sua.
 Non fortuna viros, non virtus deserit unquam,
 Nec ruitura sua mœnia sunt patria.*

“
 “
 “
 “

FINIS SOCIETATIS
 humanæ.

*Pòst ubi senserunt se semina ducere cælo,
 Atq; aliquem, mundum qui regat, esse Deum.
 Tunc primum amplexi, iuncti consortia cœtus,
 Tegmina vicinis composuere casis.
 Vtq; alios alij de religione docerent:
 Contiguas, pietas iussit habere, domos.
 Hinc vrbes structæ, quarum est ante omnia munus;
 Asseruisse Deo, quam iubet esse, fidem.*

“
 “
 “
 “

IOH. STIG.

NON NOBIS SOLVM NATI
 sumus, sed ortus nostri partem patria, par-
 tem parentes vendicant, partem amici.
 M. C.

*Nemo suos propriè sibi tantum vendicet ortus,
 Quilibet in publicum nascitur officium.
 Vir bonus est commune bonum: ceu fonte perenni,
 Illius è studio commoda mille fluunt.*

“
 “
 “
 “

IOH. STIG.

O 2

VIR



VIR BONVS PVBLI-
cum bonum.

- » *Vir bonus est hortus patrie qui largus in omnes,*
» *Qua bona supeditet publica, semper habet.*

IOH. STIG.

IDEM.

- » *Et commune bonum est, & res est publica princeps:*
» *Et patria hunc, meritis, conuenit esse patrem.*

DEVS MVSTAT TEMPORA ET AETA-
tes, transfert regna atque constituit.

DAN. II.

- » *Dat vires adimitq; Deus, regniq; coronam*
» *Diuidit, & transfert: alios ad sidera tollit,*
» *Illos mergit humi deiectos culmine regni.*

IOH. IOACH.

Inima-



In imaginem
IUSTINIANI IMPE-
RATORIS.

Dextra tenet GLADIUM, seruat manus altera LIBRAM,

Signa decent Reges scilicet, illa bonos:

Illa quidem intentat sceleratis ciuibus arma,

Et terret stricto dextra mucrone malos:

Expendit iusto prius hac examine causas,

Quàm, nudata sinat colla ferire rei.

IOH. STIG.

Principis est virtus maxima, NOSSE DEVM:

Principis est virtus proxima, NOSSE SVOS.

THOMAS MORVS.

Princeps pius nunquam carebit liberis,

Totius est regni pater.

Princeps abundat ergo felicissimus

Tot liberis, quot ciuibus.

O 3

Idem

- » Totum est unus homo regnum, idq̃ coheret amore:
 » Rex caput est, populus cetera membra facit.
 Rex quot habet ciues (dolet ergo perdere quenquam)
 Tot numerat partes corporis ipse sui.
 Exponit populus sese pro Rege, putatq̃
 Quilibet hunc proprij corporis esse caput.

BELLEROPHON ACCIPIT A PALLA-
 de aureum frenum regendo Pegaso.

Ex auro frenos dat Pallas Bellerophonti,
 Seruet ut in bellis cum ratione modum.

SVSCIPIENDA BELLA, VT
 in pace sine iniuria uiatur.

HECTOR apud Homerum iliad. 15. adhor-
 tatur Troianos, ut pro patria dimicent.



Propa-

PRO patria, magnum decus est profundere vitam:
 Nam reliqui ciues nostra virtute teguntur,
 Et salua interea matres, natiq; manebunt,
 Qui sunt atatis ventura semina, & urbis.
 Tempa manent legesq; bona, pietasq; pudorq;
 Et tunc quisq; suis rebus, fundisq; fruatur.

EXHORTATIO AD FORTITVDI-
 nem, ex veteri poemate TYRTÆI.

In prima pugnantem acie, cecidisse decorum est,
 Seruantem patriæ mœnia cara sua.
 Nam miserum est, patriam amissam, laribusq; vagari
 Mendicum, & timida voce rogare cibos.
 Cum natisq; errare suis & coniuge mœsta,
 Et cum matre pia, cumq; parente sene.
 Curat nemo vagos, & ledere nemo veretur,
 Non exul cura ducitur esse Deo.
 Intrepidi pugnate viri & profundite vitam,
 Quam patria debet reddere quisq; sua.
 Ergo tuo consiste loco pede firmus utroq;
 Compressos dentes & labra morsa tenens. &c.

Βατταχομνομαχία.

Bella perniciosissima sæpe de causa
 suscipiuntur leuissima.

Mus brevis, & saliens in gurgite Rana palustri,
 Dum nulla causa praelia stulta cient:
 Fulmineo pugnans Iouis ira fragore diremit,
 Et tandem fugiens agmen utrunq; perit.

Sic mo-

- ” *Sic modo dira serunt ex bellis bella Tyranni,*
 ” *Nec res, sed cæcos armat utringq; furor.*
Pestiferiq; magis Thebana Sphinge Sophista,
Verba venenato friuola felle linunt.
 ” *Aspicit hæc vindex oculis Deus omnia iustis,*
 ” *Nec graue cum sparget fulmen, inermis erit.*
Gnate Dei bonitate tua mala tanta leuato,
Et serues cætus Christe, regasq; pios.

Publica vniuersorum damna, fiunt
 damna singulorum priuata.

EX SOLONE.



- ” *ἕως δημόσιον κακὸν ἔρχεται οἰκὰδ' ἐκείσθω.*
 ” *Sic partem fert quisq; suam, cum publica clades*
 ” *Incidit, & prohibet ianua nulla malum.*
 ” *Non latebra quenquam fugientem abscondere possunt,*
 ” *In thalamos penetrant publica damna tuos.*

Scili-

Scilicet in vulgus manant exempla regentum.

Ἐπὶ τὰν πρῶτα κύβους βάλλει ποτε μάστις ὁ ἄλλος,
παίξιν οἰόνται οἱ μοναχοὶ νόμιμον.

*Fortè cubos primum posuit cum futilis Abbas:
Tunc sese Monachi ludere iure putant.*

LEX.



*Lex diuina tibi vitæ sit regula semper,
Sitq; tibi potior, quàm tua vita, Deus.*

ALIVD.

*Diuino præcepta, puer, si prodita ab ore,
Et facies casto pectore iussa Dei:
Ipse pater vitæ cursum moderabitur omnem,
Nec fortuna tibi seua nocere potest.*

LEGES.

Leges, libertas & pax sunt optima dona.

Scili-

P

Herbar-

Πειθαρχία & reuerentia Legum.

- ” *Est virtus leges & morum vincula vereri,*
 ” *Si tamen & legum regula Christus erit.*

Leges sunt vincula pacis.
Deniq; vita hominum tranquilla & honesta manebit,
Seruandi leges dum pia cura manet.

EX SOPHOCLE.

ἵππῳ δὲ ἰβείζειν, δρᾶν δ' ἂ βύλεται πάρα:
 ταύτῳ νόμιζε πῶς πόλιν χρόνῳ ποτὲ
 ἐξ εἰῶν δρᾶν εἰς βύθον πεσεῖν.

- ” *Vbi petulanter facere quod libet, licet,*
 ” *Legumq; vox & ira Vindictis Dei*
 ” *Ridentur, ac inane nomen est pudor:*
 ” *Magno ruet ventis secundis impetu*
 ” *Mox in profundum mersa tota ciuitas.*

LEX TALIONIS.

Aristoteles citat lib. 5. Ethicorum ex
 veteri poeta Rhadamanto.

- ” εἴτε πάθος τὰ κ' ἐρεξε, δίκην ἰθεὶα γένοίτο.
 ” *Iusta malis hac admissio pro crimine pœna est:*
 ” *Si qua fecerunt, eadem patiantur & ipsi.*

VEL,

- ” *Si patitur quæ quis fecit, iustissima pœna est.*

QVOD NON CAPIT CHRISTVS,
rapit fiscus.

Exprimit humentes, quas iam madefecerat antè,
Spongiolas cupidi Principis arcta manus.

Prone

*Prouehit ad summum fures, quos deinde coërcet,
Vertat ut infiscum, quæ malè paria, suum.*

ANDR. ALCIAT.

IN VITAM AVLICAM,

IO. POSTHIUS AD

P. Melissum.



*QVI trahere infelix specioso in carcere vitam,
Cunctaq; dura pati vult sponte: moretur in aula.
Qui seruis seruire, moram qui ferre recusat,
Seq; irridendum prabere: recedat ab aula,
Spemq; metumq; inter dubius qui viuere non vult,
Omnia qui nescit simulare: recedat ab aula.
Qui verè esse pius, qui sobrius esse laborat,
Quiq; valere diu: nocituram deferat aulam.
Aula locus, fortuna suos ubi lubrica lusus
Ludit, & exaltat nunc hos, nunc deijcit illos.*

P 2

Aula

*Aula mare est, quo non aliud furiosius ullum,
Non, quo naufragium, contingat crebrius ullum.*

- „ *Aula fera est capitum multorum bellua, seruos
Pessundans plerumq. suos: ô terq. quaterq.
Infelix, fatua quicunq. senescit in aula.
At contrâ felix ô terq. Melisse, quaterq.
Ambiguam sapiens Iuuenis qui liqueris aulam.*

*Innocentia optimum aduersus in-
uidentiam remedium.*

- Sic decet inuidiam vulgi superare furentis,
„ Nulla sibi rectè conscius arma timet.
„ Pascere liuor iners odio, saturare furore,
„ Mors tua, recta Deum facta colentis erunt.*

IOH. STIG.

OECONOMICA

KAI TAMIKA.

CONCORDIA.

Metaphrasis Psal. 133. Ecce quam bonum.

- „ *E* *Xiguis addit vires concordiarebus,
„ Et cumulat modicas atq. tuetur opes.
„ Utq. senis celsa manantia vertice Aharonis
„ Infirmos artus balsama larga rigant.
„ Siue satis ut vita redit, dum Sirius agros
„ Torret, si gelido rore madescit humus:
„ Sic ubi sunt a quo sociata fœdere mentes,
„ Fidaq. communis pectora iunxit amor:*

Virtu-



*Virtutem Deus aspirat, placidoq; fauore
Prouehit, & vitæ cuncta pericla regit.*

Idem Psalmus venustissimè à Georgio
Buchanano redditus.

*Nil caritate mutua fratrum, nihil
Iucundius Concordia.*

*Non aura suavis balsami, quum funditur
Ahronis in sacrum caput.*

*Et imbre leto proluens barbam & sinus,
Limbū pererrat aureum:*

*Non ros, tenella gemmulis argenteis
Pingens Sionis gramina.*

*Aut verna dulci inebrians vligine
Hermonis intonsi iuga.*

*Fraterna quam pax incolit domum, iuuat
Dominus benigna ad dextera,*

P 3

Et opi-

*Et opibus auget : filiorum & filios
Multis propagat saeculis.*

CASTITAS.

Vult inuocari mentibus castis Deus.



- » Πνεῦμα ἐὼν θεὸς αἰδῶ καὶ θαρόντε καὶ ἀγνόν,
» τῶν ἀγνῶν δέχεται ἱερα μῆνα φρενῶν.
» Ἀγνείαν κ' ἔταξε νόμοις σεμνοῖσι γάμοιο,
» πῆλ' αἰεὶ θεὸν ἔν' ἐν γάμῳ εὐσεβέως.
» *Casta Deus mens est : casta vult mente vocari,*
» *Et castas iussit pondus habere preces.*

GEOR. FAB.

Sed pravi nullis vinclis retinentur amores:

- » *Nullus amor, quibus est non Deus unus amor.*

DE CASTITATE,
ex Naumachio.

Haud aliquid melius vitam commendat & ornat,

Virgi-

DE RE OECONOMICA.

*Virgineam casto quàm ferre in corpore mentem,
Et gaudere animi sensu meditantis honestum.*

IOH. STIG.

DE AMORE.

*Nil amor est aliud, si nescis, quàm sine vita
Viuerè, nil aliud quàm sine morte mori.*

P. MELISSVS.

NIC. HEMMING.

*Ores, casta legas, ieiunes, otia vites,
Si seruare voles corpora casta Deo.*

DE TVDICITIA.

PHIL. MELAN.

*In primo tomo Scriptorum publicè propo-
sitorum VVitebergæ.*

Marcellinus cùm laudat Iuliani Imperatoris pudicitiam, scribit eum crebrò recitasse versiculos Bachylidæ Lyrici, qui ait: Vt in picto corpore summum decus est facies pulchrè expressa: ita in hominum moribus pulcerrimum decus esse, pudicitiam. Ac profecto ita est, quamuis pulchra statua, sine aptis lineamētis faciei, truncus est deformis: ita in homine sine pudicitia, etiamsi quæ sunt alia bona, tamen sunt deformia & spreta, quia naturæ mediocres oderunt & abominantur impudicitiam. Versiculi sunt sic redditi:

V*T cùm de statua facies formosâ remota est,
Non decus in reliquo corpore truncus habet:*

Sicre-



- » *Sic reliqui mores spreti & sine honore iacebunt,*
 » *Ni sint ornati laude pudicitiae.*

MEDIOCRITAS ET SAN-

στα αὐταρξεία.

- » *Felix cui dederit mediocria commoda vita,*
 » *Noticiamq; sui, Filius ipse Dei.*

IOH. STIG. AD VICT. STRIG.

- » *Nos inuict esse Deo, quod iubet esse Deus.*

G. BVCHANANVS Psal. 37.

- » *Præstat supellex sobria,*
 » *Recteq; pars a recula,*
 » *Quàm rapta per vim diuitum*
 » *Fastidiosa copia.*

Vitam quæ faciunt beatiozem.

- » *οἱ νοποτεῖν μετέως, κέρως τ' ἀπολαύς ἐραλεινῆς,*
 » *ἡδὺς & βίολ' σὺν φόβῳ ἐστὶ θεῷ.*

Dulce

DE RE OECONOMICA.

121

*Dulce merum, dulcis Coniunx, mens conscia recti:
Quid tribus his iunctis, dulcius esse potest?*

IOH. STIG.

*Nesse Deum, & socia traducere coniuge vitam,
Et sobolem casti dona videre thori:
Maius & vberius decus est, quam parta tenere
Regna, decus summo non habitura die.*

DE CONIVGIO.

Mysterium hoc magnum est,

EPHES. V.

Quinq; ~~αρεται~~ Coniugij, ad Christum &
Ecclesiam transferenda, vt sunt: Amor, Fi-
des, Societas bonorum & æumnarum, Ge-
neratio & Defensio.



*P*ectus ut in sponso flammæ incendia sentit,
Qui vero sponsæ flagrat amore suæ:

2

Natu-

*Natura sociam vero sic diligit igne,
 Filius aeterno de Genitore satus.
 Induit humano quam fœdere, quo sibi nostrum
 Fraterno pariter iunxit amore, genus.
 Iura thori Deus Exemplum cùm fœderis huius
 Esse velit, castè præcipit ipsa coli.*

E GRAECO:

HÆC est os ex ossibus meis.

*Aspexit iuuenem formosa puella superbum,
 Ipsius in vultu lumina fixa tenens.
 Hic ait, in terram potius tu deijce ocellos,
 Non oculos habeat casta puella vagos.
 Imò, ait hæc, magis in terra tu limina figas,
 Ex terra primum nam tua facta caro est.
 Nostri principium fuit ortus costa virilis:
 Hanc quero, & iungi me velit illa sibi.*

IOH. STIG.

„ *Non oculis tantùm ducenda, sed auribus vxor:*
 „ *Indicio famæ quæ placet, illa placet.*

I D E M.

Quid moror? humana non est opis: abdita res est
 „ *Coniugij ratio, fato connubia fiunt.*

IOAC. BEVST.

„ *Sponse voca Christum, non est sine munere Christus:*
 „ *Ille merum tardè, dat tamen ille merum.*

ΣΤΟΠΗ.

*Coniugis in labris quoties dulcissima figis
 Basia, purpureis filioliq; genis:*

Istius

*Istius ipse Deus transfudit semina amoris,
Non temerè in sensus castag, corda patrum.
Ergo preces etiam probat inter suavia mixta,
Coniugibusq, pijs has iubet esse ratas.*

Gratulatio ad coniuges.

*Coniugium vestrum sit felix numine Christi,
Inq, Deo sit mens vna, sit vnus amor.*

IOH. STIG.

*Vnum suauiolum, quod castus figit honestæ
Consorti coniux, censorem pluris habetur
Ante Deum, templis quàm cultus mille figuræ
Propositæ, humanæ quas fingit opimò mentis.*

LIA, IACOBI VXOR EXEM-
plum patientis fœminæ.

*Lippa Lia & fœcunda, suæ est inuisa sorori
Officium nihilo sed minus ipsa facit.*

MICH. BARTH.

IVDITHA VIDVA,
mulier Heroica.

*Servatrix patriæ ex Holofernis cæde triumphat,
Concedens nulli laude Iuditha viro.*

MICH. B.

IN MILITIAM PARTVRIEN-
tium, seu Collatio
Proeliantium & parientium.

*Stando mori pulcrum est, ipsog, occumbere in actu:
Sive ita miles obit, sive ita mater obit.*

2²

In mor-

*In mortem ille ruit lucri spe illectus: ob ipsam
 Pignoris illa animam, pignerat ultro animam.
 Is, licet armatus, vitam male prodigit: illa
 Innuicta in viua, mortua, prole manet.
 Corpus at hic cornis: animam, proh, deuouet Orco:
 Cura Deo, matrum, est corporis atq; animæ.
 Iste alios secum perdit: sed mater alumnam
 In laudes sobolem datq; dicatq; Dei.
 Si grauida emoritur fragili cum palmitē vitis:
 Palmes erit Christi in corpore, uterq; sui.
 P. H. R.*

Singulas etiam familias, singulas
 oportere esse Ecclesiolas.

- » *Templa Deus nidos, nidos vult esse laresq;
 » Cum casta natos coniuge cuiq; suos.*

ITEM.

- » *Vis Ecclesiolam, quamlibet esse domum.*

IOH. STIG.

- » *Coniugium humanæ est diuina Academia vitæ.*

G. NAZAN.

- » *φίλτρῳ μὲν συνέδησε ΦΥΣΙΣ τοκέας γονύσει.*

PHILIP.

- » *φίλτρῳ μὲν συνέδησε ΘΕΟΣ τοκέας γονύσει.*

In crapulam & ebrietatem.

*At terimus fruges, cen bucula deuorat herbas:
 Et bibimus, largas taurus ut haurit aquas,
 Et quasi vita homini sit deuītanda, studemus
 Ipsam animam sumtis illaqueare cibis.*

IOH. STIG.

Olim

ALIVD.

*Olim hominum generi rigidus vitam abstulit ensis,
Nunc breuior cyathis mortis aperta via est.
Nunc miseri vitris vitreum deperdimus animum,
Si similis fragili vita putanda vitro.*

NIC. RYDING.

ALIVD.

*Tento ferox olim ferro pugnavit & armis:
Vitrea nunc bibulo praelia Marte gerit.*

PAVL. MELISSVS.

IN LVXVM ET PRO-
fusiones.

*Mutavit veteres ignava superbia mores,
Atq; animos segnes prodiga vita facit.
Fœmina iam totum pendentem è pectore censum,
Atq; omnem dotem fronte puella gerit.*

IOH. STIG.

IN ROSAS PICTAS,
quæ supra mensas in cœnaculis vulgò exten-
di affigique solent.

*Castâ & amica loqui, tetricas deponere curas,
Absentum famæ parcere, amare bonos.
Ferremalos, sed non efferre tacenda, monet te
Purpurea hac patulo vertice, amice, Rosa.*

PET. HEGEL.

Q 3

PAR AE-

olim

PARAENETICA,
ET DE STUDIIS RECTE
formandis commonefactiones.

INVITATIO PVERORVM
ad Scholas.

Carmen quo solent Pueruli ad studium li-
terarum in Scholam reuocari, die Gregorij,
circa æquinoctium vernum.

” VOS ad se pueri primis inuitat ab annis,
” Atq; sua Christus voce venire iubet.
” Præmiâq; ostendit vobis venientibus ampla,
” Sic vos ô pueri curat amatq; Deus.
” Vos igitur lati properate occurrere Christo,
” Prima sit hæc Christum noscere cura ducem.
” Sed tamen ut Dominum possis agnoscere Christum,
” Ingenuas artes discito parue puer.
” Hoc illi gratum officium est, hoc gaudet honore;
” Infantum fieri notior ore cupit.
” Quare nobiscum studium ad commune venite,
” Ad Christum monstrat nam Schola nostra viam.

Sinite puerulos venire ad me, & ne prohi-
beatis eos: talium enim est regnum Dei. Mat.
19. Mar. 10. Luc. 18.

Ipse iubet ad te pueros, ô Christe, venire,
Atq; hos perpetua morte perire negas.
Ex psalmo 19.

” Et Deus infantum celebrari gaudet ab ore.

Sen:

Seu:

Vult fieri infantum notior ore Deus.

EPIGRAMMA IOHANNIS SIGELII dulcissimum.

*Suauiter infantes dum tollit ad oscula Christus,
 Mitis & amplexu pignora parua fouet.
 In genus humanum diuinum ostendit amorem,
 Qui Patris è prono corde volentis abit.
 Tu quoq; mortalis, cui contigit esse parentem,
 Dum figis soboli basia blanda tuæ.
 Crede Deo, cuius maior te amplectitur ardor,
 Quàm tuus in sobolem maximus esse potest.
 Et caue ne stolidè tantum auerferis amorem,
 Quem qui ferre potest, omnia solus habet.*

Ingenium sine doctrina esse speculum im-
 politum: ἀντιφθέγγμα Alberti Dureri.

*Vt nulla è speculis rudibus resplendet imago;
 Nè sint artificis ritè polita manu:
 Ingenij sic vsus erit non vllus acuti,
 Doctrinæ si non erudiatur ope.*

RECTA INSTITVTIO REQVIRIT ASSI-
duitatem discendi & imitandi.

*In ludum quidam natum ducitq; iubetq;
 Vt vita melius discere tentet iter.
 Et primis pater ingenium puerile sub annis,
 Et rude dum pectus recta docere parat:
 Qua puero fore ducat opus re, fortè magistrum
 Querit: at ille, opus est MENTE, ait, atq; STYLO.*

TRES

TRES CAUSAE IGNORANTIAE.

» *Sunt quos ingenium LEVE, sunt quos blanda VOLVPTAS,*

» *Sunt & quos faciunt corda SVPERBA, rudes.*

AND. ALC.

CORN. GALLVS.

» *Quod NATVRA negat, reddere CVRA potest.*

At,

» *Quod cultura negat, reddere nemo potest.*

Impetus Poeticos, sicut alios motus Heroicos, singulare Dei donum esse.

» *Humanas superans vires Heroica virtus,*

» *Tales qui motus dat, monet esse Deum.*

Sic etiam ubertas fundentis carmina venæ,

Esse Deum ostendit, motus & ille Dei est.

Ergo agnosce Deum, & iusto venereris honore,

Cum docti vatis scripta sonora legis.

POETAE LEGENDI, ET ASSIDVA
imitatione exprimendi.

Cura sit à teneris, vatum cognoscere scripta,

Eloquij fontes hos sciat esse puer.

Horum pectoribus motus Deus indidit acres,

Sublimemq; dedit Musa canora sonum.

Verum non satis est legisse poemata tantum,

Accedat studijs altera cura tuis:

Vt doctis digitis exempla ediscere certos,

Cogere & in numeros verba soluta novos,

Hic labor ingenij vires acuitq; fouetq;,

Hinc venit elegij copia, forma, nitor.

Hoc

*Hoc si languescet studium, si ignara iuuentus,
Non perferre volet ta dia longa styli
Hei mihi quæ clades reliquas iterum obruet artes?
Barbaries tenebras inuehet atra nouas.*

*Artium bonarum inter se, veluti herba-
rum in medicinis, societas & mixtio,*

*Nam velut arcanis sociatæ viribus herba,
Pharmaca cœi iuncto fœdere mixta ferunt:
Sic studijs promptæ quasi conspirantibus artes,
Humanis gaudent consuluisse bonis.*

IOH. STIG.

*Studia nonnunquam remittenda, in-
termittenda nunquam.*

Tempestiua iuuant operosas ocia Musas.

AVSONIVS.

*Sunt etiam Musis sua ludicra mixta Camænis,
Et cessare licet: grato SCHOLA nomine dicta est,
Iusta laboriferis tribuantur ut otia Musis.*

ELOGIVM TERENTII.

*Comica debetur meritò tibi palma Terenti,
Tanta etiam paruis gratia rebus inest.*

IN P. OVID. NASONEM.

*Naso dabis veniam, talem te miror amos:
Ingenium nugis prostituisse queror.*

IOH. STIG.

*DIALECTICA MAGNO ADIVMENTO
est doctrinæ Ecclesiæ explicanda.*

*Intenui quamuis noster labor esse feretur,
Quòd pueris Logices prima elementa damus.*


R

Plus

*Plus tamen his operis Ecclesia sacra inuatur,
Quàm si de Pario marmore templa struas.*

ELOGIVM DIALECTICES.

IOH. STIG.



Fama fidem fecit, Minoidos atria Creta
Irremeabilibus plena fuisse dolis.
Sapè quis ambages intrans fraudesq; viarum,
Nequaquam fallax inde relegit iter.
Solut at Aegides comitantia fila secutus,
Dicitur ambiguas isse, redisse vias.
” Sic nisi te reliquas Dialectica ducat in artes,
” Semper in ambiguum tetrahet error, iter.
Hac oculis hominum nebulas abstergit, & illos
Seiuncta à falsis cernere vera docet.
Hac caput Aonias cupienti efferre per artes
In dubijs prabet fila sequenda vijs.

Dum

*Dum potes & licitum est, hac arripe fila iuventus,
Præbeat ad Musas hæc Ariadna viam.
Quod si vere tua neglexeris indolis illam,
Nulla tibi Autumni tempore messis erit.*

PRÆMEDITATE LO- QVENDVM.

Aduersus extemporales Rhetores, seu
subitam dicendi confidentiam.

*Hermogenes voluit laudari, dicere multa
Quod subito posset non meditata prius.
Atticus orator sed contrà turpe putabat
Dicere apud ciues non meditata prius.
Sculpta, inquit, potius recitarem, non modo scripta;
Causa moram ferret si peragenda reo.
Ac utinam sapiens placeat contatio multis,
Fundant ad Gnatum vota q, casta Dei.*

ARITHMETICA.

*Omnia sunt numeri, numerosis motibus omnis
Hic igitur mundus, mundus & alter homo.*

HISTORIÆ EVOLVENDÆ.

*VT nôris quando sese patefecerit ipse,
Spectari insit secula cuncta Deus.*

HISTORIAE SUPPEDITANT EXEM- pla Iustitiæ diuinæ.

*ἡς κατὰ μὲν πῆρεσιν ἀδίκους, πικρὰ δὲ δικαίους,
ἢ διὰ βίον γραφὴ δείξεται ἰσογία. id est:*

R 2

Quod



*Quod Deus iniustos punit, iustos quod honore
Afficit: hoc nobis indicat historia.*


A magnis etiam fortissimisq; viris lectio-
nem poetarum & historiarum semper fre-
quentatam fuisse.

*Terribiles inter lituos sonitusq; tubarum,
Rex Macedum legit carmen, Homere, tuum:
Fessaq; nocturna cum membra quiete leuaret,
Dicitur hoc stratis supposuisse suis.
Scipio, qui victa meruit Carthagine nomen,
Fregit & Ausonia Punica sceptrum manu:
Sedulus in medio belli discrimine legit,
Quod Xenophon Cyri nomine scripsit, opus.*

G. SAB.

Ante

Ante omnia studiosè discenda & medi-
tanda doctrina cœlestis.



Ἰδυσταὺς ὁ θεὸς μᾶλλον δὴ τέρεσθαι ἄλλαις,
ἢ διδαχῆς μελέτῃ εὐλκεῖν ἐστὶ λόγῳ.

*Vult adsertores laudum nos esse suarum:
Idq̃, magis poscit, quàm noua thura, Deus.*

H. EOB. H.

*Quin dociles adhibe dictis presentibus aures:
Gratior est ipsi victima nulla Deo.*

DE DIVINA PAVLI Apostoli eloquentia.

Ἰδέ γε δαιδαλέῳ τὸν χεῖρὸν γράψαι ἀπελλῆς,
ἐνδεῶς ὡς παῦλῳ τῷ δ' ἐχάραξε λόγῳ.

*Non sic Dedaleus Christum pinxisset Apelles,
Vt facer hunc Paulus exprimit ore pio.*

R 3

Aliud



Aliud in Paulum.

*Auguror, & video (longaui cedit patres)
Nescio quid maius prisca Damascus alit.
Qui nunc Tarsiaco prodixit sanguine miles,
Sauluses, exiguo tempore Paulus eris.*

IOH. STIG.

PSALMORVM LECTIO
FREQUENTANDA.

*Amphion cantu scopulos traxisse putatur,
Et potuisse Orpheus flectere voce feras:
Attamen hos longè Davidis carmina vincunt,
Qua mentem è media ducere morte solent.*

ALIUD



ALIVD IN PSALMOS.

Ad tria genera Psalmos redigit: ita vt
 Alij sint Didascalici & Prophetici:
 Alij Precatorii, consolatorii & Eucharistici:
 Alij Legales & Historici.

*Saxa ferunt vatem traxisse Amphiona cantu,
 Ut strueret Thebis mœnia prima suis:
 Maius opus fieri Davidis carmine constat,
 Qui trahit ad summum pectora nostra Deum.
 Nunc servatoris narrat præconia Christi,
 Quem canit æterno de genitore satum:
 Nunc aptè gemitus & verba precantia tradit,
 Ad summum patrem quæ tua vota vehant:
 Nunc iustas vitæ leges, pœnasq; malorum,
 Et promissa canit præmia magna pijs.
 Hæc igitur Cythara est ad tempora qualibet apta,
 In manibusq; tibi semper habenda, pijs.*

I.

II.

III

In di-

In dictum Philippi Melanth.

LECTIO & INVOCATIO sunt vberri-
mi commentarij in Psalmos.

IOH. STIG.

- » Nulla sacros melius docet enarratio psalmos,
- » Quàm repetens solidas LECTIO crebra, preces.
- » Sape lege, & PRECIBVS feruentibus erige pectus:
- » Vt tibi quæ nescis suggerat ipse Deus.
- » Quod nequeunt longis dare commentaria verbis,
- » Hoc tibi cum precibus lectio iuncta dabit.

DE BIBLIIS A LVTHERO IN GER-
manicam linguam translatis.

In linguam nostram studuit transfundere fontes,
Et tantum lucis lectio nulla tenet.

IN LOCOS THEOLOGICOS

PHILIPPI MELANTHONIS, praco-
nium eiusdem Stigelij.



Pinguis

Pinguis ut aërii, de vertice lapsa Sionis,
 Irrigat humentes copiaroris, agros:
 Altus ut egrediens stagnantia littora, Nilus
 Fætificat largo rura propinqua sinu:
 Sic hoc sparsa libro, vera doctrina salutis,
 Aeternis implet pectora sancta, bonis.
 Explicet inuicti quod sic oracula Christi,
 Nullum hoc in terris sanctius extat, opus.

IN CONFSSIONEM FIDEI CHRISTIANÆ,
 exhibitam Carolo V. Augusto, Anno 1530.

Concurrant inimici omnes licet undiq, hic unus
 Confutare potest improba dicta, liber.

IOACH. CAMER.

DE ASTRIS.

Astra testantur Deum esse.



S

Sidera

*Sidera dum spectas claro labentia cælo,
Et signas oculis lumina nota tuis.
Verè aliquam mentem rebus quæ cuncta gubernat,
Et quæ nostra vidit facta præesse scias.*

EOB. AD SCHONERVUM.

- » *Esse Deum quicumq; negat, mox sidera spectet :
» Sidera qui spectat, iuret is esse Deum.*

PHIL. MEL.

*ἄσρα μὲν αὐτὰ πέλζ, θεῖας σημεῖα περὶ τοῖας,
μᾶλλον δ' ἢ ἄσρων δευσιπὶν διδουχὴν.
Astra quidem sunt ipsa Dei certissima signa,
At doctrina Deum certius esse docet.*

IN HYPOTHESES ASTRO-
NOMICAS.

*Non ferri casu pulcerrima corpora mundi,
Verùm mente regi consilioq; Dei:
Testatur Phæbus, qui certis legibus annum
Conficit, & notis itq; reditq; vijs.
Et gratis vicibus lucem noctemq; reducit,
Et tempestiuè nata calore fouet.
Temperat & radios, quos excipit humida Luna:
Distinguens annum mensibus ipsa suis.
Deniq; cuncta suis labuntur sidera metis,
Naturam proprijs officijsq; inuant.
Hæc cum suspiciens oculis ac mente notabis,
Autorem agnoscas & venerere Deum.
Hic nobis haustum proprio de pectore mentem
Inseruit, iusti noticiamq; dedit.*

Ergo

*Ergo etiam scelerum pœnas hic exigit ultor,
Virtutumq; dabit præmia grata pijs.*

IOH. STIG.

*Ipse regit motus quos conditor addidit astris,
Nec casu ætherios sic finit ire choros.
Nec vires adimit, quoties errantia cœlo
Astra quasi in synodum iuncta coire finit.
Sed precibus motus armatos temperat ignes,
Irati precibus frangitur ira Dei.
Ergo hæc signa decet reuereri vt signa futuri,
Adducunt tacitè quod simul ipsa mali.
Sed sapere hic nimium, supraq; ostensa vagari
Indicia, hoc vitij est non rationis opus.
Vana superstitio mores corrumpit & artes,
Hanc caueas cura qui cupis esse Deo.
Qui regit, ipse potest mutare & vertere fatum,
Tu modo qui metuis tristia, funde preces.*

*Astra inclinant, non necessitatem
inducunt.*

*Quamlibet astra regunt homines: regit attamen astra
Noster, qui non vult Stoicus esse, Deus.*

ITEM.

Astra regunt homines, sed Deus astra regit.


C. CRVCIGER.

Fata mouere Deus, tollere fata potest.

Item:

Non plus fata tamen, quàm pia vota valent.

EPIGRAMMATA
DE COMETIS.
EX GRAECO.



» ἐδείξεν κομήτης ὅς τις ἔρχεται φέγγος.

» *Nulla etas vidit flagrantem impunè Cometam,
Non leue venturum nunciat ille malum.*

IOH. STIG.

*Iam toties nigra tectum ferrugine Solem
Vidimus offensi signa dedisse Dei.
Vidimus & rutilo flammantes crine Cometas
Arguere è cælo funera, bella, famem.*

ΣΩΦΡΩΝ.

ΣΩΦΡΟΝΙΣΤΙΚΑ, seu

ETHICA PRAECEPTA, SEV REGVLÆ VITAE, ad honestatem & decus instruentes.

ORA ET LABORA. Subditus cōto Deo, & ora eum. Psal. 37.

Subditus esto Deo, mandato munere fungens,
Et spera in miseris & pete, rebus opem.

EX DICTO IOH. BAPTISTAE.

Non potest sibi homo sumere quicquam,
nisi datum sit ei à Deo. Ioh. 3.



Nullius est felix conatus & utilis vnquam,
Consilium si non detq; inuetq; Deus.

S 3

Tunc

*Tunc inuat ille autem, cum mens sibi conscia recti,
 Mandati officij munera iusta facit.
 Et simul auxilium presenti à numine Christi
 Poscit, & expectat non dubitante fide.
 Sic procedet opus faustum populisq; tibiq;
 Navis & aura tua vela secunda vehet.*



- » *Inuictamq; Dei dextram vis nulla repellat,*
- » *Omnia cogentur cedere prona, Deo.*
- » *Ipsa etiam, quamuis Adamanti incisa feruntur,*
- » *Cum petimus, cedunt fata seuera Deo.*
- » *Nec Deus est Numen Parcarum carcere clausum,*
- » *Quale putabatur Stoicus esse Deus.*
- » *Ipsè potest Solis currus inhibere volantes.*
- » *Ipsè velut scopulos flumina stare iubet.*

ITEM:

- » *Solares retinet currus & flumina sistit*
- » *Verus & hic liber cunctipotensq; Deus.*

FINIS

FINIS HOMINIS, ADEOQUE TOTIVS
humanae societatis est agnitio &
celebratio Dei.

*Magnum opus est ad quod nos Mens aeterna creavit,
Ut nostro studio notior esse queat.
Ac in nos haustam proprio de pectore mentem
Fudit, & effigiem iussit habere sui.*

IOH. STIG.

*Utq; alios alij de religione docerent,
Contiguas pietas iussit habere domos.
Hinc urbes structae, quarum est ante omnia munus
Asservuisse DEO, quam iubet esse fidem.*

MAGNA HOMINIS DIGNITAS, QVOD
sit imago & templum Dei.

*Singula consultò certos distinxit ad usus,
Cum templum vellet nos Deus esse sibi.
Divina in CEREBRO radios sapientia spargit,
Cum verbo mentes luce suag; regit.
At COR Iusticiae domus est, sentitq; dolores,
Cum punit fontes vindicis ira Dei.
Ad flatuq; Dei purgatum gaudia sentit,
Et vita fruitur non pereunte Dei.
Formatum ad tantos CORPVS cum videris usus,
Factorem agnoscas & venerere Deum.
Ipsius & templum non labes ulla prophānet,
Pollutum abijciat ne grauis ira Dei.*

PRIN-

FINIS

EPIGRAMMATA
PRINCIPIIS OBSTA.

Vitare peccatum, est vitare occasionem peccati.

Flammæ suborientium cupiditatum pro-
tinus restinguendæ pijs precibus & honestis
laboribus.

Parua initia lapsuum, magnas ruinas tra-
hunt.



» **V** Incere difficile est tentant cùm dulcia sensus,
» Nî fugias pœna est seua luenda tibi:
» Sed fugeteq, regi poscas à numine Christi,
» Offendent quæ non posse nocere putes.

Huc Ouidianum istud simile.

*Vt penè extinctum cinerem si sulphure tangas,
Viuet & ex minimo maximus ignis erit:
Sic, nisi vitâris quicquid reuocabit amorem,
Flamma redardescit quæ modò nulla fuit.*

OCIA

OCIA DANT VITIA.

*Non ignava decent generosas otia mentes,
Virtutemq; acer durat alitq; labor.*

Ex Euripide in Phœnissis.

*Si quis malorum gaudeat commercio,
Rogare qualis ipse sit, nihil est opus:
Nam quisq; similis est sodalitij sui,
Vadens ad aucupia cum visco & illice.*

Ex Theocrito.

*τέτιξ μὲν τέτιγι φίλῳ, μύρμακι δ' μύρμαξ,
Formicis gaudet formica, Cicada cicadis.*

De Sedulitate & Iustitia, Germanici
Rythmi matris Philippi.

*Wer mehr wil verzehren /
Denn sein Pflug kan creeren:
Der wird zulezt verderben /
Und villeicht am Galgen sterben.*

Quorum hæc est sententia:

*Si quis de parvis vult plura absumere rebus,
Quarere quàm vigili sedulitate potest:
Is mendicando victum petat ostia pulsans,
Aut feret huic tristem crux laqueusq; necem.*

Ex Hesiodo.

*τῆς δ' ἀρετῆς ἰδρωτὰ θεοὶ ποσειδάριον ἔθηκεν.
Virtutem voluere Dÿ sudore pari,
Longa via est ac ardua quæ perducit ad illam;
Inq; aditu primo longè est asperrima, sed cùm
Veneris ad summum facilis incundaq; fiet.*

T

IN AL-

OCIA

IN ALDVM, & PAVLVM ALDI F.

ET ALDVM PAULI F. ALDI N.

*Alde, laborum omnium moli insuperabilis Atlas,
 Parcarumq; adeò vix superate manu:
 Humanis namq; exemptus, rediuius in ipso
 Primum idem gnato, moxq; nepote redis.
 Aut quasi transcribens Musas heredibus, viri
 Has proprium genti vis decus esse tue.*

P. HEG.

IN ANCHORAM ALDI, ET

CIRCINVM PLANTINI,

Iulus.

*Sacra Aldi fundum valido tenet anchora morsu;
 Cui caudam Delphin insinuatq; caput.
 Sic Plantine tuus constanter circinus vno
 Stat pede, pes circum sedulus alter obit.
 Amborum è rigido sunt instrumenta metallo:
 Artificem exercet durus vtrumq; labor.
 Sed Delphin celer est, & gyrat circinus orbem:
 Et vincit CONSTANS omnia dura LABOR.*

P. HEG.

Ex Hesiodo.

*Optimus qui per se sapit,
 Proximus qui per alios,
 Infelicissimus qui neq; per se, neq; per alios.*

- » *Omnia per sese qui prauidet, optimus ille est:*
 » *Proximus ille tamen, qui paret recta monenti:*
 » *Sed qui non sapit ipse, nec audit recta monentem,*
 » *Inuida ei mentem misero natura negauit.*

HIER.

HIER. VVOLFVS.

Hoc vetus est, ridere boni monitoris amorem:

Dictaq; stulticiae ponere cuncta loco.

Hoc etiam vetus est, vt qui praesagia rident,

Atroces pœnas corde gemente luant.

Necessaria facienda.

Amicitia cum paribus iungenda.

Feceris haud quicquam, nisi quod fecisse necesse est,

Quamq; dedit norma est vna sequenda Deus.

Et fugito turbam, nisi cum Respublica poscit

Congressus modicos: futile turba malum est.

Nec tibi curabis multos adiungere amicos,

Rara hæc sunt, candor, gratia iusta, fides.

At si quos poteris, reg; officioq; iuuato,

Sic tamen, adiutos ne meminisse putes.

Præcipuè verò remis velisq; potentum

Fucosas fugito cantus amicitias.

INFELIX FELICITAS.

*In inquieta ingenia fortunam sibi
ipsis fabricantia.*

Omnia contigerint cùm vitæ commoda multis,

Firma valetudo, coniunx iucunda, laresq;

Et civilis honos, & pax dulcissima rerum.

Cur tamen humana mentis furiosa cupido

Appetit immensum semper sine fine, modog;

Ærumnasq; volens fatumq; accersit acerbum?

Causa est vna, Deum quod rectorem excutit audax.

IOH. IOVIANI PONTANI.

„ *Quis ruit ex alto, princeps ruit: ima ruina*
 „ *Nulla est: è summo qui cadit, ille cadit.*

Ex oratione Lycurgi.

„ *Iratu ad pœnam Deus si quos trahit,*
 „ *Auferre mentem talibus primum solet,*
Caliginemq; offundit: ut ruant suas
Furenter in clades, sibi quas noxi
Accerserunt ultrò consilijs malis.

Iustus ut palma florebit.

Ocia non animis secura pecunia confert,
Nec vitæ tutus, credite, portus erit.
Denique nemo suo, vallum sibi, Martem parare
Contra fortune iura vicesq; potest.
 „ *Felix ille, Deo quisquis duce fidit, & huius*
 „ *Ambiguum vitæ lege gubernat iter.*
Hunc pater in dubijs rebus tegit optimus, atq;
Defensum in gremio gestat ubiq; suo.
Utq; nihil ledunt hyemis mala frigora Palmam,
Illaq; perpetui veris honore viret:
Sic etiam iste malis nescit succumbere victus,
Durat, & in media vivere morte solet.

Imago CHRISTOPHORI, est imago
 Christiani hominis.

Ista pie mentis formam tibi monstrat imago,
Quæ Christum vera cum pietate colit.
Nam velut in medijs incedit FLUCTIBVS Heros,
Qui non magnum humero sed graue gestat onus:

Sic &

*Sic & multa pios discrimina oportet adire,
 Qui verbum portant, Maxime Christe, tuum.
 Omnia destituunt iustos solatia, nemo
 Auxilium tristi tempore ferre solet.
 Tu quoque, deseruisse tuos, ô Christe, videris,
 Sunt etiam qui te posse iuuare negent.
 Hoc est cur PVERI sis pictus imagine, namque
 Conuenit infirmis ista figura magis.
 Tu quoque, lapsantes interdum deprimis ipse,
 Irasci quoties te sibi velle putant.
 Sustentat tamen, & prabet solatia verbum.
 Ergo ARBOR gressus arida facta regit.
 Hæc tamen in florem rursus sese induet arbor,
 Reddet enim iustis premia digna Deus.
 Ille SENEX lumen qui præfert, doctor habendus
 Errantem ut monitis ritè gubernet, erit.*

GNOMICA MISCELLANEA.

*SENTENTIÆ GRAVISSIMÆ
 de iustitia Dei punientis delicta:
 carmine expressæ.*

Psal. 124. Non permanebit sceptrum impij.
 Sap. 6. Potentes potenter tormenta patientur.

HERODOTVS.

*τῶν μεγάλων ἀδικημάτων, μεγάλα
 ἔστιν καὶ αἱ πινώειαι παρὰ τῶν θεῶν.*

T 3

VALER.

Sic &

Lento gradu ad vindictam sui, diuina procedit
ira, tarditatemq; supplicij grauitate compensat.



„ Non habet impietas successus, credite, longos:
„ Et mala promeritos tristia fata manent.

ALIVD.

„ Et quamuis secura diu sunt otia prauis:
„ Sera tamen tacitis pœna venit pedibus.

ALIVD.

„ Et semper culpam pœna comitantur atroces;
„ Et si sera, tamen prœmia laudis erunt.
„ Non vrbs, non regio, non atas vlla seueri
„ Iudicij exemplis, non domus vlla caret.

ALIVD.

„ Ne dubita, semper delicta atrocia pœna
„ Et subitas clades post mala facta sequi.

ITEM:

„ Iusta Dei vanas non habet ira minas.

Versi-

Versiculus ex statua redditus Pausaniæ duci
Spartano, poenam ipsi denunciâns, cùm in vrbe
Byzantio, factus iam superbus & crudelis, filiam
primarij ciuis, quam rapuerat, noctu in subita
consternatione interficeret. Misere autem & is
vitam clausit: cùm, reuocatus ex Byzantio, eò
quòd Persicis rebus studeret, iamq; Ephori eum
prehensuri & in carcerem ducturi essent, fugis-
set in templum Mineruæ: vbi inclusus, fame pe-
rijt, & quidem matre Alcithea, quando iam mu-
ro fores obstruerentur, primū lapidem locante.

σὺν γὰρ δίκῃς ἄσπον; μάλα τοι κακὸν ἀνδράσιν ὕβρις.

Pœna luenda tibi est, adfert iniuria damnum.

ALIVD.

Punitur magnis cæca libido malis.

TIBVLLVS.

Ah miser, & si quis primò periuria calat:

Sera tamen tacitis pœna venit pedibus.

IOH. STIG.

Ah miseros omnes, quicung; ad crimina proni

Vlla putant iustum facta latere Deum.

IDEM.

Magna graues semper comitantur crimina pœna:

Et mala qui fecit, peius habere solet.

*Sæpe bonis malè fit: sæpe ma-
lisq; bene.*

Sis miser & nulli miserabilis, omnia quisquis,

A Dijs pro meritis cuiq; venire putas.

ITEM.

ITEM.

*Et plerumq; malis fortuna indulget amica,
Non fauet illa diu, sed fauet illa tamen.*

Eiusdem ferè sententiæ est illud Ouidij distingu-
guentis inter EVENTVS & EXITVM.

*Exitus acta probat: careat successibus opto,
Quisquis ab euentu facta notanda putat.*

IN INGRATOS & PERFIDOS.

Cuculus à curruca seu Hypolaide enutri-
tus eandem demum deuorat.

*Nidus humi iacet inter saxa Hypolaidos, in quem
Ignauus Coccyx oua fouenda gerit.*

*Cumq; diu pavit cuculum officiosa voracem,
Nec tamen ingluuiem iam saturare potest:*

Tum sibi seruat & soluens mala premia vita

» *Nutricem cuculus deuorat ore suam.*

ALIVD.

» *Ingrato cuculus nutricem deuorat ore,*

» *Et misera pietas officiosa nocet.*

» *Heu mihi quam scelus hoc imitantur saepe volucres,*

» *Pectora quæis Cygno candidiora putes.*

ALIVD.

» *Omnia sunt ingrata, nihil fecisse benignè est,*

» *Debita pro meritis gratia nulla redit.*

ALIVD.

» *Sunt homines, humeris quos si quis gestet ad urbem*

» *Ausoniam, domiti quæ caput orbis erat.*

» *Nec tamen ad portam placidè deponat eosdem,*

» *Gratia præteriti nulla laboris erit.*

EX HE-

EX HESIODO.

Πολλάκι καὶ ἑνὶ πάσῃ πόλιν καὶ ἀνδρὸς ἐπαυρεῖ.

Vnius ob culpam saepe vrbs dabit integra pœnas. vcl:

Sape luunt peccata viri tota vnus vrbes. “

CLEMENTIA & PLACABILITAS.

ἱλιάδ. ι.

— φιλοφροσύνη γὰρ ἀμείνων.

— placido nil pectore maius.

CVPIDO, seu Κηριοκλέους

Theocriti.

Pungit apis puerum veneris, dum dulcia mella “

Furatur: sic sunt dulcia mixta malis. “

DE CALVMNIA

è Germanico.

Acriter attactu pungunt tribulig, vepresq; “

At grauius morsu perfida lingua nocet. “

Malo ego per spinas tribulosve incedere nudus, “

Vstas quàm falso crimine ferre notas. “

P. MELISSVS.

DETESTATIO CALVMNIAE.

Qua mala, quas cieat dentata Calumnia fraudes,

Non oculus, lingua aut vna notare potest.

Quin totam hanc linguas, oculos, tinctosq; veneno

Dentes, quin mera vel finge venena; parum est.

Et stulto obloquia, vt mellita obsonia, hiatu

Captamus? meritò hic quæ facimus, patimur.

Ergo Christi ipsis, homicida calumnia, membris

Multa dedit (pudet heu) vulnera, multa dabit.

P. E. HEG.

V

ME-

EX HE-

- » *Fortemerum fortis mulier, rex fortis: at ipsa*
 » *Hæc veritas est fortior.*

INVICTA VERITATIS VIS,

Ex Euripide in Phœnissis.

Ἀπλὴς ὁ μῦθος τῆς ἀληθείας ἔστι.

- » *Nam veritatis est simplex oratio,*
 » *Interpretemq; non desiderat vafum,*
 » *Sed ipsa per se viribus valet suis,*
 » *Mala causa callidis opus habet pharmacis.*

Pythagoricum.

πάντα τὰ τῶν φίλων κοινὰ.

- » *Omnia habent inter se communia amici.*

Animus donantis respiciendus.

- » *Sit modo donantis mens candida, sepe redire*
 » *Munere pro paruo gratia magna solet.*

Ex Plutarcho.

περὶ εὐθυμίας.

ἡδὺ μὲν εἰ τι φέρεται, ὀλίγον δ' ἄχθος ἡνδ' ἀποείπεται,

- » *Gratum est si dederis, nec succensebo neganti.*

IN LIBEROS DEGENERES,

ex Homero Ὀδυσ. 6.

παῦροι γὰρ τοὶ παῖδες ὅμοιοι πατρὶ πέλοισι:

οἱ πλείονες κακίους, παῦροι δὲ τε πατρὸς ἀρεῖας.

- » *Raratamen soboles æquat virtute parentes,*
Plurima degenerat maiorum moribus, atq;
Vix ulli cumulant laudesq; decusq; parentum.

Ex Menandro.

Non est voluptas vlla suavior patri,

Quam

*Quàm temperantem & integrum prudentiâ
De se videre procreatum filium.*

PATIENTIA.

*Qui sapit, ille animum fortunâ præparet omni;
Præuisumq; potest arte leuare malum.*

*Sperabis omnia optimè, & quæ accident,
qualiacunq; erunt sapienter feras.*

M. C. lib. 4. Epist. Fam. 13.

*Optima sperentur, metuantur pessima: sed quæ
Sors tulerit, placido pectore quisq; ferat.*

IOACH. CAMER.

MEDITATIO LEGIS
DIVINAE, SEV FORMVLA
CONFITENDI PECCATA GENERALIS
*iuxta ordinem praeceptorum Decalogi,
coram ministro Ecclesiae.*

Tradita à Philippo in Locis
Theologicis.

DE PRIMO PRAE-
CEPTO.

DEBEREM equidem rectè cogitare de Deo, & firma fi-
de statuere, hunc vnum esse Deum creatorem omnium re-
rum, & futurum iudicem omnium hominum, qui se patefe-
cit dato Verbo suo, & misso Filio. Deberem vero timore ei
obedire, & metuere iram eius & iudicium, vera fide eum in-

V 2

uocare

uocare propter Filium, & diligere eum, & sentire aliquem grati
peccatoris motum erga Deum. DEBEREM affici magnitudi-
ne misericordiae, quod se nobis patefecit, quod verè diligit ge-
nus humanum, verè vult nos saluos fieri : Deberem Filij benefi-



cijis moueri, quod pro nobis passus est, quod dedit Euangelium,
quod promittit Spiritum sanctum gubernatorem & vitam æ-
ternam. SED hæc omnia leuius mouent animum meum, quàm
debebat fieri : non satis timeo, sæpè dubito, & quadam perpetua
dubitatione, frigidius peto bona à Deo, frigidius inuoco, confido
interim rebus præsentibus, & quero præsidia vitæ, neglecto or-
dine quem Deus precipit. Sæpe etiam falsa inuocatione errans
offendi Deum, inuocaui homines mortuos, putavi magis ad hanc
statuam inuocandum esse Deum aut Sanctum, quàm alibi. Sæpe
nunc quoque aberro, ne cogitem de vero Deo, qui se patefecit per
Filium, ne cogitem de Filio, & de promissione. Deniq; non ardeo
inuocatione, vt oportet.

DE SE-

1737

LEGIS DIVINÆ.
DE SECUNDO PRAE-
CEPTO.

157



DEBEREM Euangelium diligenter discere, celebrare sermone, & ornare exemplis: agnosco autem meam negligentiam in hac re. Imò saepe prætèxo priuatæ cupiditati Euangelium. Sæpe meis exemplis & scandalis prabeo occasionem alijs maledicendi Euangelio, aut alieno aliquos: Interdum erravi in aliquo dogmate, & eo errore deformaui doctrinam cælestem.

DE TERTIO PRAE-
CEPTO.

SÆPE negligo publicas conciones & ceremonias in die festo, non impeditus alijs causis, & meo exemplo alios abduco: Non ago gratias Deo pro instituto ministerio, pro conseruatione Ecclesiae, pro conseruatione Prophetiarum & Apostolicarum scripturarum: non adiuuo Ecclesiam precantem pro publico statu in

V 3

cætu,

*cætu, nimis leuiter afficior cura miseriarum communium, quod
inſcitia, diſcordijs, bellis diſſipantur Eccleſie & politiæ, & mul-
torum anime & corpora pereunt, non adiuuio ipſe miniſterium*



*Eccleſiaſticum meis officijs, non vereor, ut debeo, pios mini-
ſtros: Interdum eis maledico, & meo exemplo confirmo con-
temtum aut odium eorum, non ſoluo eis debitas mercedes, ſæpe
dies feſtos malè colloco in res turpes, & irritò Deum aduerſus
multos.*

DE QVARTO.

*SVM negligens in mea vocatione, in ſtudio, in regenda fa-
milia. Sum ingratus Deo pro beneficijs ordinis politici. Inter-
dum irascoꝛ iniuſtè magiſtratibus, & maledico eis, nec tribuo eis
debitam reuerentiam ex animo. Interdum rixas excito contra
leges, & uiolo politicum ordinem cum ſcandalo & aliorũ detri-
mento, meis ſtultis tumultibus impedio alia publica negotia ne-
ceſſaria. Non ſum intentus, ut in meo ordine me coërceam, &
caueam,*



*caueam ne turbem communem harmoniam publici status, sum
meovertindis, me & utilitati magis seruiro, quàm publicæ, aut capti
occafiones turbandi.*

DE QVINTO.



SÆPÈ

SÆPE incendor iniusta indignatione, & cupiditate vindicta. Addo malas execrationes, quæ ex cupiditate nocendi erumpunt, Moucor emulatione. Doleo alterius potentiam aut auctoritatem crescere, & premere eum cupio: Sum superbus, despicio pares, & me eis anteferri postulo: Sum suspicax, & ex falsis suspicionibus interdum iniusta odia concipio, sero & confirmo discordias, sæpe perfero rumores & sermones, qui sauciant animos & accendant odia, Habeo aliquid liuoris & malevolentia, delector obrectatione. Interdum calumniosè deprauo aliena dicta & facta, non studeo sanare offensiones, & conciliare voluntates, sino crescere odia priuato liuore, vel alia priuata causa, maledico absentibus. Interdum afficio contumelia presentes, impedio inuocationem meam & aliorum, excitatis odijs aut dissidijs.

DE SEXTO.



HABEO errantes motus & flammæ varias libidinum, indulgeo oculis & cogitationibus impudicis, contaminatur & corpus.

pus. Hac mala augeo intemperantia & crapula. His incendijs & crapula fastidijs impedio pias meditationes & preces, & accerso beluinam feritatem, cumulo meam impuritate iram Dei aduersus me, meam familiam & ciuitatem.

DE SEPTIMO.



FRVOR liberalitate parentum, aut stipendio publico, & non bene colloco, defraudo meos fratres aut alios pauperes, sum iniustus in contractibus, non studeo propter Deum seruare aequalitatem, malignè soluo debita precia, exerceo auaritia pecunia quarendæ iniusta, sumo mutuo variis pretextibus, ac ne curo quidem soluere, retineo res alienas, non sum fidelis & diligens in mandato labore, res vitiosas vendo, res locatas corrumpo.

DE OCTAVO.

NON præsto candorem & veritatem, quam Deus requirit in dictis & factis, admisceo sophisticam consiliis & negotiis

X

aut



aut doctrina, interdum propugno falsa ex odio, iracundia, aut iniusta pertinacia, aut adulatione, aut metu, in moribus etiam est hypocrisis, simulatione virtutis, aut falsa iactantia.

DENIQUE agnosco me miserum in hac cecitate & securitate, horribiliter negligere iram Dei, & multis modis aberrare ab eius praeceptis, ac multis scandalis alios ledere, & accersere mihi & alijs pœnas, nec posse me magnitudinem ac multitudinem meorum vitiorum aut lapsum intelligere, sed fateor me meritum esse præsentis & aternas pœnas, ac vero dolore clamo: Tibi tantum sum peccator, coram te malefeci, ut iustificeris, etc. Verè doleo Deum à me offensum esse, & ledi ac pollui Ecclesiam & reliquum genus humanum, & confugio ad Filium Dei Dominum nostrum Iesum Christum propitiatorem, propter hunc oro, ut Deus aternus pater Domini nostri Iesu Christi, bonus, sapiens, iudex, & fortis, iram suam à me auertat, & mihi peccata remittat propter Filium, & me sua immensa misericordia
reci-



recipiat, sicut dixit: *Vino ego nolo mortem peccatoris, sed ut conuertatur & viuat. Ac polliceor me repugnaturum esse peccato, & nihil facturum contra conscientiam, & oro Deum, ut me regat Spiritu sancto suo, & à vobis tanquam ministro Christi peto, ut vocē Euangelij mihi annuncietis, cui credo, & simul Ecclesiæ promitto, me mores emendaturum esse, & scandala vitaturum.*

MEDITATIO ORATIONIS Dominicæ,

Tradita in locis Theologicis.

Omnipotens, æterne & viue Deus, æterne Pater Domini nostri IESU CHRISTI, qui te patefecisti immensa bonitate, & clamaſti de filio tuo Domino nostro Iesu Christo, HVNC AVDITE, conditor omniū rerum & conſervator, cum Filio tuo coæterno Domino nostro Iesu Christo, regnante tecū, et patefacto

X 2

in Ie-

in Ierusalem, & Spiritu sancto tuo effuso in Apostolos, sapiens, bone, misericors, iudex & fortis, PATER NOSTER QVI



ES IN COELIS, qui ades ubiq, ubiq, respicis & exaudis, qui placatus nobis es per Filium, & hoc sacerdote perferente, nostras preces recipis.

SANCTIFICETVR NOMEN
TVVM.

Effice, vt verè agnoscaris, vt vera doceantur, per quæ gloria tua verè patefiat, vt te rectè inuocent, & colant homines. fac vt vox Euangelij verè & latè spargatur, & rectè accipiatur, & vt multi homines vera inuocatione & obedientia Deum celebrent.

ADVENIAT REGNUM TVVM.

Sparsa Euangelij voce, regas etiam nos Spiritu sancto tuo, effice vt verbo tuo credamus, inchoa in nobis Regnum tuum, vt fiamus hæredes regni tui, & destruas regnum Diaboli, horribiliter grassantis in genere humano, & passim homines impellen-
tis ad

tis ad Epicurcum Dei contemptum, aut colenda idola, scelerata homicidia, libidines, mendacia & alios furores. Aduersus hæc mala, defende nos æterne Pater domini nostri Iesu Christi, & rege nos Spiritu sancto tuo, sicut dixisti, Effundam de Spiritu meo.

FIAT VOLUNTAS TUA SICVT IN COE-
LO ET IN TERRA.

Da vt omnes obediant tibi in terra, da vt pastores Ecclesie, reges, magistratus, doctores, discipuli, ciues, suo loco singuli officium suum rectè & fideliter faciant, ac omnes tibi obediant, sicut Angeli in cælo tibi obediunt, ac placent tibi: tuum opus est efficere, vt nos miseri, stulti, infirmi, res geramus bonas & salutare, simus organa non iræ, sed misericordiæ, simus vtilis Ecclesie, non simus pestes καὶ ἀλᾶσoges. Politia Ezechie felix est te inuante: Politia Sedechie infelix est, quia te adiutorem repellit. Nos non repellimus te, sed vero pectore, veris lacrymis oramus, vt nostras Ecclesias, Doctores, Scholas, Principes, Gubernatores, populum regas, vt aliqua fiant tibi grata: Tu es, qui efficis, vt velimus, efficies etiam vt perficiamus, vt aliqua tibi grata fiant. Nam Diabolus & homines impij magno furore student ingrata tibi facere, confirmant Epicureos furores, idola, libidines, accendunt iniusta bella, efficiunt tristissimas vastitates. Sed ne totum genus humanum frustrà conditum sit, ne omnes ingrata DEO faciant, tu Ecclesiam vocasti, & Spiritu sancto tuo trahis, vt bona & grata Deo faciat, sonet veram de Deo doctrinam, audiat, rectè inuocet te, gratias tibi agat, & obediat tibi, multos feliciter abstrahat à Diabolo, p̃ys & salutaribus consilijs regat alios, tueatur pacem & honestam disciplinam, & in sua quisq; vocatione seu functione, officium suum ritè & feliciter faciat.

X 3.

PANEM

MEDITATIO
PANEM NOSTRUM QVOTIDIANVM
DA NOBIS HODIE.

Da victum, pacem, defensionem, bonam valetudinem, vt labores vocationum perferre possimus, successum in rebus gerendis iuxta vocationem, liberorum educationem, mediocrem tranquillitatem, hospitia, politias honestas, disciplina, iuris & iudiciorum custodes, & non dissipatas seditionibus, laxatione disciplina, aut bellis.

REMITTE NOBIS DEBITA NOSTRA.

*Confitemur & agnoscimus nos circumferre peccata & multiplicem infirmitatem. Si enim diceremus, nos non habere peccata ipsi nos seduceremus, & veritas in nobis non esset. Ideoq; obstre-
pit nobis indignitas nostra, ac deterret nos à te, Deus, vt trepida-
mentes fugiant te. Sed quia confitentur peccata nostra, fidelis es
& iustus, vt remittas nobis peccata nostra, & quia inbes nos pe-
tere remissionem, haud dubie eam petentibus, propter Mediator-
rem Christum dabis. Per hunc enim recipi nos & exaudiri cre-
dimus, scimus hunc Sacerdotem pro nobis interpellare, & hac
fiducia ad thronum gratiae accedimus. Vis autem & NOS RE-
MITTERE DEBITORIBVS NOSTRIS, vis nos agere
pœnitentiam, & non perseuerare in delictis contra conscien-
tiam, non vis mentem retinere contemptum Dei, nec tales pec-
catores exaudis. Non enim placent tibi ceremonie & precatio-
nes eorum, qui perseuerant in peccatis contra conscientiam. Id-
eo vis nos excitari ad pœnitentiam & emendare mores.*

ET NE NOS INDVCAS IN TEN-
TATIONEM.

*Ne sinas nos pertrahi à Diabolo ad impietatem & ad alia
scelera, defende nos contra Diaboli insidias, rege nos tua luce,
tuis*

tuis consilijs, nec sinas nos ruere deceptos nostris erroribus, aut impulsos imbecillitate carnis. Magna & admiranda sapientia & virtus fuit Davidis, hunc tamen videmus aliquoties impulsus, aliàs à Diabolo, aliàs humanis erroribus ruere. Cum igitur magna sit infirmitas omnium, tu nos aeternae Pater domini nostri IESU CHRISTI rege, & ostende nobis salutaria consilia in priuatis & publicis negocijs, & confirma corda nostra Spiritu sancto tuo, ut tibi obtemperent, ut simus non organa irae, sed organa misericordiae, & utilia Ecclesiae. Postremo

LIBERA NOS A MALO.

Ab omnibus miserijs & arumnis huius vitae, à peccatis, à tyrannide Diaboli, à scandalis, à calamitatibus publicis & priuatis, ut videlicet cum vniuersa Ecclesia erepta ex praesentibus miserijs, donemur luce, iustitia & vita aeterna, & fruamur dulcissima consuetudine Dei aeterni, & Domini nostri Iesu Christi, Amen.

ALTERA PARAPHRASIS

ORATIONIS DOMINICAE

paulo copiosior.

Ex commentario Philippi in
Matthæum.

OMnipotens, aeternae, vere & viue Deus, aeternae Pater D. nostri Iesu Christi, conditor caeli & terra, vnà cum Filio tuo Domino nostro Iesu Christo, & cum Spiritu sancto, Te supplex alloquor, oro & inuoco, ad te confugio, tuam misericordiam & opem veris gemitibus imploro, exaudi me, iuxta promissiones tuas, propter filium Mediatorem Iesum Christum: TV ES PA-

TER

TER NOSTER, tu vis nobis esse placatus, nos recipere & exaudire propter Filium tuum, quem constituisti pro nobis Propitiatorem. Ingens, verus & ardens amor est Parentum erga natos, propterea vero animi motu ad te Patrem amantissimum confugio, quem fiducia patefacti Filij certò statuo, miranda & paterna benevolentia mihi in omnibus periculis opitulaturum, & diuina consolatione leniturum esse calamitates & erumnas.

ES ETIAM IN COELIS, hoc est, es omnipotens, opitulator, & verè ades ubique, respicis & exaudis, vides & iudicas motus ac gemitus cordium nostrorum, estq; tanta tua potentia, ut certò mihi possis opitulari. Certò enim statuo te unicum, verum, aeternum, omnipotentem, viuum, sapientem, bonum, beneficium, veracem, castum, iustum atq; misericordem DEVM esse, qui te per Dominum nostrum Iesum Christum, resurrectione mortuorum, & alijs miraculis patefecisti, ac verè vis & potes nobis opem ferre, dare vitam & salutem propter Filium tuum, Dominum nostrum Iesum Christum.

SANCTIFICETVR NOMEN
TVVM.

Ah Domine Deus accende in nobis puram, veram & sanctam agnitionem Nominis tui, da nobis puram & sinceram doctrinam sine corruptelis, ne vel errores amplectamur, vel idololatrias cultus recipiamus; sed effice, ut te verum & unicum Deum, Patrem Domini nostri Iesu Christi, qui te patefecisti per hunc filium Iesum Christum, ab initio missum ad Ecclesiam, crucifixum & resuscitatum, sanctè agnoscamus, tibi verè credamus, te rectè inuocemus, colamus ac celebremus. Custodi nos clementer, ne fanaticis et idololatricis furoribus animi nostri fascinentur, tolle Idololatriam & omnes impias opiniones, effice, ut

tu ve-

*tu verus Deus rectè innotescas, verè agnoscaris, vera fide inuoc-
ceris, colaris & celebreris.*

ADVENIAT REGNUM TVVM.

*Tu per Ministerium & vocem doctrina tua regenera,
rege, gubernas nos Spiritu sancto, inchoa in nobis regnum tu-
um in hac vita, & perfice post hanc vitam, sis in nobis efficax,
accende per vocem Euangelij & agnitionem tui, veram fidem,
iustitiam et vitam aeternam in cordibus nostris, destrue regnum
Diaboli, non concedas Diabolo, ut prestigijs suis nostros animos
capiat, & deinde implicatos & irretitos horribiliter impellat et
euertat. Habitet ac regnet Iesus Christus filius tuus potenter &
efficaciter, ac mansionem faciat in nobis, sicut ipse promisit in-
quiens: Si quis diligit me, sermonem meum seruabit, et Pater meus
diliget illum, & veniemus ad eum, & mansionem apud eum
faciemus.*

FIAT VOLUNTAS TUA, SICUT IN COELO
ET IN TERRA.

*Ah Domine Deus, Tu regas ipse & adiuues tuas functio-
nes, ut omni gubernatione, administratione, vocatione, tua vo-
luntas fiat, id est, ut fiant ea, quae tu mandasti, fiant tibi grata &
placencia videlicet, ut concionatores & Ecclesiae ministri rectè,
fideliter, sanctèq; doceant, ut Reges, Principes, consules, ac omnes
qui praesunt, p̃ys & salutaribus consilijs constituent, regant ac
defendant respublicas, ut Patres Matresq; familias honestè cu-
rent suos liberos educari, erudiri & castigari iuxta doctrinam
caelestem, ut singuli suo loco officium suum ritè & fideliter faciant,
ac maneant omnes adiuncti copulatiq; tibi Deo, tanquam mem-
bra viua suo vero capiti, & omnes tibi obediant, nec auulsi disce-
dant & aberrant à vero capite. Tolle omnia scandala governa-
torum*

torum, & aliorum qui offendunt tuam Voluntatem. Non concedas ut Diaboliserant falsam doctrinam, spargant inter nos tectos errores & contumeliosos aduersus Deum, quibus homines auellant à Deo, sicut Adam et Euam deceptos abstraxerunt à tua voluntate. Non accendant Diaboli odio tui tyrannides & iniusta bella contra tuam voluntatem, ne sequantur tristissima vastationes Ecclesiarum, interitus disciplina & piorum studiorum iuuentutis.

PANEM NOSTRVM QVOTIDIANVM DA
NOBIS HODIE.

Da nobis omnia corporis commoda, sustenta & proroga nobis vitam, da nobis bonam valetudinem, ut labores vocationum perferre possimus, da victum, cibum, potum, da pacem, mediocrem tranquillitatem, hospitia, politias, coniugia, & economias, ut soboles foueri & educari possit, protege domicilia, tuguriola et opidula nostra, da commodas tempestates, fecunditatem agrorum, fruges, annonam, da bonos successus in officijs vocationis, felicitatem in administratione politica & economica, successus in communicatione rerum per contractus, in negotiatione, in officio meo, concede paruis meis liberis longa & felicia vite spacia, da vires corporis & vigorem ingeniorum, nō sinas in his regionibus, vel Turcicis, vel ciuilibus bellis, vel seditionibus, barbaricam vastitatem fieri, defende casulas nostras, ne incendijs aut alijs cladi-bus pereant.

ET REMITTE NOBIS DEBITA NOSTRA, SICVT
ET NOS REMITTIMVS DEBITORIBVS
NOSTRIS.

Tu Domine Deus non ignoras multiplicia & magna peccata nostra ac tristissimos lapsus, propter quos merito nos abyceres, re
spueres

spueres, & auersarieris nostras preces, auxilium & liberationem nobis exhiberes, sed iustas pœnas infligeres. Sed tamen tibi gratum est, quod agnoscimus & confitemur peccata nostra, nec vis à te deficere aut opprimi desperatione. Itaq; iussu Filij tui ad te certa & firma fiducia accedimus, ac petimus vt nobis omnia nostra debita & peccata siue magna siue parua, omnes quotidianas & multiplices labe & infirmitates, propter Mediatorē Christum remittas. Obstrepit quidē nobis indignitas et infirmitas nostra, vt semper trepida mentes nostrae, nec ad te accedere, nec auxiliū petere audeant, sed quia Dominus noster Iesus Christus Filius tuus ipse iussit peti remissionē, et quidem quotidie peti, ac tu mādasti Filiū tuū audiri, certò quoq; statuo te velle nobis omnia peccata, quantacūq; sunt, remittere, & sordes nobis cōdonare, nec indignitatē nostrā ac imbecillitatē, sed immensam tuā misericordiam respicere, sicut ipse iurasti, inquit: Vno ego nolo mortē peccatoris, sed vt conuertatur & viuat. Vis autem & nos remittere debitoribus nostris, vis in nobis esse iustitiam bonae cōscientiae & bonum propositū, ac vis in conuersione deponi delicta contra cōscientiā, ne indulgeamus odio interno & priuatae cupiditati vindictae, ne scientes cōtra mandatum tuū velimus alios ledere vel opprimere, sed studeamus recōciliatis seu recuperatis volūtātib. offensiones sanare, quantum possumus. Tu ergo nos aeternae Patris Spiritu tuo rege & gubernā, vt verē ad te conuertamur, & tuā erga nos misericordiam & amorem agnoscentes, proximo quoq; delicta & infirmitates ex animo condonemus.

ET NE NOS INDVCAS IN TENTATIONEM.

Ne sinas nos mergi, succūbere et opprimi cū tentamur, quādo Diaboli periculū, pestē et exitiū molitūtur corporib. animab. coniugib. & liberis nostris, quando dilacerare Ecclesias et turbare Respu. conātur. Itē cū alij homines cōsilijs et incitationib. suis vo-

Y 2

lunt

lunt nos irretire & implicare malis. Item cum superati propria infirmitate, rapimur & impellimur ad inhonesta vel extitiosa negotia. Non enim nostra sapientia nostrisq; consilijs, sine gubernatione, custodia & ope tua, regere possumus mores & negotia, ac pericula depellere. Nec ulla humana sapientia & vigilantia, par esse tanta moli periculorum & impedimentorum, nec sufficere potest ad regendam vitam nostram, ad sustinendam vocationem, ad prospiciendas cauendasq; sanctiones & imposturas hominum, ad vincendam deniq; propriam infirmitatē, sine auxilio & protectione tua. Ac in summa: sumus imbecilles & varijs calamitatibus onerati. Quare te inuocamus, & auxilium ac gubernationem tuam imploramus, ac petimus nos regi, protegi, et iuuari à Filio tuo Domino nostro Iesu Christo, quem misisti, ut sit defensor & custos Ecclesie, & qui dixit: Sine me nihil potestis facere. Accende in nobis initia tue lucis per spiritum Sanctum, ut ambulemus accuratē, non ut fatui, sed ut sapiētes, ut in vitandis lapsib. intenti ac circumspecti, & in precando ardentes simus. Ne sinas nos pertrahi in laqueos Diaboli, nec succumbere prauis inclinationibus, nec in superbiam, fastum, fiduciamq; nostri ruere, nec in tristitiam & desperationem mergi, nec alijs tentationibus, quae multa & varię sunt, opprimi.

SED LIBERA NOS A MALO,

Aeterno & temporali, presenti impendenti, particulari & vniuersali, quod nobis accidere potest, nisi tu Deus auertas. Libera nos propter filium tuum Dominum nostrum Iesum Christū, à peccato, à tyrannide Diaboli, & ab eternis pœnis, nec abijcias nos in sempiternum exitium, cruciandos cum Diabolis & omnibus impijs. Clementer etiam mitigato nobis publicas et priuatas calami-

calamitates, pœnas meritas, ac omnes huius vite miseras & æ-
rumnas, non sinas fieri Ethnicas vastitates, non spurcitiem Dia-
bolicam, non Turcicos furores grassari sinas in genere humano.
Corripe nos Domine, veruntamen in iudicio, non in furore, ne
forte ad nihilū redigas nos. Cūq; iratus fueris, immense tua mi-
sericordie recorderis. Ac tandem abolito peccato & deleta mor-
te, tu sis omnia in omnibus, & nobis tuam sapientiam, bonitatē,
letitiam & vitam, in omni eternitate communices, vt dulcis-
sima consuetudine tua & filij tui Domini nostri Iesu Christi, o-
mniumq; angelorum & electorum in eternum fruamur.

A M E N.

Hac ita verisimè fiant & rata sint: Ac firmissimè statuo, me
propter Christum exaudiri, et certissimè non inanes, nō inutiles,
nec irritos esse gemitus et clamores meos. Scio enim seuerissimam
& immutabilem tuam voluntatē esse, vt te inuocemus, & certō
vis nos propter Filiū tuum Iesum Christū exaudire, quā ob cau-
sam & promissiones tuas tradidisti, addito mādato immutabili
vt credamus quōd velis nos exaudire. Ideoq; nō dubito, quin mi-
hi, quæ peto, daturus sis. Oro etiam ardentibus votis, vt hac ini-
tia fidei in me confirmes, quemadmodum trepidus ille,

agnita imbecillitate fidei petit se confirmari:

Credo Domine, sed opem fer diffi-
dencia mea.

T 3 PARA-

*PARAPHRASIS ALIA
ORATIONIS DOMINICAE
breuissima.*

Valentini Trocedorfii.

*Quis est ordo, & quot sunt gradus in O-
ratione Dominica, rerum petenda-
rum? Septem.*

PRIMVS gradus de agnitione Dei & de doctrina, per quam agnitione accenditur.

SECUNDVS, de efficacia agnitionis, & de gubernatione.

TERTIVS, de obedientia in vocatione.

QUARTVS, de victu & sustentatione corporum.

QVINTVS, de remissione peccatorum.

SEXTVS, de auxilio & defensione.

SEPTIMVS, de liberatione, hoc est, de mitigatione praesentium calamitatum, & de liberatione integra & aeterna.

Pater noster, qui es in coelis. Aeterne Deus, cum nos propter Filium recipis, & iubes ut te inuocemus, et promittis te nos exauditorium: ergo nos obedientes mandato tuo, & confisi promissione tua accedimus ad te orantes: SANCTIFICETVR NOMENTVVM. Da ut te verè agnoscamus & inuocemus, tibi verè confidamus, gratias agamus, ut obediamus, abole idola-
manias, superstitiones & errores.

Aduc-

Adueniat Regnum tuū: *Abole regnum Diaboli, prohibe ne in nobis dominetur peccatum: Sanctifica & rege nos Spiritu sancto tuo, defende Ecclesiam aduersus Diabolum & organa ipsius, Pontifices, tyrannos & hareticos, qui nomē Dei extinguere conantur.*

Fiat voluntas tua in terra, sicut in cœlo. *Angeli sancti tibi obediunt, & suum officium faciunt: sic effice, vt in terra omnes homines & doctores suum officium faciant.*

Panem nostrum quotidianum da nobis hodie. *Da pacem, salubritatem aëris, successum in rebus & studijs: prohibe bella, pestilentiam & omnes calamitates.*

Remitte nobis debita nostra, sicut & nos remittimus debitoribus nostris. *Nam horrendā imbecillitatē, & multos immoderatos errores nobiscum circumferimus, & quotidie te grauiter offendimus, ignosce & remitte nobis debita nostra propter Christum mediatorem nostrum: & da vt quoq; alijs ex animo condonemus offensas ipsorum.*

Ne nos inducas in tentationem. *Non sinas nos labi in impietatem, sed conserua nos Spiritu sancto, vt fortiter aduersus peccatum, & mundum, & concupiscentiam dimicemus, & duce Filio tuo victoriam obtineamus.*

Sed libera nos à malo. *Libera nos à peccato, morte & alijs calamitatibus, & duc nos in vitam æternam, vbi fruemur perpetua consuetudine Dei.*

Amen. *Sancte Pater has preces, quas in nomine Filii tui vniigeniti offerimus, velis esse ratas & efficaces, Amen.*

AD TRI-

177
ORATIO DOMINI.
Adhuc in Regnum eius. Adhuc in Regnum eius. Adhuc in Regnum eius.
ne in nobis dominum presentem. Adhuc in Regnum eius. Adhuc in Regnum eius.
fidei meo. Adhuc in Regnum eius. Adhuc in Regnum eius. Adhuc in Regnum eius.
plum. Pontificem. Adhuc in Regnum eius. Adhuc in Regnum eius. Adhuc in Regnum eius.
et dominum.
Fiat voluntas tua in terra. Fiat in celo. Fiat in terra.
tibi obediunt. Et fides officium faciant. Et fides. Et in terra.
vult homines. Et ad hoc. Et ad hoc. Et ad hoc. Et ad hoc.
Fidem nostram. Quod ad hoc. Et ad hoc. Et ad hoc. Et ad hoc.
cum. Fiat in terra. Fiat in terra. Fiat in terra. Fiat in terra.
bella. Pontificem. Et omnia. Et omnia. Et omnia. Et omnia.
Remitte nobis debita nostra. Remitte nobis debita nostra. Remitte nobis debita nostra.
de peccatis nostris. Remitte nobis debita nostra. Remitte nobis debita nostra.
peccata nostra. Remitte nobis debita nostra. Remitte nobis debita nostra.
Remitte nobis debita nostra. Remitte nobis debita nostra. Remitte nobis debita nostra.
per Christum mediatorem nostrum. Et da ut quod est ex ani-
me condonetur. Et fides. Et fides. Et fides. Et fides.
Ne nos inducas in temptationem. Ne nos inducas in temptationem.
temptationem. Sed confere nobis. Sed confere nobis. Sed confere nobis.
sed peccata. Et peccata. Et peccata. Et peccata. Et peccata. Et peccata.
ne nos inducas in temptationem. Ne nos inducas in temptationem.
Sed libera nos a malo. Libera nos a malo. Libera nos a malo. Libera nos a malo.
in temptationem. Et libera nos a malo. Et libera nos a malo. Et libera nos a malo.
perpetua conservacione. Perpetua conservacione. Perpetua conservacione. Perpetua conservacione.
Amen. Amen. Amen. Amen. Amen. Amen. Amen. Amen. Amen.
vult homines. Et ad hoc. Et ad hoc. Et ad hoc. Et ad hoc.
vult homines. Et ad hoc. Et ad hoc. Et ad hoc. Et ad hoc.

AD TRI

GRA
be



AGOTtingrat
nstri de la Cl
tuam Filio tuo
fidei. Et spiritum
magis deitate. Et
fidei. Et spiritum
velum Christum
Et spiritum sanctum
belle. Et amore
tame multis mag
tuam yslacis. in
IGO tibi gr
fidei. Et amore

AD TRINITATEM
GRATIARVM ACTIO PRO
*beneficijs spiritualibus & corpo-
ralibus.*

Philip. Melanth.



AGO tibi gratias omnipotens, aeternae & vitae Deus, aeternae Pater domini nostri Iesu Christi, conditor omnium rerum, & conservator ac opitulator, cum Filio tuo coaeterno, Domino nostro Iesu Christo, patefacto in Ierusalem, & Spiritu sancto tuo effuso in Apostolos, quod te patefecisti nobis immensa bonitate, certis & illustribus testimonijs, & quod condidisti & elegisti tibi Ecclesiam perpetuam, & voluisti Filium tuum Dominum nostrum Iesum Christum pro nobis fieri victimam, dedisti nobis Euangelium tuum, & Spiritum sanctum, remittis nobis peccata, & liberas nos à potestate Diaboli, & à morte aeterna, & das nobis vitam aeternam, & hactenus in hac vitae multo magnis beneficijs donasti, dedisti vitam, victum, doctrinam, pacem ijs locis, in quibus vixi, & mitigasti poenas, quas meritus sum.

AGO tibi gratias etiam Domine Iesu Christe, crucifixe pro nobis & resurrectione, Emanuel, quod copulasti tibi humanam naturam, passus es pro nobis, &

Z

bis, &

bus, & resurrexisti, ac redemisti nos, seruas ac defendis Ecclesiam cōtra Diabolos hostes tuos, & das & instauras sapē lucem Euangelij, remittis nobis peccata, & das nobis vitam eternam, & es Mediator & interpellator pro nobis assiduus, & vis nobis opitulari, sicut dixisti: Venite ad me omnes, qui laboratis & onerati estis, ego reficiam vos.

AGO etiam tibi gratias Spiritus sancte viuificator, effuse in Apostolos, quod accendis lucem tuam in nostris mentibus, regis, doces, mones & iuuas me consilio, gubernas labores vocationis meae, & sanctificas me ad vitam eternam.

FORMVLA GRATIARVM

ACTIONIS.

Ioach. Camer.

Omnipotens, eterne, gloriosissime Deus, Pater domini nostri Iesu Christi, qui cuncta fecisti creasti, ab initio, & creata conseruas, vnā cum coeterno Filio tuo Domino nostro Iesu Christo, qui secundum dispensationem seu consilium incarnationis suae Hierosolymis manifestē versatus est: & vnā cum Spiritu sancto effuso in Apostolos: Glorifico, benedico, gratias ago, quod nobis cognitionem tui benignitatis immensa praeuisti, bono nuncio nunciato per aeternum sermonem, & filium tuum, pacis, qui confirmasti fidem Euangelij, cum alijs splendidis testimonijs, tum resurrectione mortuorum: & quod acquisuisti tibi populum eximium, Ecclesiam filij tui Domini nostri Iesu Christi, qui bona voluntate tua mactatus pro nobis factus est victima: Et quod donasti nobis spem salutis, & consolationem Spiritus sancti in remissione peccatorum, & a potestate Diabolica redemptione, & liberatione ab aeterna morte, & promissisti vitam eternam seruantibus fidem, & diligentibus te. In presente autem vita multa, & magna beneficia in nos contulisti: Primum in lucem nobis productis, deinde concessa pace manente in regionibus quas coluimus, & cibi copia conciliata, & tristioribus calamitatibus, poenarumque innumerabilium suppliciorum debitorum delictis nostris, aut penitus aduersis, aut placide mitigatis.

Benedico te, O Christe Iesu, fili Dei uiuentis, Domine & saluator, qui Deus es nobiscum propter nos, sermo aeternus, propter nostram corruptam carnem caro factus, qui habitasti in nobis: Qui crucifixus, passus, & mortuus

tenues pro peccatis, & resuscitatus, propter iustitiam nostram. Qui liberaſti captiuos, & eduxiſti in lucem ſedentes in tenebris ac vmbra mortis, cum apparuiſſes redemptor, & ſol iuſtitie: Quiq; ſemper preſto es protegens Eccleſiam tuam, opponendo te hoſtibus tuis Diabolis, & toti miniſterio eorum, neq; ſinis extingui veritatis lumen in ipſa, neq; ceſſas curare, atq; ſanare vices & vulnera illius, & reſtituere collapſa, per remiſſionem peccatorum, & indumentum immortalitatis: Qui es & permaſes in ſaculum mediator & ſupplex, & interceſſor pro nobis miſeris apud patrem æternum, paratus ſemper nobis ſuccurrere, & qui nunquam negligendo nos ſupplantari ſinis, neq; præſocari à quibuſcunq; exitioſorum temporum caſibus.

Benedico te cum gratiarum actione, ó paraclete, Spiritus ſancte, Spiritus veritatis, qui conſediſti ſuper Apoſtoliſ: cum non ceſſas accendere in cordibus noſtris diuina cognitionis lumen ſacrum, qui me erronem, ó munerum gratiaq; largitor, dirigis in vero rationis diuina itinere, docens, intelligentia inſtruens, communeſaciens, præcipiens ſemper boni quidpiam, & corrigens diſſidentia cogitationes peruerſas, quæ adoriuntur nos, nec non ignauiam modica fidei: Qui ſanctificas nos ad expectationem aduentus Domini noſtri Ieſu Chriſti, & hereditatem regni Dei in vita æterna.

MEDITATIO

MORTIS ET PASSIONIS FILII DEI & GRATIARUM ACTIO.

Valent. Trocedorſij recitata Anno 1549.

AGO tibi gratias toto peſtore Domine Ieſu Chriſte, æterni Patris Fili co-
æterne, Emanuel, Redemptor & Saluator noſter, quod immenſa miſeri-
cordia pro me miſerrimo & abiectiſſimo peccatore coram æterno Patre ſup-
plex factus es, & te ad pœnam obligaviſti: et humana natura in vtero Mariæ
Virginis aſſumpta, Homo factus es, et tua admiranda obedientia pro mea in-
obedientia ſatiſfeciviſti, & λόγος ſoluiviſti: & hac ipſa veſpera ante annos
1516, in horto horrendam agoniam ſuſtinuiſti, et luctatus es cum noſtro pec-
cato, cum tremendo iudicio & ira dei, cum morte & Diabolo: et tanta fuit
conſternatio, vt præ angore de ſanctiſſimo corpore tuo Cruentus ſudor
erumperet, atq; δρόμοι αἵματός, gutta ſanguinis largè deſluerent in ter-
ram:

ram: & spontè in manus hostium te tradidisti, et captus es, vinculis constrictus, afflictus, & verberatus, contumelia & ludibrijs affectus, confictis criminibus rabiose accusatus, flagris & spinis immaniter laceratus: falsa sententia iniusti iudicis ad mortem condemnatus, ad supplicium productus.



tanquam ovis ad lanienam: manibus & pedibus distentis cruci affixus, & in sublime erectus: et extremo agone urgente, præter acerrimos cruciatus ex laceratione nervorum in tenerrimo corpore tuo, præter horrorem mortis instantis, longè grauiiores & inenarrabiles dolores et pauores in te irruerunt, cum Dominus ipse omnium nostrum peccata in te conijceret, et totam molem peccatorum vniuersi generis humani in te grassari iuberet: cum diuinitas se subduceret, adeò vt nullam prorsus consolationem sentiret, & à Deo te desertum esse gemeres, imò etiam ira Dei aduersus peccatum in te effunderetur: vbi verè pro nobis factus es maledictum, vt nos à maledictione & condemnatione legis liberati, per te consequeremur benedictionem Abraham: & ne quid deesset ad summos dolores hostes immani rabie addiderunt virulentos sarcasmos: cumq; Sol præter naturam ordinem lucem suam subduceret, terra tremore concuteretur, & durissima petra sine vlla humana vi dissilerent, ac cælo & terra contremiscente, tota natura huius tanti supplicij conspectu exhorrescente, inter clamores & preces animam tuam in manus æterni Patris, hoc ipso die circa horam nonam commendans exprirasti: at-

que

que ita summus Pontifex noster in sublimi ara pro nobis teipsum obtulisti hostiam Deo, in odorem suauitatis: & per sanguinem proprium in sanctum sanctorum ingressus, redemptionem aeternam nobis parasti, & vnica oblatione tua consummata in aeternum reconciliasti omnes sanctos: & ministerium in Ecclesia constitutum conseruas, subinde instauras, & per illud es efficax, & per vocem Euangelij et Sacramenta nobis impertis beneficia mortis tue, remissionem peccatorum, imputationem iustitiæ, Spiritum sanctum & hereditatem vitæ aeternæ: & perpetuo es noster propugnator aduersus portas inferorum, & iugiter pro nobis intercedis apud aeternum Patrem, & es perpetuus noster opitulator: & voce publica ad te vocas, & amantissimè inuitas omnes: Venite ad me omnes, qui laboratis & onerati estis, ego reficiam vos.

Peto à te, Domine Iesu Christe ardenti gemitu, iuuua & rege me Spiritu sancto, vt amplitudinem misericordiae tuae & beneficiorum tuorum subinde magis magisque intelligam, & vera fide accipiam: auge in me fidem, & me iuuua, vt in confessione constanter perseuerem, et vera gratitudine te constanter celebrem.

Serua Ecclesiam sanguine tuo precioso redemptam, & perpetuo da nobis Doctorem ad iustitiam, effunde nobis imbrem temporaneum & serotinum, & serua in ministerio incorruptam vocem Euangelij, serua hospitium Ecclesiae & recta studia doctrinae. Et da nobis panem ^{ἐπιβίον}, hoc est, nutriendum corpora, & pacem. Et quia ad hoc apparuisti, vt opera Diaboli destrueres, reprime & depelle dirum hostem Diabolum, per sua organa immaniter grassantem aduersus Ecclesiam.

Ora pro nobis aeternum Patrem, vt nostri misereatur, et mitiget calamitates, & poenas, quas meriti sumus, & in ira iustissima immensa misericordiae suae recordetur: & Spiritu sancto tuo consolare & confirma omnes afflictos, qui in suis erumnis in nomine tuo aeternum Patrem invocant. Adiunge nobis tuos Angelos custodes, & effice nos organa misericordiae, & iuuua, vt aliqua tibi grata per nos fiant: Vt nomen tuum & eterni Patris, &

Spiritus sancti vera agnitione, inuocatione & obedientia
inter nos sanctificetur. Veniat regnum
tuum, &c.

A M E N.

Z 3

INVOCATIONE

INVOCATIONIS PIAE FORMVLA, RE-
citationi Symboli, Orationis Dominicæ & Psalmorum
certorum cotidie adiungenda: quam & Phil. Mel.
tum aliàs frequenter, tum sub mor-
tem vſurpauit.

Omnipotens, æterne, viue & vere Deus, conditor cæli & terræ, & ho-
minum, vnà cum Filio tuo coæterno Domino nostro Iesu Christo, cru-
cifixo pro nobis & resuscitato, & Spiritu tuo sancto, casto, viuo & veraci,
sapiens, bone, misericors, & iuste Deus, liberrime, caste & fidelis opitulator,
dator vitæ & legis, qui dixisti: Viuo ego, nolo mortem peccatoris, sed vt con-
uertatur, & viuatur. Item: Inuoca me in die tribulationis, & eripiam te:
Confiteor tibi me miserrimum peccatorem, multis peccatis obnoxium esse,
& sancta tua præcepta multipliciter violasse, ac doleo toto corde quod offen-
di te, misere mei propter Filium tuum dilectum, Dominum nostrum Ie-
sum Christum, pro nobis crucifixum, mortuum & resuscitatum, ac remitte
mibi omnia mea peccata, & iustifica me per & propter IESVM CHRI-
STVM Filium tuum, ὁ ὢν καὶ εἰκόνα τοῦ ἀτόν, quem voluisti pro nobis fie-
ri victimam, mediatorem, redemptorem, liberatorem, & saluatorem, miran-
do & inenarrabili consilio, & immensa sapientia & bonitate, & sanctifica
me Spiritu sancto tuo, casto & verace, vt te omnipotentem & verum De-
um, conditorem cæli & terræ, & hominum, æternum Patrem Domini no-
stri Iesu Christi, & Filium tuum Iesum Christum, verbum & imaginem tu-
am æternam, & Spiritum sanctum, veracem, castum & viuum Paracle-
tum, verè agnoscam, tibi verè credam, obediam & gratias agam, te verè
timeam & inuocem, & benigno tuo conspectu in æternum fruatur, tibiq; in
æternum seruiam. In te Domine speravi, non confundar in æternum, in iu-
stitia tua libera me. Conuerte me Domine ad iustitiam & vitam æternam,
Redemisti me Domine Deus veritatis. Protege ac rege clementer Ecclesiam
nostram ac politias & hanc scholam. Da eis pacem, piam & salutarem gu-
bernationem, rege & defende nostros Principes & Magistratus, collige &
serua tibi æternam Ecclesiam in his regionibus, sanctifica & copula eos Spi-
ritu tuo sancto, vt vnum sint in te, in vera agnitione & inuocatione Filij tu-
i Domini nostri Iesu Christi, per & propter Filium tuum Dominum nostrum
Iesum Christum, pro nobis crucifixum, mortuum & resuscitatum.

Omnipotens

OMnipotens, aeternae Fili Dei, Domine Iesu Christe, propiciator & saluator, verbum & imago aeterni Patris, mortue pro nobis & resuscitate, toto pectore tibi gratias ago, quod humanam naturam assumpfisti, & mihi Redemptor factus es, & quod in carne passus es, & ex morte resurrexisti, ac intercedis pro me apud aeternum Patrem. Oro te, respice me & miserere mei, quoniam vnicus & pauper sum ego, adauge in me lucem fidei per Spiritum tuum sanctum, & sustenta me in infirmitate mea, rege, defende & sanctifica me. In te DOMINE confido, non confundar in aeternum.

OMnipotens Spiritus sancte, verax, caste & viue consolator, illumina, rege, sanctifica me, confirma fidem in anima mea & corde meo, effice in me certam consolationem, sustenta & gubernam me, vt inhabitem in Domo Domini omnibus diebus vitae meae, vt videam voluptatem Domini, & in aeternum sim & maneam sanctum Dei templum, & Deo in omni aeternitate gratias agam, & in aeterna caelesti Ecclesia & congregatione cum celebrem & laudem, Amen.

ALIA INVOCATIONIS FORMULA.

OMnipotens, immortalis, aeternae Deus, viuens & regnans sine initio & sine fine, pater Domini nostri Iesu Christi: Qui declarasti te nobis benig-nitate immensa, & locutus es de filio tuo Domino nostro Iesu Christo: Hic est filius meus dilectus, ipsum audite, factor & creator vniuersorum, saluatorq; & protector, vnà cum coaeterno filio Domino nostro Iesu Christo. Qui declaratus est & cognitus Hierosolymis, & tecum regnat semper, vnà cum Spiritu sancto effuso in Apostolos: Sapiens, misericors, liber, iustus, fortis, sanctus. Qui dixisti: Viuo ego, Ego Adonai Dominus, non volo mortem peccatoris, sed conuertere impium à via sua et ipsum viuere. Et rursum: Non volo mortem impij, sed vt auertatur à via sua mala. Et rursum: Inuoca me in die afflictionis, et eripiam te, & glorificabis me: Oro te, qui vnus es verus Deus, miserere mei, propitius redditus propter filium tuum Dominum nostrum Iesum Christum. Quem benigna voluntate tua fecisti victimam & hostiam pro peccatis, & mediatorem atq; intercessorem solum: Sanctifica, gubernam, dirige manu tua, emenda omnes vires animae & illumina cor meum accendens in hoc ignem intelligentiae, per Spiritum tuum sanctum, vt eluceat

eluceat in me cognitio tui vera, & fiducia in te, cum inuocatione continua, & fide infracta, & intentagratiarum actione, cum obedientia non disceptante seu dubitante, et non simulata humilitate. Preses sis, protegens & potentem manum tuam extendens supra Ecclesiam tuam semper, secundum promissionem, quam dixisti: Istud eis testamentum seu pactum: spiritus meus qui est super te, & verba, qua dedi in os tuum, nunquam deficient ex ore tuo, & ex ore seminis tui: Facito ut luceat semper lux Euangelij in nobis. Corroboranos in veritate docens & custodiens sinceram mentem nostram, & animam totam, ne elidamur vnquam veluti in Syrtis quasdam dementia Epicureæ, aut alias quasculq, furiosas opiniones & absurdas nugas. Doctrinam autem communem in Ecclesia conserua puram & illabefactatam, & protegestatus publicos qui conciliant hospitium in terra Ecclesiasticis cœtibus. Resiste aduersarijs semper, pro miseris nobis tuis ouiculis pugnans cum lupis & leonibus insidiantibus salutem nostram, fugato & auertito spiritus omnes immundos, mandaces, homicidas, impios, contrarios Christo, & hostes Dei, neq, patiaris nos vnquam rapi ex manibus Christi tui.

O CHRISTE IESV filij Dei viuentis, Deus verus, verbum & imago æterni patris, & resplendentia gloria ipsius, qui homo factus es pro nobis, & passus carne, crucifixus, & viuificatus spiritu, qui resurrexisti & assumptus in cœlum regnas vnâ cum patre omnipotente sedens è dextris ipsius, ut des dona hominibus, intercedas, quæso, pro nobis, & medium te semper interponas ad patrem. Qui dixisti: Venite ad me omnes laborantes & onerati, & quietem vobis tribuam. Etiam intercedas pro me ad patrem tuum, & sanctifices me spiritu sancto tuo, quem misisti, quemadmodum promiseras, paracletum & tutorem, cum ipse nihilo minus præstò sis & custodias tuos, secundum id quod dictum est: Non dimittam vos orbos? Miserere mei semper pro me intercedens. Dirige me ductor itineris, & largitor integritatis, per sanctum spiritum tuum, & propulsa omnem impressionem diabolicam, quæ per impiam mendaciloquiū & vanam mentis loquacitatem impellit nos, ut allidamur ad impuritatem & contaminationem sanguinis, & alienemur in peruersitate à sola saluifica veritate tua. Spirituum enim ista sunt opera amantium mendacia, & fraudulentorum, & impura petulantia cadibusque gaudentium, qui incola sunt tenebrarum atq, caliginis. Tu vero, O CHRISTE, fili Dei, venisti ut solueres opera ipsorum.

O Paraclete Spiritus sancte Deus, quem credimus in Apostolos diuinitus esse

tus esse effusum manifesta specie, & promissum scimus Ecclesie à Christo saluatore filio Dei, ad accendendam in ipsa ardentem inuocationem eius qui verè est Deus, & illustrem cognitionem veritatis, secundum hoc quod scriptum est: Effundam supra domum Davidis Spiritum gratiæ & miserationum, & secundum testificationem beati Pauli: Quod Deus effuderit sanctum Spiritum in nos opulenter per Iesum Christum saluatorem nostrum. Excita, quæso, in cordibus nostris fidem firmam & efficacem, & sensum exquisitum misericordiæ, quam nobis Deus pater æternus promisit per filium suum Dominum nostrum Iesum Christum. Fias etiam nobis paracletus & aduocatus bonus in omnibus cogitationibus & actionibus, adiuuans nos & eripiens ex periculis, in quæ incidimus in hoc mundo. Moueto & corda nostra potentia gratiæ tuæ, ut debita obedientia studio æternam patrem, & filium saluatorem, & te sanctum Spiritum paracletum colentes veneremur, unum solum, omni veneratione colendum & adorandum Deum, Amen.

ALIA EIVSDEM,
PRO DEFENSIONE ADVERSVS IN-
fidias & tyrannidem Diaboli.



OCHRISTE IESV Saluator generis humani, tuere nos, custodiens
& providens, ne quando abstrahamur abs te correpti à Diabolo, & de-
feramur

A4

feramur in abyssum impietatis, animum aduertendo ad mendaciloquia, aut polluendo nos quibus, ung, sceleribus, aut impuris facinoribus. Illumina corda nostra, & dirige mentes, ne vnquam euertamur, siue decepti opinione, seu lapsi infirmitate. Tu nosti quanta sit imbecillitas natura nostra, sis igitur supplex pro nobis ad aeternum Deum patrem, placatum ipsum intercessionem tua, vt gubernetur diuinitus mens & omnes vires anima nostra, in laudabili animi sententia rectè benèq, & vtiliter consulamus de omnibus publicè & priuatim. Adde & robur cordibus nostris, vt valeant sequi sancta mandata tua, & obedire salutari verbo tuo, vt permaneamus ij, qui non sint ira, sed misericordiae vasa, ad gloriam Dei & vtilitatem Ecclesiae tuae. Libera nos à Diabolica tyrannide, & ex captiuitate peccatorum, & ex omnibus malis ac miserijs, & quacunque causas dant sollicitudinis huius vitae, & ex scandalis publicè priuatimq, orientibus, vt liberati ista vita degende infelicitate atque prauitate, assequamur Gratiae tuae diuinum donum: Sapientiam, iustitiam, & sanctificationem, & tandem hereditatem adipiscamur beatam vitam sempiternam, assumpti in conclauiam seu mansiones coelestes ad te, vbi viuamus semper in gaudio superante omnem sensum in terris hominum, vna cum sanctis vniuersis, apud patrem aeternum, & te coaeternum filium, Dominum nostrum, & Sanctum Spiritum: cui vni soli, aeterno, immortali, forti, misericordiae Deo, honor, gloria, potentia, robur sit in saecula saeculorum, Amen.

PRO CONSERVATIONE ECCLESIAE,
Status Politici & Oeconomici.

O Aeternae Deus, propter dilectum Filium tuum, & vt innotescat & illustretur gloria tua, recordare immensa misericordiae tuae in ira iustissima, Serua nos cum Ecclesia & in Ecclesia tua, nō seruas terrā Anathemate, nō sinas fieri infinitā vastitatē, aut Turcicā & Cyclopicam barbariem in his regionibus, serua tu bonum regimen politicum, salutare statutū Ecclesiae, publica disciplina sanctitatem, protege familiolas nostras, fac eas vasa misericordiae, da eis victum, successus in officijs vocationum, & cetera bona corpori necessaria.

PRO

PRO MITIGATIONE POENARUM. Philip. Melanth.

A Eterne Deus, Pater Domini & liberatoris nostri Iesu Christi, clementer mitiges ac lenias miseras & arumnas propter meritum & intercessionem filij tui, & parcas immensa bonitate tenello gregi puerorum & puellarum, vt in familiolis nostris conseruetur ac propagetur doctrina cœlestis. o bone, misericors, benefice Deus, miserere nostri propter Filium, & da victum ac panem cotidianum tenello gregi nostrorum liberorum.

VT SERVEMVR IN PVRITATE
doctrinæ cœlestis.

Domine Iesu Christe, fili David, miserere nostri, remitte nobis peccata, & adsis nobis, effunde in nobis Sp̃. tuū sanctū, Rege & serua Ecclesiā tuā, protege nos & infantulos nostros, ne in furores Ethnicos, Epicureos aut fanaticos ruamus, serua & defende hospitia Ecclesia, ne barbaricis furoribus vastentur & turbentur omnia, tu sis protector & adiutor noster. Accende ac confirma in nobis lucem tuam, vt doctrinam salutare[m] rectè discamus, intelligamus, & in exercitijs vera pietatis semper colamus, Amen.

PRECATIO ADOLESCENTVM, QVI
in studijs doctrinarum versantur.

TE Viuum & Omnipotentem Deum, aeternum Patrem Domini nostri Iesu Christi, conditorem vniuersæ creaturæ, & conseruatorem cum filio tuo Domino nostro Iesu Christo, & Spiritu sancto inuocamus: Miserere nostri propter Filium tuum dominum nostrum Iesum Christum, quem pro nobis victimam fieri voluisti, & Mediatorem pro nobis instituisti, mirando & inenarrabili consilio, vt iram tuam veram aduersus peccata generis humani, & immensam misericordiam tuam erga nos declarares, Sanctifica ac rege nos Spiritu sancto tuo, collige, rege, & serua tibi Ecclesiam, rege Politias, Da nobis victum, pacem, bona & felicia consilia negotiorum, conserua parentes nostros, & procuratores nostros, in vera pietate, & longeva incolumitate. Confer nobis studiorum salutaria incrementa, vt in gloriam nominis tui parentibus nostris honori fiamus, atq; Ecclesia tue & Reipublice vtiliter

vt iliter quandoq; seruire valeamus, Per Christum Iesum Dominum nostrum, Amen.

ALIA, PVERORVM DISCENTIVM.

GRatias agimus tibi eterne fili Dei Iesu Christe, quod nos ad societatem Vere doctrinae & Ecclesiae tuae vocaueris: quodq; ex ore lactentium & infantium laudem tuam perficere digneris. Velis tu nos facere vasa & organa misericordiae tuae, & non irae: Vt aliqua à nobis tibi grata fiant. Vtq; ad sanctissima pueritiae tuae exemplum, aetate, sapientia & gratia apud Deum & homines proficiamus: AMEN.

FORMA

CONFITENDI ET PRECANDI Generalis, à Phil. tradita in Chronicis.

OMnipotens, aeternae, viue & vere Deus, aeternae, & vnice pater Domini nostri Iesu Christi, qui vnà cum filio tuo coaeterno Iesu Christo et Spiritu tuo sancto creasti coelum et terram, & homines, et alias creaturas, sapiens, bone, verax, caste, iuste, iudex, liberrime & misericors, diligens & exaudiens nos, qui dixisti, Viuo ego dicit Dominus, Nolo mortem peccatoris, sed vt conuertatur et viuat, Confiteor tibi me miserum peccatorem esse, & doleo quod offendi te, ac supplex oro, vt miserearis mei, remittas mihi omnia peccata mea, & me iustifices, & salues per & propter filium tuum Dominum nostrum IESVM CHRISTVM, quem voluisti pro nobis esse victimam, & per te & in te, miranda sapientia & immensa bonitate, & sanctifica me Spiritu tuo sancto, viuo, casto & veraci, Collige inter nos Ecclesiam, & eam gubernas, Da Ecclesiae politias honestas et tranquillas, da nobis victum, vires corporis, rege studia doctrinarum, fac me vas misericordiae, nec sim vas irae. Mitiga poenas publicas & priuatas propter filium tuum Dominum nostrum IESVM CHRISTVM *ωρεσθε υμεις ημεων*, & propter tuam gloriam, vt te in tota aeternitate celebremus, & tibi gratias agamus.

Amen. Credo DOMINE, opem fer imbecillitati meae. Sicut dixit.

Dominus noster IESVS CHRISTVS: petite

& accipietis.

LOCO-

1731

103

LOCORVM ALIQVOT SCRIP-
tura sacra illustrium paraphra-
sis Philippica.

INDEX.

GENES. I.	S	Piritus Domini FOVEBAT aquas. fol. I	
2		Hæc nunc os ex osibus meis	122
15		Credidit Abraham Deo, & reputatum est ei ad iustitiam.	43
32		Minor sum Domine cunctis miserationi- bus tuis, & veritate tua.	23
47		Dies peregrationis meæ pauci & mali. 100	
49		Non auferetur Sceptrum de Iuda, & dux de fœmore eius donec veniat SILOH.	15
Exodi 3.		Ego SVM qui SVM.	17
I. Paral. 17.		Aspexisti me in forma hominis, qui es in excelsis IEHOVA DEVS.	14
2. Paral. 20.		Cùm nescimus quid agendum sit, oculi no- stri ad te Deus attolluntur.	19
Psal. 39.		Quàm nihil nisi vanitas omnis homo.	101
46		Non timebimus etsi turbabitur terra, & ruant mentes in medium mare.	39
51.		Expiabis me Domine hyssopo.	7
127.		Nisi Dominus ædificauerit domum.	105
133.		Ecce quàm bonum.	117
Esai. 49.		Nunquid obliuisci potest mulier infan- tem suum, vt non misereatur filio vteri suis;	90
Zachar. 12.		Effundam super domum Dauid spiritum gratiæ & precum.	2

Aa 3

Credo

INDEX.

MARCI 9.	Credo Domine , opemfer incredulitati mea.	6
Ioh. 3.	Non potest sibi homo sumere quicquam, nisi datum sit ei à Deo.	149
17.	Sit dilectio tua in eis, qua me diligis, & ego in eis.	8

FORMVLARVM INVOCATIONIS *piæ*, Index.

P ro Agnitione Dei & dono Spiritus S. precatio.	1
Pro Angelorum ministerio gratiarum actio.	32
Pro Beneficijs Dei in nos cotidianis, grat.	23
Ante Cibus prec.	24
Acibo sumto.	25.26
Cubitum euntis.	28.& inde
Cananæ matris prec.	7
D ECALOGI meditatio & formula confitendi generalis.	
190	
Vt Dilectio Dei in nobis maneat.	8.
Pro ECCLESIAE conseruatione & puritatis doctrinæ, precatio.	5
Ecclesiæ vagientis prec.	18
Contra Ecclesiæ hostes prec.	10
Pro Ecclesiæ & scholarum hospitij.	ibid.
Εὐλογία ἱερατικῇ.	29
Pro Fidei incremento.	6
Gratiarum actionis formula ad Trinitatem.	177.& inde.
Incarnationis filij Dei meditatio.	13.14.15.16.& inde.
Ingredientis templum prec.	27

INVOCATIONIS

INDEX.

INVOCATIONIS forma ad Trinitatem.	9
Ex Ludo reuertentis, prec.	27
In Morbis & calamitatibus prec.	21
Mortis & passionis filij Dei meditatio.	179
Pro Nauiculæ Christi gubernatione.	11. & inde.
ORATIONIS Dominicæ meditatio & paraphrasis. fol.	
30. 163. 167.	
in Periculis & difficultatibus.	19
pro Pœnarum mitigatione.	183
in Profectionibus & negotijs.	22
pro Remissione peccatorum.	7
pro Studiorum gubernatione, successu & fructu.	3. 27.
& inde.	
Pro Vitæ totius gubernatione.	24. 39. & 40
Vt vnum simus in Christo.	9

*ALLEGORIAE, SIMILIA ET
Imagines venustæ Epigrammatis à
Philippo expressæ.*

A mphionis & Orphei Musicorum excellentiss. ad Da- uidem.	134
Animalium quatuor in Daniele: ad Monarchias seu sum- ma imperia.	62. & inde.
Canaanæ matris: ad Ecclesiam horum temporum.	7
Christophori: ad quemlibet pium.	148. & inde.
Colossi seu statuæ ex Daniele: ad Monarchias.	62. & seq.
Consecrationis victimarum per impositionem manu- um: ad Filium Deum Summum Sacerdotem & victi- mam: tum etiam ad ministros Verbi Dei omnes.	52
	Cuculi

I N D E X.

Cuculi deuorātis nutricem currucam seu Hypolaidem: ad alumnos ingratos & perfidos.	152
Embryi seu foetus nondum editi: ad genus humanum non renatum.	15.16
Fili Ariadnes: ad Dialecticam.	129.& inde.
Halcyoniorum: ad Ecclesiam.	80
Imago Iustitiani Imperatoris; declaratur.	109
Lazari: ad quemlibet pium.	21
Mosis abditi in cauerna rupis, videntisq; posteriora Dei prætereuntis: ad Ecclesiam.	41
Mosis remittentis inter precādum manus: ad Ecclesiam & intermissionem precum.	43
Nauiculæ: ad Ecclesiam.	18
Niduli & pullorum: ad Ecclesiam.	9
Pardalis: ad Alexandrum Magnum.	65.& inde.
Præsepiorum Christi: ad Eccl.	90
Pharaonis: ad Tyrannos & persecutores Eccl. 48. & seq. De eo, quod Pastoribus annūciarint primū Angeli na- tum Christum.	98
Sagittæ seu iaculi: ad impetus heroicos & successus, qui præstantibus viris dantur diuinitus.	108
Sanguinis Martyrum & Seminis: ad Christum.	61
Sculpturæ & imaginum Sicli: ad officia docentium.	97
Secundarum seu Chorij: ad filium Dei in cruce penden- tem.	15.& inde.
Speculi impoliti: ad rude & literis nō excultū ingeniū.	127
Statuæ mutilatæ capite: ad eum cui ad reliquas virtutes deest pudicitia.	120
σοφῶν: ad φιλανθρωπίαν Dei.	124.127
Trium puerorum in fornace ardenti: ad cōseruationem Ecclesiæ.	5.

R E R V M

1737

RERVM RELIQVARVM MEMO-
rabilium Index.

A.

A Bel.	fol. 54	Castitas.	118
Absoloni in patrē impietas & exitus.	44	Clementia & placabilitas.	153
in Alexandrum magnum.	65	Christo triumphatori.	39
Amicitia cū paribus iungenda.	147	Christophori imago.	148
Angelorum ministerium.	33	in confessionem Augustanam.	137
Animarum piarum querela de Tyrannis.	37	de Coniugio.	121
Arithmetica.	131	Concordia.	116
Artium bonarum inter se, veluti herbarum in medicinis, societas & temperatio.	129	de Cometis.	140
Astra inclinant, non necessitant.	137	Commentarij optimi psalmorum lectio & inuocatio.	136
de Astris.	139	Consecratio victimarum per impositionem manuum.	52
in Astronomicas hypotheses.	138	Consolatio vera in obitu piorum hominum.	102
Atrocia delicta atrocibus pœnis puniri.	150 151	in Crapulam & ebrietatem.	124

B.

B ellerophon accipit à Pallade frenum aureum regendo Pegaso	110
Bellorum finis.	ibi.
in Bibliorum Germanicam versionem Lutheri.	136

C

C alumnia.	153
Caroli V. prudens contatio, & in victorijs moderatio.	86

D.

D anielis socij in fornacem coniecti.	5
Dialectica elogium.	129
Doctorū Ecclesiæ officium.	50. 96. 98
Doctrina cœlestis studium.	133
Doctores linguam suam Deo commendant.	99

E.

E cclēsia mater & patria filiorum Dei.	85
Ecclesia in terris cum Christo suo exultat.	Bb

INDEX.

<i>xulat.</i>	88	Henricus Sudphaniensis à Ditmar-	
<i>Ecclesia inter confusiones imperio-</i>		<i>sis martyrio affectus.</i>	59
<i>rum durabit.</i>	89	Heroes præstantissimi in ipso ætatis	
<i>Ecclesia non regitur humanis con-</i>		<i>flore succissi, vt Achilles, Pirrhus,</i>	
<i>silijs.</i>	88	<i>Alexander Magnus, Carolus Bur</i>	
<i>Ecclesia Sol & viuificator filius Dei.</i>		<i>gundus, Mauricius.</i>	71
81		<i>Historiarum studium.</i>	131
<i>Ecclesia hospitia & halcyonia.</i>	185	<i>Historie suppeditant exempla iusti</i>	
<i>Ecclesia ciuem esse summum decus.</i>		<i>tia diuina.</i>	ibi.
86		<i>Homo imago & templum Dei.</i>	143
<i>Esaia exitus & martyrium.</i>	55	<i>Hominis & humana societatis finis.</i>	
<i>inter Euentus & exitum distingui</i>		107.143	
<i>oportere.</i>	152	<i>Hominum tres gradus.</i>	146
<i>ἐνθαυασία.</i>	103		

F.

D E Fide iustificante.	93
<i>Fidei vacillantis exemplum.</i>	42
<i>Filius Dei lapis abscissus ex monte.</i>	
64	
<i>Filius Dei λόγος & semper adfuit pa-</i>	
<i>tribus.</i>	92
<i>ad Fortitudinem adhortatio Tirtai.</i>	
111	
<i>Franciscus rex Gallie captus ad Ti-</i>	
<i>cinum.</i>	69
<i>de Friderico Sapiente electore.</i>	70
<i>Fridericus rex Danie.</i>	83

G.

G ermania limites.	68
<i>Gustus vitæ et gloriæ æternæ.</i>	39

H.

H elice & Buraciuuitates submer	
<i>sa.</i>	67

L.

L eboua.	13
<i>Ignorantia tres causæ.</i>	128
<i>Impositionis manuum ritus & signi</i>	
<i>ficatio.</i>	52
<i>Incarnationis Filij Dei meditatio</i>	
13.14.15.16.17	
<i>Ingenium sine doctrina.</i>	127
<i>Infelix felicitas.</i>	147
<i>Institutio recta.</i>	127
<i>Innocentia optimum aduersus inui</i>	
<i>dentiam remedium.</i>	116
<i>In ingratos & perfidos.</i>	152
<i>contra Intermissionem inuocationis.</i>	
43	
<i>Iohannes Baptista.</i>	34
<i>Iohannes Baptista præcipuus doctri-</i>	
<i>næ Christiæ partes complexus</i>	
<i>est.</i>	57
<i>de Iohanne Friderico Constante ele-</i>	
<i>ctore.</i>	70

Iohan-

I N D E X.

Iohannes Eccius sophista. 72
in Iulianum Apostatam. 50
Iustiniani Imperatoris imago. 109

L

Leges humanae & reuerentia legum. 113
Lex Dei. ibi.
Lex talionis. 114
Leporum ad leones concio. 61
in Liberos degeneres. ibi.
in Liberos frugi & laudatos. 154
Loquendum premeditatè. 131
in Locos communes Philippi. 136
in Luxum & profusiones. 125.

M.

Maria & Elizabetha congressus. 36
Miriã & Martha 82
de Mar: Luthero. 72. 73
de Mauricio duce Saxonie electore. 71
Mediocritas & sancta avaritia. 120
Metallica Venæ. 26
Monarchiarum imagines. 62
Mors Christi vita piorum. 104
Moses feriens petram & dubitans. 42.
orans. 43
Videns posteriora Dei. 41
Musarum exilia & migrationes. 80

N.

Nauicula Christi. 11. 12
Necessaria faciendâ. 147

O.

Occasio donum Dei. 21
in Ocium & desidiâ. 146
in Ouidium. 129

P.

Parientium & præliantium collatio. 123
in Pharaonem. 48
Patientia. 155. 95
Pauli Apostoli eloquentia. 133
in Paulum Apostolum. 58
Pausania facinus & exitus. 124
de Philippi Melanthonis vita, studiis, laboribus, periculis & morte. 74
Piorum mors Tyrannorum bellaria. 57
Poeta legendi & imitandi 128
Poeticos impetus à Deo esse. 128
Publica mala sunt priuata singulorum. 112
Pueri magna pars Ecclesie. 126
Pudicitia. 119
Puerorum inuitatio ad scholas. 126
Præmia rectè docentium. 61
de Predigijs. 67
Præsepe Christi. 16. & inde
Prophetarum officij tres partes. 95
Bb 2 Primi-

INDEX.

Primitiarum & decimarum vsus.	Sarepta.	52
33	in Saulem regem.	47
Psalmodi lectio frequentanda. 134	Simsonis exitus.	46. & inde
Psalmodi tria genere. 135	Sulphur & hydrargirus prima semi- na metallorum.	26.
	Synodus prima noui testamenti. 35.	
	& inde.	
Q uod non capit Christus, rap- it fiscus. 115	Spiritus S. efficax per Verbum. 2	
	Spiritus S. accendit motus legi Dei congruentes, & tales qualis ipse est.	ibid.
R.	in Stephanum. 58. & inde	
R anarum & murium pugna. 112	Sophistica peruersitatis detestatio.	100
Regula vite. 141. & inde	Spes.	155
Regna à Deo dantur & auferuntur.		
49. 50		
pro Remissione peccatorum. 17	T.	
in Rosas pictas. 125	T heba Bæotica. 66	
S.	Theba Aegyptiaca. ibid.	
Sanguis martyrum semen Christi- anorum. 61	Terentij elogium. 129	
de Sedulitate et iustitia. 145	V.	
Sibaris à crotoniatis deleta fundi- tus. 68	V eritatis inuicta vis. 154	
de Siclo. 97	Vir bonus publicum bonum. 108	
Statua Iunonis Sibaritica vomens Cruorem. 67	Vita hominum labor & dolor. 100	
509. n. 127	& inde.	
Sacerdotum leuiticorum officia tria. 98	in Vitam alicam. 116	
	Vulgus regitur exemplis eorum qui presunt. 113	

FINIS.

1737

107

IMPRESSVM FRANCOFORTI AD
Moenum, apud Iohannem Feyrabendt, impen-
sis Sigismundi Feyrabendt.




M. D. LXXXIII.

13 14


1737

108

13 14 1



1737



1232.

2

s.

111

13 14 1